

قواعد التربية الثلاثون د. داليا الشيمي

يصدر عن:



ت: ٠١٠٩٧٥٥٣٣٢٨

١ ميدان التحرير - القاهرة - مصر

الإشراف علي النشر:

طارق رمضان فارس

الطبعة الأولى / ٢٠١٧

الطبعة الأولى

2017

قواعد التربية الثلاثون

د / داليا الشيمي

أحمد عبد الحليم

كريم المصري

هناء أمين

٢٠١٧ / ٢١٩٨٩

978 - 977 - 852 - 057 - 6

إسم الكتاب:

تأليف:

التنسيق والإخراج الداخلى

مصمم الغلاف

المراجعة اللغوية

رقم الإيداع:

الترقيم الدولي:

جميع الحقوق محفوظة

قواعد التربية

الـ 30

التربية النفسية للأطفال

تأليف

د. داليا الشيمي

دكتوراه في علم النفس

خبير الإرشاد النفسي والتربوي



إهداء

إلى روح أبي الطيب .. مصطفى الشمي

أشهد الله أنك سعت وقدمت لنا كل ما يمكن لإخراج
أبناء يستطيعون السير في الحياة وحدهم، وكأنك فهمت
من بداية توليك وظيفة أب أنك راحل وأنا باقون بعدك!!
عملت ما أدركناه حينها وما لم نفهمه في وقتها، ولكن
احتجنا زمنا لفهمه ونقدر!!!

لم نقدم لك ما تستحقه مهما فعلنا لكن أتمنى أن
تصلك دعوة أم أو أب يقرأ كتابي هذا ويقوم على بناء
أولاده.. يبني فيهم ما ينفعهم ويخرجهم أسوياء .. رحمك
الله رحمة واسعة فلك الفضل علينا بدايةً من اختيار أمانا
إلى كل فعل وعاطفة وفكر قدمتهم لنا..

مقدمة

لا يختلف اثنان على ما يتكبده كل أب وكل أم كي يوفروا لأبنائهم كل ما يحتاجونه في سبيل سعادتهم وقضاء حاجاتهم كل على حسب إمكانياته، وقدراته، ومفاهيمه عن هذه الاحتياجات، وهو ما يجعلك تجد أنواعا مختلفة من طرق إشباع هذه الاحتياجات، وأيضاً مستويات مختلفة منها.

لكن الحقيقة التي رأيتها خلال سنوات عملي الطويلة في الإرشاد النفسي للكبار والتربوي للأطفال هو ما يمكن أن أسميه خلافاً في إشباع الحاجات النفسية للأطفال، والذي يظهر - للأسف - على مختلف المستويات الاجتماعية بما تشمله من تعليم ووظيفة وطريقة حياة، وإن شئت قل طبقة اجتماعية، وكذلك مختلف المستويات الاقتصادية،

وربما يشمل أيضاً مختلف الثقافات التي أتحرك فيها
بعض الدول العربية، بعض هذا الخلل ينتج عن «جهل»
بالاحتياجات النفسية للطفل وكيفية إشباعها، والبعض
الآخر يتم نظراً للتقليل من أهمية هذه الحاجات أمام
الحاجات المادية الأخرى التي يسعوا جاهدين لإشباعها!!!
ولذلك .. سوف نتناول في هذا الكتاب بعض الأمور
التي تؤثر على نفسية الطفل والتي نجد لها تأثيراً يصل
إلى أن يلقي بظلاله على سنوات عمرهم المتأخرة، فليس
بغريب علينا في المجال مثلاً أن نجد سيدة متزوجة لديها
مشكلة زوجية حادة، حين نرجع إلى أصل المشكلة نجد
أن بدايتها في التربية، أو يشكو رجل من اكتئاب في عمر
متأخر ونجد أن أساسه مفهوم خاطئ في التربية، أو احتياج
لم يُشبع كما يجب!!!

سوف أتناول كل الأشياء التي يمكن أن تؤثر في نفسية
الطفل من بداية تكوينه كجنين وعبر المراحل المختلفة.

ولكي نوضح أهمية ذلك وأن التربية النفسية ليست رفاهية، سوف أسوق بعض الحالات الناتجة عن غياب الاهتمام بالنواحي النفسية والتي تؤثر على مختلف جوانب الحياة، ربما اتضح لنا أهميتها ودفعتنا إلى مزيد من الاهتمام بها، سوف أسمعك صوت ابنك وهو يحكي عنك، سوف أورد لك حالات - بالطبع مع أخذ كل الاحتياطات لاحترام خصوصيتها- توضح لك تأثير ما تقوم به، سأنقلها نقلا بعباراتنا وانفعالاتها كي تصلك كما هي، ربما يحقق لك ذلك تأثيرا أكبر من مجرد النقل العلمي للمعلومات في صورة جامدة.



القبول والرفض أثناء الحمل

يعتقد البعض أن الاهتمام بنفسية الطفل يبدأ من ميلاده ووعيه لما يتم نحوه، لكن الحقيقة أن العلم أدى بنا إلى فهم أن الطفل يبدأ في التفاعل مع البيئة من حوله منذ أن يدب الله سبحانه وتعالى فيه الروح، ويصبح مشاركاً في الحياة حتى لو مخفي عن أعيننا!!

فقد لوحظ أن الطفل الذي يأتي كما تصفه بعض الأسر «غلطة»، أو كانوا وقت الحمل فيه غير راغبين في الأطفال، أقل ثقةً بالنفس وأكثر حساسية من الطفل الذي جاء مرحباً به والأسرة مستعدة لوجوده.

وتختلف تأويلات هذا الأمر تبعاً للتوجهات المختلفة، فالبعض يذهب إلى التغير الفسيولوجي السيئ للام أثناء الحمل فيه وعدم اكتراثها بصحتها نظراً لعدم الرغبة

في الطفل أصلاً، والبعض يذهب إلى أن الموضوع ليس
فسيولوجياً البتة، بل هو نفسياً تماماً حيث إن الأم الراضية
للطفل تعطيه دائماً كلمات سلبية دون أن تدري، وتحذره
عن نفسه بأنه شخص جاء غير مرغوب فيه وكأنه فعل
لا إرادي!!

والحقيقة أننا في العلم لا يمكن أن نفصل هذا عن ذاك
فكل ما هو نفسي إما أنه انعكاس لفسيولوجي دماغي،
أو كل ما هو فسيولوجي دماغي ناتج عن سبب نفسي.

ولكن يبقى المؤكد لدينا أن الرفض يصل إلى الطفل منذ
تكوينه، ولعل أشهر الحالات التي قابلتها في حياتي المهنية
الباكرة، ربما من ١٦ عاماً تقريباً، كانت لأم تعمل في مجال
يعتمد على شكل جسمها بدرجة كبيرة، بعد أن أنجبت
طفلها الأول وضعت كل الاحتياطات التي تجعلها لا تكرر
هذه التجربة لتعود لمجال عملها الذي توقفت عنه لمدة
٣ سنوات، كلما حاولت أن تترك ابنها فيها أخافوها من
تعرضه لأزمة نتيجة انشغالها، ولم يتيسرها العمل المناسب
الذي تظهر فيه، حتى عدلت جسمها، وأعدت لنفسها كل

متطلبات المهنة ودربت مساعدة لتقوم على رعاية طفلها،
وجهزت كل الأدوات التكنولوجية لمتابعته وهي في الخارج.
مضت تعاقدات تبدأ فيها بعد عدة أشهر استعداد، وهو
ما اعتبرته إخراجاً لها من الاكتئاب، واحتفالاً بهذه
المناسبة سافرت مع زوجها في إجازة للاحتفال، رغم كل
احتياطاتها عادت لتكتشف بعد أسابيع قليلة أنها حامل،
حاولت التخلص من الطفلة لكن لم تتمكن من ذلك نظراً
لمشكلات صحية ورفض زوجها وأهله، فكانت الطامة
الكبرى لها، بالطبع لم نعرف ذلك إلا حينما حكته هذه الأم
متأخراً حين كانت ابنتها المراهقة تأتينا بشكاوى لا تنتهي
من علاقات فاشلة مع شباب أقل من مستوى حياتها
ينصبون عليها بدافع الحب، وتعرضت مرتين للسجن
بسبب أحدهم إلا أن عناية الله كانت تنجيها في اللحظات
الأخيرة، فمنهم من كان يهددها بصور لها في عمر الرابعة
عشر، ومنهم من كان يأخذها الرحلات هرباً من المدرسة
لتحمل له مخدرات الرحلة لأن الشرطة ستقوم بتفتيش
الولاد على الطريق لكن البنات لا يقوموا نحوهن بذلك...

ومع تكرار المشكلات والمحاولات مع الفتاة قمنا بعمل بعض الاختبارات لها، فأكدت الاختبارات والمقابلة الإكلينيكية بما لا يدع مجالاً للشك أن الفتاة تشعر بأنها مرفوضة، ولديها نقص شديد في قيمة الذات والثقة بالنفس، وحين كنا نناقش الأم التي كانت تترك عملها وتحضر الجلسات بانتظام قالت: «مش عارفة منين ممكن يبجي لها الشعور بالرفض وعدم الثقة بالنفس الي أنا مش هاخبي عليك، باشوفه أنا كمان لما ألاقها مختارة ولد صعلوك لا يتناسب مع عيلة أمها ولا عيلة أبوها، بس الحقيقة باستغرب قوي فوق ما تتخيلي، بنتي «فلانة» معاها فيزا من وهي ١١ سنة، معاها سواق خاص لأن إنت عارفة شغلي مالهوش مواعيد، باخد رأيها في كل شغلي من وهي طفلة لدرجة إن الناس بتقول عليّ مجنونة، وحماتي طبعاً، لأني جاية من ثقافة مختلفة، هرياني تريقة وهي صغيرة عشان اهتمامي بيها .. فين بقى الي يخليها حاسة إنها مرفوضة، باباها مش قادرة أقول لك لغاية دي الوقت لما بيرجع من أي سفرية، فيه (لسته) ليها، وطول ما هو في البيت قاعدة على رجله».

ظلت السيدة تحكي كل شئ .. كل تفصيلة، حتى توقفت وقالت: أنا هاتجنن .. أنا من بعد الميلاد، ولما جت وبقيت أمر واقع وأنا خلاص قبلت بنصيبي وقلت خلاص هاقعد تاني ستين ليها عشان حقها وبعدين أرجع، وآخر دكتور رحل له عشان أنزلها رجعت من عنده مسلمة أمري لله، وجوزي قال لي نساfer لحد تاني، قلت له لأ خلاص كفاية يمكن الولد دي يكون رسالة ويمكن حظ «فلان» ابننا إنه يكون له أخ .. أصل يعني مش معقولة يا دكتور تكون حاسة إنها مرفوضة عشان ما كتتش عايزاها وهي في بطني!!!!».

صمتت السيدة فترة طويلة، لا يوجد سوى دموعها التي تنهمر دون سيطرة منها عليها، ولا حتى تقوم بمسحها، ولم أحاول قطعها حتى انتهت ثم قالت وهي تبكي ولا تنظر لي: أنا كنت باقول له قبل ما أعرف إنها بنت .. والله يا ابني إنت أكيد رزق بس مش في الوقت المناسب، أنا باتجنن على ريمحكم وأنا الوحيدة إلى خلفت في إخواتي الثلاثة بس مش بإيدي إني ما ابقاش عاوزاك، يا ريتك إنت تنزل لوحذك من غير ما أحتاج عملية، أنا

هاموت من قعدة البيت، إديني بس فرصة أستعيد نفسي ... آآه يا دكتورة!! أنا وهي في بطني كنت باقول لها مش عايزاك.. معقول ده يزرع فيها الرفض ده؟! وبصراحة الشهور الأولى كنت باقول لها سهر تاني وقرف تاني، كنت مش بالحق أنام، والبنت الي بتساعدني واخدة مني الولد أخوها وحاسة الدنيا بتضيع مني، آآه .. استني .. مرة مرضت بالليل وقلت لزوجي إني مش هانزل للدكتور، خدها وديها، كان ابني اليوم ده مش عاوز يبجي لي ومفضل إنه يقعد مع البنت الي أنا مدرباها عشان تقعد معاه لما كنت باخطط لنزول شغلي .. وقتها جوزي شد معايا وقال لي إنتِ الأم، الدكتور هيسألني عن الرضاعة والنوم هاقول له إيه؟! تعالي معايا .. فقلت له أنا قلت لها من وهي في بطني أنا مش عايزاها، أعمل إيه تاني؟ بس يا دكتورة بعدها بكام شهر مافيش رجعت خسيت خالص، وهي رفضت الرضاعة بسرعة فأنا بقيت متحررة عنها، يمكن قبل الست شهور كنت باقدر أنزل وأسييها، وكانت لطيفة مش بتعيط ولا حاجة، لكن الكارثة لو النونو وهو لسه في بطني يفهم الكلام الي باقوله.

كانت هذه الحالة هي الحالة الأولى التي تأتيني لتثبت تأثير الرفض في الحمل على ثقة الطفل بنفسه وشعوره بالقبول، ثم جاءت بعدها عدة حالات منهن حالة قريبة لظروف هذه السيدة، لكن ابنتها كانت متورطة في المخدرات وفي زيجة غير متكافئة..

ومن هنا كان ضرورياً لنفسية الطفل أن نحافظ على شعورنا نحوه أثناء الحمل فيه، ليس فقط من ناحية الاهتمام به من حيث التغذية أو المتابعة الطبية للأم، لكن من خلال ما نقوله له والذي يتضمن كلمات تعبر عن انتظارنا له، الحكي له عن شكل التجهيز لحضوره، تسميعه لصوت الأب، ولوله إخوان ووضع أيديهم عليه برفق ليتعرف عليهم بسهولة حين يخرج، البعض يذهب إلى مشاركته الحياة اليومية حتى يتعرف على نظام الأسرة..

وبالطبع ستجد اختلافات في كيفية تهيئته، لكن ما لا يختلف عليه معظم العاملين في الحقل النفسي والتربوي الآن هو ضرورة توصيل فكرة القبول لوجوده من فترة وجوده داخل بطن أمه.



اسم الطفل و«كنيته»

اسم الإنسان هو الشيء الذي يبقى معه حتى يذهب هو ويبقى اسمه، لأنه يتحرك في الحياة مقروناً بعمل أو بابن أو بوظيفة حتى بعد أن يرحل صاحبه.

وفي السنوات الأولى وخاصةً في المجتمعات العربية، التي تتعامل مع غير المعروف بالنسبة لها بالسخرية والتهكم، حتى دون الاستغراب مثلاً، يبقى اسم الطفل أحياناً سجنًا لا يجد الطفل فكاً منهُ، ولا يختلف الأمر عن الكنية أو اسم الدلع الذي يسبب للطفل إيذاءً بين رفاقه، لا والله بل يتعدى الأمر ذلك إلى الكبار الذين يتعاملون مع الأطفال في سنواتهم الباكرة، كالمدرسين أو مدربي الأندية أو غيرهم ممن يؤثرون فيه بشكل كبير باعتبارهم خبراته الأولى في التعامل مع المجتمع الإنساني.

فمنذ سنوات كنت أحد القائمين على تأهيل الأطفال المتسربين من التعليم في المناطق العشوائية، وكان المشروع ضمن عمل إحدى الجمعيات، ومن بين الحالات التي قابلتها طفلة قيل لي إنها ذكية جدًا ولا يوجد ما يمنعها من المدرسة، كنا نقابل أولياء أمور هؤلاء الأطفال ثم نحاول اللقاء بهم في لقاءات مجمعة وفردية، قالت والددة هذه الطفلة إنها كرهت المدرسة فجأة ولا تعرف لماذا حدث ذلك، وأوضحت أنها عملت معها كل ما يمكنها لإعادتها العام الماضي لكنها لم تنجح في ذلك، وهذا ما قالته الأم مع تبديل بعض الكلمات بما يصلح للكتابة .. «والله يا أبله أنا احترت فيها واحترت دليلي، عملت معها كل حاجة، لكن بنت ...، دماغها زي ...، ضرب ضربتها.. حرق حرقتها.. مش هاضحك عليك مش عايزاها تطلع تعبانة زيي، ما أنا أهوه متمرطة في بيت اللي يسوى والي ما يسواش، وفيه أبله من اللي باروح لهم تقول لي إلا تعليم بتك يا «فلانة»، وأنا حاولت لدرجة فكرت - لا مؤاخذه - لما اتكلمت مع ناس متعلمة إن ممكن يكون

حد عمل فيها حاجة، سألتها وكنت هاخذها لدكتور
حببتي باروح أغسل لها السجاجيد تبص لي عليها تشوف
لو حد عمل فيها حاجة، بس بقلبي كده حسيت مافيش
حاجة لدرجة إنها كانت بت..... على روحها أول ما
تدخل باب المدرسة، هادخلها بصنانها على الأبله والعيال
يضحكوا عليها؟!!!».

طلبت منها مقابلة الطفلة، وإنها هاتيحي تقعد معايا
وأنا هاطلع آخذها، وبعد محاولات مع الطفلة عرفت إن
الحكاوي كلها في سخرية المدرسين والعيال من اسمها،
وإنها خافت تقول على «الأبله» احسن تضربها، حقيقي
اسم الطفلة كان لافت نظري، ليه اسم طفلة يبقى
كده؟!!! وإن من باب الإحسان لأولادنا إننا نسميهم
أسامي لا تضرهم نفسياً ولا تجعلهم مادة للسخرية، فحين
سألت الأم عن اسم البنت ولماذا سميتها به، علماً بأنها
بتدلّعها في البيت باسم تاني، لكن طبعاً في المدرسة لا بد
من الاسم الموجود في شهادة الميلاد، فقالت الأم: والله أنا
عارفة إنه اسم زي الزفت، بس أنا لما خلفتها كنت تعبانة

قوي وجوزي هو اللي راح سجلها، إنت عارفة يا أبله ده اسم خالة جوزي، ماتت صغيرة محروقة بعيد عنك وعن حبايبك، ولما حماقي زعلت عليها قالت نفسي حد يسمي اسمها، وهو طبعًا كان موجود على أيامهم بس طبعًا على أيامنا العيال بيتنقوروا على بعض.

كان الحل إننا نطلب من الأم إن حد يساعدها على تغيير اسم البنت، ولغاية ما ده يحصل ممكن تغير لها المدرسة وتتفق مع المدرسين لتغييره في الاستخدام الدراسي اليومي.

هذه لم تكن المرة الأولى ولا الأخيرة التي أواجه فيها هذه المشكلة، فقد كنت منتدبة للتدريس بقسم علم النفس لعدة سنوات، وأثناء الجزء العملي لأحد المواد أبلغت الطلاب إن فيه اتنين لم يحضرا الامتحان، وفيه اسم زيادة، وقلت اسم الطالبة، فأشارت لي زميلتها إشارة إن بعد المحاضرة هنتكلم، وجاءت خلفي الطالبة تقول: أنا فلانة وحضرت الامتحان..

كنت أعرفهم جميعًا فقلت لها: بس إنت فلانة!

فروت قصتها إن اسمها هذا يسبب لها مشكلة كبيرة،
وأنها إلى الآن لا تتعامل به، وإن صديقة واحدة هي التي
تعرف الحقيقة لأنها زميلة طفولة وهي التي أشارت لي في
المحاضرة، كانت الفتاة تحتاج مواجهة المجتمع باسمها على
الأقل حتى تستطيع العمل في مهنة تقوم على دفع الناس
أن يتعاملوا مع مشكلاتهم بشكل أكثر إيجابية، ولكن الأمر
حقاً كان مؤلماً لها بشكل كبير.

لذلك فإن الأديان تحثنا على الاهتمام بانتقاء أسماء تليق
بنعمة الله الأكبر، وهي الإنسان الذي فضله الله سبحانه
وتعالى على سائر خلقه. ويتضح لنا من الحياة المشكلات
النفسية التي تترتب على اختيار غير مناسب لاسم طفلك
لأسباب ليس له دخل فيها كأن يكون اسمه اسم أحد
أقاربك، أو رغبة منك في أن يقترن اسمك بصفة معينة.



أزمة «شكل الطفل»!!

من الأشياء التي يقع فيها بعض الأهالي هي تلك التعليقات التي ينالها الطفل لشكله منذ الصغر، والتي تأخذ أحياناً كثيرة صورة من صور التعبير عن علاقة كل من الزوجين بأهل الطرف الآخر، كأن نصم الطفل بأنه شبه عمه أو تميل الفتاة لشكل عمتها أو خالتها، وبالطبع سيكون تقبل هذا الشبه بناء على حسن أو سوء العلاقة بهذا العم أو هذه الخالة، إلا أنه في كل الأحوال هو تحميل الطفل ما ليس له فيه ذنب، فمن المؤكد أنه لم يختَر شكله!!

وللأسف الشديد إن هذه التعليقات تمتد من الأبوين إلى باقي العائلة وربما الأصدقاء والمدرسين، فتجد أننا كمن سيتم تسجيله غياب من اجتماع هام لو لم نعلق على لون الطفل، أو وزنه، أو أي ملمح من ملامحه!!! وتبقى المصيبة

مزدوجة إذا كان للطفل أخ أو أخت سبقه، فتجدنا ندخل في مسابقة اوجد الفرق بين الشكليين، نروح إلى تعداد ما يميز هذا الطفل عن أخيه وتكون النتيجة إما أن نسيئ للطفل الجديد أو لأخيه الذي سبقه ذكرًا كان أو أنثى!!

وفي كتاب لي تحت النشر أوضح فيه الأزمات التي تتعرض لها المرأة، أتناول بالتفصيل تأثير مسألة التعليق على الشكل منذ الصغر على حياتها الزوجية، بل على مختلف أشكال حياتها.

ولكنني هنا أوضح أن التعبيرات السلبية على شكل الطفل ليست وحدها التي تسبب إيذاءً للطفل من الناحية النفسية، بل أيضًا التعبيرات المبالغة في الإيجابية، والمقصود بها التمرکز حول شكل الطفل الذي يجعله يعتبره كل ميراثه من الحياة مما يدفع بعضهم إلى ابتزاز الآخرين به أو حتى تعريض نفسه للخطر.

لا أنسى تلك الطفلة في إحدى دور الأيتام التي كنت أتابع أطفالها، والتي كان من بين أطفالها تلك الفتاة التي تحمل ملامحًا تعجب كل من يراها نتيجة للون بشرتها

وملاحظتها وشعرها، وهو ما دعى الكثيرين إلى أن يتكفلوا بها داخل الدار حتى وصل عددهم إلى ٣٢ كفيل!! متذكرة العدد تمامًا لأنه كان حالة صادمة، بعض هؤلاء يدفع الشهرية التي كانت ٢٠ جنيها على ما أتذكر، وبعضهم يهتم بزيارتها وأخذها للنادي ودفع اشتراكات لإشراكها في بعض الأنشطة خارج الدار، بل وتوصية الأبناء بأن يحضروا لها ملابس «مستوردة» تخصها وحدها ولا يتم تبادلها مع الأخريات!!!

جلست مع واحدة من السيدات الطبيبات لأفهم منها هل هي على وعي بما تفعله، خاصةً بعد أن ازدادت المشكلات السلوكية للطفلة، عبرت عن أنها تفهم ما يمكن أن يعتري البنت لكنها لم تستطع إلا أن تفعل ذلك.

كانت النتيجة أن الطفلة ذات السنوات الخمس حينها، تتحرك بصورة مبالغ فيها أمام المرأة، تتعامل مع الأطفال الآخرين بدرجة من الغرور، لا تحكيك إلا عن شعرها وروعته وعن ملابسها ومصدرها، ونتيجة خوفها الدائم على شعرها فهي دائمة الانشغال به دون التركيز في دراسة

أو حتى لياقة سلوكية مع الآخرين، حتى مَنْ يحضرون لها ما يميزها إضافةً إلى بعض المشكلات الأخرى.

ستقول الأمهات إذن ماذا نفعل أليس من المفروض أن نقول لأولادنا كلاماً جيداً عن أنفسهم؟!!!

المطلوب هو «تقبل الطفل» على شكله وهيئته، ثم الشكر والثناء على نظافته لجسمه، وحين نريد أن نعبر له عن جميل شكله علينا أن نأخذ في الاعتبار عدة أمور حتى لا يكون لذلك نتائج سلبية عليه تشمل:

– التعبير عن أن الشكل الجميل نعمة من الله وليس لنا فيه أي تدخل، وبالتالي ليس له فضل عن الآخرين فيه، فنحن حين نتفضل نتفضل بما نصنع.

– التعبير عن أن الناس جميعاً مختلفون في الأمزجة والميول، فما يعجبك شكله قد لا يعجب الآخر، ويمكن فعل ذلك في الصغر بأن أثني على الآخرين المختلفين عنه شكلاً حتى تصله الفكرة.

– التعبير عن جمال شكله في ظل أنه نعمة وأن الناس مختلفون فيما يعجبون به، لا بد أن يكون في حدود من الأساس وليس أمرًا مستمرًا.

– توصيل فكرة أن الإنسان مهما كان جميلًا فالجمال هو تلك القشرة التي نألفها بعد قليل ثم نحتاج أشياء أخرى لنكمل مع هذا الشخص الطريق، كأخلاقه، ونظافته، واهتمامه، وقدرته على التعبير، ويمكن فعل ذلك في الصغر من خلال مواقف مباشرة دون الحديث عن ذلك مباشرة كأن نشي على طفل آخر لأنه عبر عن حبه، أو أنه ساعد آخرين، ونستخدم له تعبير «طفل جميل» وهنا نوضح أن جماله في سلوكه، ولا مانع من أن نستخدم الكلمة لعدة أنواع من الجمال.

طبعًا إن كان ما عرضته هو التأثير السلبي للمبالغة في التركيز على جمال شكل الطفل فما بالك بالتعبيرات السلبية التي نقولها له عن جسمه أو شكله أو غير ذلك.



تضارب رد الفعل حول نفس الموضوع

حينما راجعت الأبحاث المتعلقة بسلوكيات المدير وتأثيرها على العاملين تحت إدارته وجدت بالطبع عدة سلوكيات لها تأثير سلبي بالغ، لكن الملفت للنظر أن أعلى هذه السلوكيات التي تناولتها بعض الدراسات كان تضارب سلوك المدير نحو العامل على السلوك الواحد، حيث يجد منه مكافأة مرة، أو جزاء وعقوبة مرة أخرى وعلى نفس الفعل الواحد، وحينما حاولت تحليل حيثيات شدة ذلك التأثير وجدت أنه يرجع إلى الحيرة التي يقع فيها عقل الإنسان، والذي عادةً ما يميل إلى تكوين عادات أشبه بالقواعد الثابتة يصنف بها هذا السلوك بوصفه مُقدر من الآخر وذلك السلوك بوصفه مرفوض..

إن كان هذا بالنسبة للكبار الذين كونوا مفهومهم عن أنفسهم، والذين يعرفون كيف يعطون مبررات يفسرون بها سلوك مديرهم بأنه مثلاً هذا اليوم لم يكن في مزاج جيد، أو أنه خشي أن يعتبر الزملاء هذا نهج معين، أو... فما بالنسبة بالطفل الذي لا يزال يبني منظومته العقلية والسلوكية والقيمية، لا يزال يحاول أن يفسر العالم ويربطه بسلوكه، بأن هذا السلوك يجلب لها السعادة وذلك السلوك قد يعرضه للعقوبة التي لا يجبها!!!

فحين يأكل الابن بطريقة معينة أمام أهل الأم مثلاً فإنه لا يلام على ذلك، ولكن لو فعل نفس الطريقة أمام أهل الأب وضرب عليها أو تم توبيخه أو منعه من متعة ما كعقوبة له فلن يمكنه هذا من تكوين قواعد داخلية تمكنه من إعفاء نفسه وحمايتها مما يكره، وهو ما يسبب لبعضهم مشكلة نفسية حقيقية تدفع بعض الأطفال حين يصلون للمراهقة إلى الاعتراض الدائم على الأسرة وتحديها، والإصرار على رأيه لأنه جرب السلوكيات التي علموه

أنها مرغوبة ثم أهانوه عليها في مواقف أخرى، فربما ليس غريباً علينا في الاستشارات أن نجد مراقباً يصف أسرته بـ «النفاق» لأنهم يقبلون مثلاً أن يحكي لهم ما يحدث في بيت عمه حين يكونوا بمفردهم ويهينوه على ذلك إن فعله أمام أحد.

ولذلك فإن سلامة الطفل النفسية تتطلب منحه معايير واضحة لما هو صحيح وما هو خطأ، على الأقل الاتفاق على القاعدة منذ بداية تربيته، ثم يمكن تأهيله للاستثناءات فيما بعد، وربما يكون الأفضل وضع المبدأ العام ومحاولة توضيح صورته أو حالاته المختلفة.



التعامي عن قدرات الطفل

في الحقيقة أنا لا أعرف مدى صحة المصطلح الذي استخدمته في اللغة العربية وهو «التعامي»، وسوف أطلب من المصحح اللغوي عدم حذفه واستبداله بآخر نظرًا لإيماني الشديد بأن هذا المصطلح هو الذي يوصل ما أريده من معنى.

أعني هنا أن «يغلق الأبوان أو أحدهما عينيه عن قدرات ابنه»، وبالتالي يطلب منه ما لا يستطيع، أو ما كان يحلم به أو يتمناه لطفله، فنجد أنفسنا أمام حالة من القهر نغلفها بأن المحرك لها هو مصلحة الطفل أو تحقيق تميز ما،

فحين نختار لأطفالنا أنشطة يمارسونها لابد أن يكون لديهم بعض المَلَكات أو قل المؤهلات لأداء هذه الأنشطة،

فالإصرار على أن يصبح ابنك لاعب كرة قدم وهو لا يملك هذه المهارات، أو تكوينه الشخصي لا يصلح للعبة جماعية لا يمكن أن أفسره سوى «التعامي» عن قدرات الطفل، حتى لو كنت تتكبد في سبيل ذلك الكثير، وتذهب به هنا وهناك، وسيقول الآباء إنها محاولة لمساعدته لكي يبني مستقبلاً جيداً، ونقول إن دليل تحقيق ذلك بما لا يضر بالطفل على النحو التالي:

- عرض ابنك لعدة أنشطة لتتعرف على قدراته ومهاراته وميوله.
- حاول أن تلاحظ مزاج ابنك في كل نشاط ومدى إقباله عليه، ثم ضع جدولاً يوضح مدى رضا القائمين على النشاط عن أدائه.
- اسأل ابنك دومًا عن رؤيته لنفسه في كل نشاط وما هو النشاط الذي يعتقد أنه سيستمر فيه.

– تجنب أن توجه طفلك حسب آمنياتك أنت، أو تلك الصورة التي رسمتها له ربما قبل أن يولد هو، وكن محايداً متقبلاً ما تفرضه قدراته وميوله.

جاء مع ابنه الذي يبلغ من العمر ثماني سنوات، دخل الوالد وبدأ يتحدث عن ابنه لدقائق معدودة من خلال ورق أعده قبل قدومه، ملخصه أن ابنه بدأ يتمرّد ويرد على أمه ومع ذلك لا يظهر لوالده إلا الخنوع الشديد، وبدأ يتكاسل عن الواجبات المدرسية ويتكلم عن الوالد في عدم وجوده بطريقة سلبية حتى أنه يستخدم للام كلمة «جوزك» بدلاً من بابا.

دخل الابن وقدمه الوالد وقال «فلان ... طفل رائع في مدرسة كذا.. يحفظ قرآن وبطل في السباحة، محبوب جداً وله أصحاب كثير، تقدرني تقولي عليهم مشجعي الكابتن فلان وإن شاء الله قريباً هتسمعي عن كابتن عظيم وسباح يرفع اسم بلده وأهله يفتخروا بيه إن شاء الله».

تركني الوالد مع الطفل وخرج وما إن خرج والده إلا وجلس صامتاً ما يزيد عن عشر دقائق، أخبرته أن يتحدث هو ويعرفني على نفسه وقتها يجب.. يبدو أنه مل من السكوت فقطعه هو قائلاً «أنا مش كابتن زفت .. ولا شاطر في السباحة، الراجل الي كان هنا ده مضيع فلوسه على مدربين خصوصيين كلهم بالفلوس وعارفين إن أنا زفت من سن خمس سنين وأنا باتدرب صيف وشتا، مادام بفلوسك ما حدش هيقول لك لأ .. وعلى فكرة أنا ٩ سنين .. فاضل شهر بس، هو من كتر ما هو مشغول بالسباحة والواسطة من هنا ومن هنا عشان أروح النادي ده والنادي ده مش واخد باله إن عيد ميلادي ٩ كمان شهرين وشوية حتى قولي شهرين ..».

استمر الطفل يوضح أنه يسمع من المدربين أنه لن يكون يوماً محترفاً في السباحة، وأن والده يخبرهم بأنه ممكن يعطوه دروساً وتدريبات إضافية حتى لو لم يصبح سباحاً عالمياً فيكفيه بطولات أندية.. حتى أن الابن أقر

بأنه بدأ يهمل دروسه حتى شكوه المدرسة ويبلغوه أن التمارين مؤثرة على أدائه الدراسي، وعلق على ذلك «خليهم يشكوني يمكن يعتقني بقى في الشتا اللي باطلع فيها من (البسين) الخاص اللي بادر فيه وأنا عامل زي الكتكوت المبلول ويجري عليّ بالبشكير ويقول لي معلش هو يوم استحملة، ويرجع يقول لي الكابتن قال إنك كنت كويس وعاوز يشوفك مرة تانية الأسبوع ده، وطبعاً كذب، أنا مش بابقى كويس ولا زفت..».

صحيح أن الوالد يذل مجهوداً بدنياً ونفسياً ومالياً لكنه في الحقيقة في غير ميل ابنه أو قدراته، وكأنه يدخر في حصالة مخرومة لا تحفظ له أي شيء، بل تضر الطفل نفسياً للدرجة التي تجعل بعض سلوكياته تتغير للأسوأ ليحمي نفسه مما يراه لا يناسبه.

القاعدة السادسة



اعتبار الطفل مسرحاً لتحقيق

الوالد لنفسه

رغبت أن أضعها بعد النقطة السابقة «التعامي عن قدرات الطفل» لأنها كثيراً ما يرتبطاً معاً، حيث يقوم الوالد سواء أب أو أم باعتبار الابن هو المسرح الذي يتم عليه تحقيق ما تمنوه ولم تمهلهم ظروفهم لتحقيقه، أيضاً دون النظر إلى ظروف الطفل وما إذا كان حلمه هو نفسه ما كان يحلم به الوالد لنفسه ولم يحققه أم لا.. وهنا يصبح الطفل وكأنه «وسيلة» لتحقيق الوالد لحلمه، وهو ما يعتبره الوالد أيضاً عملاً لصالح الطفل من حيث كونه وفر له ما يمكنه من تحقيق هذا الحلم، وهذا الموضوع

تحديدًا يأخذ أشكالاً عدة تؤدي بالوالد إلى رسم خريطة حياة ابنه وفقاً لأمنيته لنفسه، ومما لا شك فيه أن جميعها أمور إيجابية، فالوالد لا يتمنى لابنه إلا كل ما هو إيجابي إنما في هذه الحالة فالإيجابي هنا من وجهة نظره الشخصية.

ففي بعض الحالات يكون ذلك - مثلاً - في شكل الإلتزام الديني، ففي بعض الدول التي عانت فيها الأجيال التي ولدت في سبعينات وثمانينات القرن الماضي من رغبتهم في الإلتزام بشكل معين مع رفض بعض الأسر نتيجة للمناخ العام في هذه الدول، خرج جيل من الآباء والأمهات يحاولون الدخول في سباق مع الزمن في حالة أطفالهم، ومحاولة تعويض ما فاتهم بأن يضمونهم مبكراً إلى حلقات دينية، ويفرضون على حياتهم شكلاً معيناً.

فقد جاءني أم في إحدى الدول الشقيقة التي كنت أعقد فيها تدريباً عن التربية وقالت لي إنها تقوم ببعض ما أقوله لكنه محاولة منها لأن تؤهل ابنتها منذ الصغر، وتوفر لها المناخ الذي حرمت منه ليكون إلتزامها أسهل،

ومع ذلك علاقتها بالأم ليست على ما يرام، وليست ملتزمة بالدرجة التي تناسب ما وفرت لها.

سألته عن عمر ابنتها فقالت ١٣ سنة، فقلت لها إنها بداية سن المراهقة، وأنها لابد أن تتوقع بعض الرفض، وتتوقع بعض التمرد، فلم تقبل الأم وشددت على أنها وفرت لها ما لم يتوفر لها كي يكون إلزامها سهل، وأنها تعاني معها في مسألة الحجاب خاصةً أنها على أبواب التكليف.

سألت الأم بعض الأسئلة التي كنت أعتقد أنها منطقية، لكن عقل الإنسان حينما يكون موجهًا فإن بعض ما نعتقد أنه بديهي ولا يحتاج تفكير تجده شديد الصعوبة..

قلت لها: شكل البنت بشعرها أحلى واللا بالحجاب!!؟

قالت: بشعرها لكن الله يجملها في الحجاب و.....

قلت: هل إخفاء جزء مما نراه ميزة وجمالاً أمر سهل

أم صعب!!؟

صمتت .. فأجبت: لو كان سهلاً ما كان عليه ثواب ..

انتظرت أن تفهمني وتعرف أن الأمور تحتاج إلى تدرج، وأن ما نقوم به يحتاج فترة حتى تقبله نفوسنا، ولكنها رغم تميزها لم تربط إلا بعد فترة، وأنهت حديثها حين فهمت ووصلت لها فكري بأن قالت: أنا كنت باعتقد إنني موفرة لها كل سبل الإلتزام وسهلتها عليها، لكنني لم أعمل حساب الأمور الإنسانية، يمكن لأن أنا كنت مياله للإلتزام من صغري ومبهورة بعمتي الوحيدة التي كانت محجبة في عائلتي وأنا صغيرة.. سبحان الله وكأن النفوس لها مطالب ربما لا تتعلق بما يوفره له.

بالطبع هنا نقول للوالدين لا مانع من أن أتمنى لابني ما لم أحققه وأراه جيدًا، لكن لا بد أن آخذ النقطة السابقة في اعتباري، قدرات وميول وتوجهات ابني، وإن كان ما أتمناه له فرضًا فلا بد أن أدفعه له بالتدريج المناسب ولا أنتظر نتيجة بدرجةٍ ما، بل أعينه على تحقيقه في ضوء إمكانياته وقدراته وما يفرضه عليه المجتمع من حوله.



الترديد بعقاب لا حق

قاسٍ جداً أن تنتظر مجهولاً مؤلماً، أن يُترك لك تخيل ما يمكن أن يحدث لك حال عودة الوالد أو انتهاء الوالدة مما تقوم به أو حين العودة إلى المنزل، فالأهالي لا يعرفون حجم تلك التخيلات التي يخلقها عقل الطفل حين يسمع كلمة «لما بس أبوك يبجي هتشوف هيعمل فيك إيه»، أو «صبرك عليّ لما نروح البيت»، أو كل ما من شأنه التعبير عما ينتظره من عقاب، ففي إحدى جلسات التفرغ لرجل في الأربعينات مات والده ووجد أنه لم يحزن عليه كما يجب، فلم يبكِه، لكن حياته لم تسر على ما يرام، فنصحته أصدقاء عمره أن يذهب لمعالج نفسي، أو أخصائي، وجاءني بالفعل وحين تحدث عن والده قال.. «مش قارد أتخيل حاجة وحشة بعينها كان بيعملها لي،

لكن كل ما تيجي في بالي كلمة «أبوك» أتخيل شكل أمي وهي بتقول لي بس استنى لما أبوك ييجي، لدرجة إني كنت من الخوف بانام، يمكن قبل ما أتعشى، بس كنت باقوم تعبان قوي .. عارفة من إيه؟ من دماغي الي ما كانتش بتبطل تفكير في الي هيعمله أبويا رغم إني ما جربتوش إلا مرة واحدة، كان جوز خالتي بيذاكر لنا ولقيت عيال يلعبوا كورة، وأنا في الطريق وقفت ألعب والوقت خدني، أصل فريقتي كسب ٤ - صفر، فأخذتني الجلالة بقى والموضوع طلع قلم وزوغد كده في كتفي وقال لي خليك راجل ولما تلتزم بميعاد تروحه، الناس مش تحت أمر أبوك.. الكلام ده كان عندي ١١ سنة أو يمكن أكثر، أكثر حاجة كانت مزعلاني بعدها إني ضيعت عمر كثير في إني أتخيل الراجل ده هيعمل إيه لما ييجي، كنت باخاف من نفسه لغاية ما حصل ده وبقيت عارف بقى إن خلاص الموضوع مش كبير زي ما كنت متخيل، ما أخيش عليك في فترة المراهقة زعلت من نفسي ومن أمي إنها ليه كانت سياني أتخيل الراجل ده وهو بيرميني في السقف، ولا وهو

ييلسعني، أفكار إجرامية كنت بالتخيلها.. ياريتها كانت بتضر بني وتخلص، بس عارفة لما تبقي منتظرة مجهول؟!!! والله أنا من أول الحاجات اللي اتفقت عليها مع مراتي، إوعي تقولي لعيال من العيال استنى أن هاعمل فيك إيه واللا لما ييجي أبوك، أي حاجة وقتي كده، ولو ما ينفعش ما تقوليلهوش، خليه يعيش حياته لغاية ما تيجي لحظة الوجع مرة واحدة، لو كان يعني المفروض نوجع ولادنا، تفتكري مخاوفي ديه هي اللي خليتني موقف مشاعري كده؟!!! طب ليه وأنا لما جربت لقيت الموضوع قلم وزوغد في الكتف كده وخلاص، طلع أرحم من خيالي المريض هههه!!!».

نعم .. إن كم الهواجس التي تعترى ابنك في انتظار الألم الذي سوف تلحقه به أكبر بكثير من تلك العقوبة التي ستقوم بها نحوه، لذلك يعد تهديد الطفل بعقوبة لاحقة «إرهاب» حرمه الله في كل أديانه، مما يجعلنا نعيد تفكيرنا فيما يحدثه على نفسية الطفل وسوائه النفسي.



الإجبار الدائم في كل الأشياء

رغم أن الإنسان خلق على الأرض لعبادة رب الأرض والسماء إلا أنه سبحانه ترك للناس كل الاختيارات حتى العبودية أو الكفر، فقال سبحانه في العديد من المواضع «من شاء فليؤمن ومن شاء فليكفر».. ومع ذلك نحن نصر في التربية على ضرورة إجبار أطفالنا على كل شيء، بل ونعتبر ذلك من حسن الأدب!!

وحينما قمت بتجميع الأسباب التي تؤدي إلى الاعتماد على الإجبار بين الأسر التي تتردد عليّ، وجدت أن الإجبار يأتي عادةً نتيجة لأمرين:

الأول: الاعتقاد بأن الوالد يفهم أكثر، وبالتالي عليه أن يضع هو كل شروط الحياة ويلزم الابن بها.

الثاني: الاعتقاد أن بديل الإجبار هو ساعات طويلة من المناقشات التي لا فائدة منها، لأنني في النهاية يجب أن ألزمه بما آراه.

وعلى الرغم من تدمير العلاقة بين الوالدين وأطفالهما نتيجة للإجبار الكامل على كل الأشياء، إلا أن غالبًا هناك مَنْ يعتبرون ذلك أقل كلفة من محاولة «تخيره» بين بعض الأمور خاصةً التي لن يترتب عليها كارثة، والتي تدرب الطفل وتعوده على أن يختار بعض الأشياء في حياته، ففي محاضرات التربية الإيجابية التي نعقدّها تجد الأطفال الذين تسمح لهم أسرهم بالمشاركة في بعض الاختيارات من الصغر، كاختيارات الخروج، أو الملابس، أو وقت الترفيه، أو غيرها من الأمور كانوا أكثر ثقة بالنفس، وأكثر شعورًا بالمسؤولية من هؤلاء الذين ينفذون ما وضعه الآباء بدقة دون غيره.

ومن هنا فإن ترك الفرصة لبعض الاختيار للطفل بما يتناسب مع مرحلته العمرية يلعب دورًا كبيرًا في سوائه النفسي، ونمو ذات مستقلة متدرجة تسمح له بتكوين وجهته الشخصية، وتقليل فرص التمرد على الوالدين حين يصبح ذلك ممكنًا.



تعدد الجهات الحاكمة على سلوكه

سأدخل مباشرةً على حالة الطفل الذي تتمثل فيه تلك القاعدة بصورة واضحة، الطفل عمره تقريباً عشر سنوات، دخلت أمه دقائق معدودة قالت إنها حزينة لأجل سلوكه الذي لم يعد يعجب أحداً، وأنها ستتركه لي أولاً ثم نتحدث بعدها..

دخل الابن ومعه ورق، وفي هدوء شديد أعطاه لي وقال «حضرتك شوفي الأوراق ديه الأول وبعدين عاجيني!!» تعجبت للكلمة واستفسرت، فكانت تلك الأوراق هي آراء المحيطين به في سلوكه، كان الخط صعباً إلى حد ما، فطلبت منه أن يقرأ لي بعضها، ويعرفني بصلة صاحب الكلام، فوجدت أن الأوراق السبع تحتوي آراء كل من

جدته لأمه، خالتين، اثنتين من صديقات الأم والجيران في نفس الوقت، والوالدين.. بعد مراجعة الأوراق والاستماع لتعليقه كانت المفاجأة، أن كل هؤلاء يوجهون سلوك الطفل الذي يقضي وقته بين هذه البيوت، حيث تقطن الجدة في الدور الأول ثم الخالات الثلاث تباعاً، وأثناء حديثنا المشترك وجدت قاعدة لسلوكه وضعها أحد هؤلاء وعلى الطفل أن يتبعها، فالخالة الكبيرة تسمح له بالأكل بمجرد وصوله من المدرسة، بينما الخالة الصغرى تشترط أن يتوضأ ويصلي أولاً ثم يجهز معها الطعام، ثم يتناوله.

مشكلة الطفل التي لاحظتها الجميع هي «شروده» المستمر، والذي يفسره كل منهم بحسب رؤيته في الورقة التي طلبتها الأم منهم؛ نظراً لأن مواعيد عملها تجعلها تصل المنزل في السادسة مساءً، يكون وقتها الطفل قد قضى معظم وقته ومتطلباته وراح بين عدة بيوت ليأكل أو يذاكر له أحدهم.

بالفعل عين الطفل زائغة معظم الوقت، يحاول جاهداً أن يرسم صورة داخل عقله لكل شخصية حتى يعطيها ما يجعلها تنشي عليه. كل هؤلاء يعطونه أوامر، كل هؤلاء يتدخلون في توجيهه، وهو دائماً حائر بين الجدة التي تقبل بيعض التنازلات كالسماح له بتناول الشيكولاتة قبل الغداء، لكن حذار أن تراه خالته الصغرى التي يمكن أن تبلغ الأم، وبين إحدى صديقاتها التي لم تنجب وتعتبره ابنها، فحين يأتيها للمذاكرة تدخله ليلعب بعض الوقت وتحل له هي ما عليه من واجبات حتى يأتيها مسروراً فيما بعد!! هل تتخيلون حجم التغيرات التي يتعرض لها الطفل، وحجم الاختلافات التي يجب عليه أن يدرسها جيداً، بل ويرضيها جميعاً.

إن أحد عوامل السواء النفسي أن تكون جهات توجيه الطفل واحدة ومتحدة، ولها رؤية واحدة في التربية على الأقل، فالتربية المزدوجة، وتعدد جهات الحكم على سلوك الطفل لا يسمح له أبداً بالنمو بصورة سوية.



تعريض الطفل للاستباحة الجسدية

آثرت أن تكون هذه النقطة لاحقة لما قبلها نظرًا لارتباطهما في العديد من الأسر، فمع السكن في بيت العائلة أو قرب المكان أو ظروف عمل الأم لساعات متأخرة يحدث أحيانًا ألا نأخذ بالنا من تعريض أطفالنا لاستباحة جسدية أو فكرية.

والمقصود هنا «مشاعية» جسم الطفل بين يمكن أن يقوم عدة أشخاص بالتغيير له أو العمل على إستحمامه، أو كل ما يتعلق بجسده، ولا نأخذ بالنا من تلك المشاعر التي يخلها ذلك على نفسية الطفل، بل وعلى سلوكه وأحيانًا شعوره بالذنب، بالطبع أفهم كمتخصصة ظروف الحياة التي نعيش فيها جميعًا وأن بعض الظروف تفرض علينا

فرض، لكن القاعدة الأساسية في الحياة ما لا يدرك كله لا يترك كله، فالحرص، وتحديد جهات محددة، وتوحيدها إن أمكن، مع تأهيل الطفل على فهم الفرق بين اللسعات، بل فهم الفرق بين الضرورة وغيرها كلها أمور قد تساعد على تقليل الآثار السلبية لهذه الإستباحة.

— فإن كنتي في المنزل فلا داعي للشغالة على الأقل فيما يتعلق بجسم ابنك.

— الإستحمام ليس ضرورياً أن يتم في وقت أنتي فيه خارج البيت.

— غير مصرح للقاصرين أن يقدموا تلك الخدمات لطفلك.. كأبناء الخالة أو أبناء العم أو غيرهم.

— لا داعي من التغيير للطفل أمام الجميع وكأنه عمل عادي ثم نشكو بعد ذلك من عدم حفاظهم على أجسامهم.

جاءتني بطلب منها أن تقابل متخصصة، جاءت الأم وعرفتني بها وقالت «فلانة قالت عاوزة تقعد مع حد تتكلم معاه فجبته لحضرتك أنا مش عارفة هي عاوزة حضرتك في إيه فأنا هاطلع وخذوا راحتكم». وما أن خرجت الأم إلا وظلت الطفلة تبكي بشكل كبير عمرها ١١ سنة، وحينما توقفت وبدأت تتكلم قالت ضمن ما قالت «أنا بعمل حاجات غلط وأكيد ربنا هايعمل فيا حاجات وحشة بس والله أنا بسرح وألاقي نفسي بعمل كده». فهمت من كلامها أن تمارس ما نسميه نحن «العادة السرية» لكنها لا تفهم ذلك ولا تعرف اسمها، ولكنها تعلمت أن تفعلها في الخفاء بعدما كانت تلاحظها أمها وتسألها إنتي ليه عرقانة كده .. مع متابعة بداية الموضوع لديها، قالت «أنا والله العظيم ما كنتش عارفة إنها عيب غير لما من ستين كده ماما قعدت تقولي كده غلط وبصراحة ما ضربتنيش بس قالتلي ديه حاجة وحشة

وممكن تعييكى وأنا حسيت كده بردو، أنا الأول كنت
وخداها زغزغة، كنت بقعد عند خالتي لما ماما بتروح
الشغل وبنت خالتي هي كبيرة أكبر مني بكتير أكثر من
عشر سنين، بس خالتي ما خلفتش غيرها وهي كانت
معتبراني العروسة بتاعتها، تحمّني وتغيرلي، كنت بقول
لها زغزغيني فلما تقعد تزغزغني وأنا بستحمى أو أغير
هدومي حبيت الحركة ديه كنت بقعد أضحك وبعدين
بقيت أعملها لنفسى بس أطول بقى فيها شوية بس
بالشطاف بتاع الحمام، وبعدين بقى

ليس التحرش الجنسي هو النتيجة الوحيدة للإستباحة،
ولكن تكريم الإنسان لجسمه، اعتباره ثروته التي لا يجب
أن تكون على المشاع كل ذلك من الآثار السلبية الناجمة
عن استباحة جسم طفلك من عدد من المحيطين دون
أخذ الإحتياطات اللازمة لذلك، فمن قواعد التربية
الجنسية السليمة والحامية للطفل وحتى للكبير أن نفهمه

أن جسمه أول حقوقه في الحياة التي لا بد أن يدافع عنها
ويحافظ عليها، فالكثير من الزوجات اللاتي تقبل إهانة
جسدها حرماناً أو وجعاً وجد لديهم إنخفاض في تقييم
أهمية هذا الجسد أو خصوصيته.



إهانة الطفل أمام الآخرين

من المؤكد أن الإهانة مرفوضة في كل أشكالها، وفي جميع الأوقات، لكن فعلياً تأثير إهانة الطفل أمام الآخرين أكبر بكثير مما نتخيل، فليس الناتج فقط الإحراج، والخلجل، الذي تقول بعض الأمهات أنها تستهدفه من هذا الفعل، ولكنه يضرب في مفهوم الطفل عن نفسه، ويؤدي إلى حالة من الإثنين بصورة واضحة إما إعتزال الآخرين فيخرج لنا طفلاً إنطوائياً، أو يبدو شخصية إجتماعية لكنها تستسيغ الإهانة وتعتبرها شيئاً طبعياً أو على الأقل ليس جريمة في حقه!!

إن آثار إهانة الطفل أمام الآخرين تبقى لسنوات حتى تلون شخصيته، فقد جاءني فتاة فسخت خطبتها منذ

فترة بسيطة من ابن خالتها الذي تحبه بصدق وتتمناه زوجًا، لكنه وأسرته كانوا على قرب من أسرتها، وتقول الفتاة في ذلك «هو ولا أطيب من كده راجل، وحنين، وخدم، لكنه شاف كل السواد الي أنا عشته في الطفولة، يعني مر معايا بكل الحاجات الي شوفتها والي كان أهمها إني بتهزأ أقدم أي حد، مش بس تهزئ بالبوق كده، لاااا حضرتك ممكن الموضوع يبقى فيه أرصة كده، ولا شدة شعر ولا شدة ودن، على أي حاجة والموضوع الدائم بقى إن كل الموجودين يقولوا ماما يا شيخة حرام عليكى وياخدوني منها، أنا متذكرة إني كنت بعند ومش بيعط رغم إني كنت ببقى مكسوفة، بس كنت بحس إني هابقى أكسف لو عيطت، ما تفهميش ليه، المهم قلت ابن خالتي ده مننا وعلينا وأكيد هيبقى فاهم أنا كنت عايشة فإيه وكنت بقوله إني عايزة ارتاح، خلصت الدبلوم وجه إتكلم عليا، دخلت معهد ستين بعد أول سنة التخطبنا، مشينا في الأول حلو وبعدين مشاكل بقى على الدراسة،

المشاريع الي مطلوبه مني جماعية يعني الدكتور هو الي
بيختار الطلبة مجموعتي كان فيها إثنين ولاد هو رأسه
وألف سيف ما أعملش معاهم حاجة، حاولت صحباتي
قالولي هو إنتي الي بنت عنتره وإحنا ولاد ناعسة وإنتي
عارفة بقى البنات، بقيت أحاول المهم كنت رايحة مكان
أعمل فيه البحث وكان لازم نكون كلنا كلمني قالي إنتي
فين إتلخمت المهم زي فيلم تيمور وشفيفة كده لقيته
جانبي أتاريه قبلها بيوم وهو بيغسل إيده عندنا سمع
أختي وهي بتوصفلي مكان الأتوبيس الي أروح به وجه
وراي، خلاني قاعدة معاهم كلهم بنشوف هانحط الصور
إزاي جوة البحث وقدامهم كلهم وقالي ما هو إنتي
مخطوبة لـ... لو كتتي مخطوبة لراجل ولا عاملة حساب
لراجل في البيت ما كانش زمانك هنا قومي إفضلي..
قمت معاه ..». بدأت تبكي رغم أنها كانت تبدو مصرة
على الثبات، وعادت قائلة «العجيب بقى يا دكتورة إني
طول الطريق عمالة أتوسل إليه، وأمسك إيده أبوسها في

الشارع ويرمي إيدي، قلت له شوف الي إنت عاوزه، طب أنا هاعمل الي تقول عليه، هاقول لأبويا مش عاوزة اشتغل، اضربني طيب.. ليه كده يا دكتورة ليه ما صعبش عليا نفسي طيب، واحدة صاحبتني كانت معانا بعدها بكام يوم كنت عملت محاولة انتحار وهي مكلمة تعليمها كبيرة، جاتلي البيت وقالتلي كونك ما تزعلش على نفسك ده عشان إنتي إتعودتي تنهاني لازم تقفي، ودلوقتي أنا مش عارفة أقف وأستجيب لأنه رمالي الدبل وأقول في داهية ما أنا كفاني إهانة، ولا لأ أكمل وأهي كلها محصلة بعضها!!».

لم تستطع الفتاة ذات العشرين عامًا أن تميز وحدها حدود الإهانة، لم تستطع أن تغير على نفسها حتى لا وكانت مخطئة كما قال لها البعض، لكنها تحملت كلمات قاسية لا يمكن أن أوردتها هنا بالطبع لكنها قبلت، وكان يمكن أن تكمل، بل هي جاءت لتسأل وهي على استعداد للعودة للإهانة التي اعتادتها في بيتها، وهو ما نراه كثيرًا في مشكلات

لدى الصغار والكبار ناتجة عن تعنيف الطفل أمام الآخرين، الذي يزيد أُلماً عن تعنيفه بمفرده - والذي هو مرفوض أيضاً خاصةً لو كان في شكل إهانة- فالتعنيف أمام الآخرين فعلياً يضرب صورته التي يشغل الإنسان لسنوات كبيرة من حياته لينبها عند الآخر.



تكرار التوصيفات السلبية على سامعه

«نحن أسرى أوصافنا التي سمعناها كثيرًا من المحيطين بنا الأوائل» هذه العبارة أضعها دائمًا للأمهات في لقاءات التربية، فحقًا صورتنا عن ذاتنا هي جُماع معقد مما سمعناه عن أنفسنا خاصةً من ذوي الأهمية في حياتنا إضافةً إلى خبراتنا التي توضح لنا هذه الصفات أو تمحيها مع مرور الزمن..

فإن قال لك أهلك من الصغر إنك شخص شجاع فسوف تتعامل مع هذا الأمر على إنه حقيقة إما أن تؤكد لها خبراتك الحياتية اللاحقة أو تمحوها أو تقلل درجتها.

لكن الطفل الصغير ذو الحصيلة الخبراتية المنخفضة لأنه يتعامل مع العالم من خلالنا هو يضع صورته عن نفسه مما نصفه به، لذلك فإن تكرار التوصيفات السلبية له بأنه جبان أو أناني أو شرير أو غبي أو أحمق أو كل ما نقوله له على مدار اليوم يختزن بداخله ويشكل سلوكه، وربما يشكل مفهومه عن نفسه حتى أزمان بعيدة.. وعن هذه النقطة تحديداً اذكر في كل المناسبات ذلك الطفل الذي كلما تحدثت معه قال «إيه؟! ممكن حضرتك تعيدي الكلام أصل أنا ما بسمعش كويس؟!». وقد جاء نتيجة لشكوى من المدرسة بعدم الانتباه في الحصص الدراسية، وحينما سألتها «طب ليه مش بتلبس سماعة مثلاً أو مش بتكشف عند دكتور يمكن يكون الموضوع له علاج؟! ففاجأني برده حد الصاعقة جين قال «لأ أصل السبب غالباً نفسي، يعني نتيجة لإني لعبي ومش جاد مش بادي إشارة لمخي إنه يشغل حواسي صح، مش مسألة إن ودني فيها حاجة!!!».

بعد استفسار منه ثم من والدته التي أوضحت لي «أنا كنت بحس إنه وهو قاعد على الكرتون وهو صغير مش بيرد عليا فعملت له فحص وطلع كل حاجة كويسة، ومن ساعتها حيت استخدم مصطلح أحسن شوية من إنه «يستعبط» فقلت أقول له إن عندك ضعف سمع نفسي!!! يعني بتسمع الي على مزاجك، ولما جت شكوى من المدرسة لقيته يقول للمدرسة بتاعته كده فقلت ألحق الموضوع وأجيبه طبعًا مفيش حد هافهم المعنى الي عايزة أقوله!!».

الأم طبعًا لم تأخذ بالها إنها مع تكرار الموضوع حدث للطفل «تشبع» به حتى إنه ربما يكون بالفعل عمل توجيه لمخه ليكون على هذا النحو الذي تصفه به طوال الوقت .. أعدت الطفل للقائي مرة أخرى في محاولة لتعديل الصورة التي رسمتها له أمه عن نفسه وحواسه ..

بدأت بالكلام عن الكارتون الذي يحبه .. فرد عليا وأكمل الجملة دون حاجة للإعادة، ثم سألته عن فريق

«الريال» الذي يشجعه فتحدث وأكمل وأوضح لي الفرق بين اللاعبين.. ثم دخلت بعدها على موضوعات أخرى فأجاب، بعد تقريباً عشرين دقيقة سألته «تفكر ليه ما طلبتش مني أعيد الكلام؟! فقال عشان المواضيع كلها بحبها ما أنا قلت لحضرتك إني عندي مشكلة في السمع بس نفسية أو مال أنا هنا ليه؟! عشان بسمع الي علي مزاجي، ذكرته بموضوع لا يحبه تحدثنا فيه وسط الكلام» .. فأجاب ما أكمل صدمتي حين قال «يبقى أنا إتعالجت ما هي ماما قالتلي هانروح لدكتورة تعالجك عشان كده جيبنا لحد نفسي مش بتاع ودان!!!».

هل تخيلت معي كيف يمكن لأحد الوالدين أن يرسم للابن صورته عن نفسه، بل وكيف يمكن أن يدخل له إعتقاداً ويجعله راسخاً في نظره؟! هل رأيت كيف تُحول طفلك بالفعل إلى غبي أو أناني أو جبان لمجرد أنك تكرر هذه الأشياء على مسامعه؟!!

تذكروا جيداً إننا مَنْ نصيغ قطعة الماس التي يمنحها
لنا الله، نحن مَنْ نكتب على الورقة البيضاء التي تأتينا
هبة من رب العالمين، فإما أن تكتب عليها خيراً فتكون
خيراً - غالباً - أو نكتب عليها غير ذلك فنجدته واقعاً لا
محالة.



الرفض غير المسبب دائماً

حينما نحاول أن نحلل «التفكير المنطقي» من ناحية التكوين المعرفي نجده يتكون من:

أ. معرفة مسببات الأشياء.

ب. تحليل نسبة كل سبب في أي موضوع أو مشكلة.

ج. تحليل روابط المسببات ببعضها.

د. وضع فروض للتدخل المناسب للتعامل مع كل سبب.

هـ. تجريب هذه الفروض عقلياً.

و. إنتقاء أو إنتخاب الأفضل منها للتدخل به لوقف تأثير

كل سبب بحسب قوته أو تأثيره في الموضوع أو المشكلة.

فإذا كان الأساس المعرفي والتكويني للتفكير المنطقي يبدأ من «معرفة الأسباب والبحث فيها» فكيف تحرم طفلك من أن تمنحه فرصة في فهم ومعرفة أسباب رفضك لبعض الموضوعات، أو حتى قبولك لها؟!!!

وإذا كانت الحياة عبارة عن تراكم خبرات تؤدي في النهاية إلى مخزون يُمكنك من القياس بناءً عليه لسير أسهل في الحياة، فكيف يمكننا أن نحرم أطفالنا من هذا التراكم حين نوضح لهم أن هذا لا يصلح لكذا، وذلك لا يصلح لكذا؟!!!

إن أولى قواعد قدرة الإنسان على تعميم الخبرات أو على الأقل على تكوين إتجاه عقلي إنما ينبع من مروره بخبرات وجد تشابه في مسبباتها فراح يحكم عليها بسهولة إذا ما تشابهت الظروف.

ومن الحالات التي يعتبرها مَنْ أروها لهم مضحكة ولا يعلمون كيف ألتني حين جاء بها الطفل تلك الحالة التي جاءت بها أم ضربت طفلة على وجهه لأول مرة

ثم شعرت بالذنب وجاءت به لتعرف هل هو يكرهها بعد هذا السلوك أم أنه نسى الأمر مع ما فعلته له من محاولات ترضية .. الطفل كان في الرابعة من العمر دخل ومعه لعبته عبارة عن كلب صغير يعتبره صديقه، كانت الأم قد كتبت لي ورقة لأنها لا تتحمل أن تحكي ما حدث لأنها تتذكر الواقعة حيث أن ضربها للطفل بالقلم لازال يترك بعض آثاره حول أذنه، بدأت الحديث مع الطفل عن حياته وكلبه الذي يحبه كثيراً وأثناء الحديث تطرقنا للآخرين الذين يحبهم وكان من بينهم أمه بالطبع سألتها عنها وحتى لا أطيل عليكم بدأت إشكاليته معها حينما درس في الحضانة درساً عن البغاء، وعرف أنه مَنْ يكرر الكلام، وأثناء المذاكرة مع أمه وهو يلون ظلت تقول له «لون جوه الخط جواه الخط ...» فقال له «ماما بغغان لون جوه الخط جوه الخط» فغضبت الأم كثيراً، وفهمت من الورقة إن ما أغضبها إنه كيف له أن يشبهها بالحيوان وهي علمته أن بني آدم مُكرم عن سائر المخلوقات، مرت

أوقات عبارة عن شهور حتى جاء عيد ميلاده وأحضر له والده الكلب اللعبة الذي يتحرك به، وأثناء مناقشة عائلية من تلك التي نحصر فيها الأطفال سألته زوجته عن أحبابه، فقال أن أمه زي الكلب بالظبط، وكان ذلك أمام جمع من عائلته فنهرته بعد إنتهاء الزيارة وخاصمته وبكى لكنه لم يفهم لماذا تحديداً.. وكانت الطامة الكبرى بالنسبة للأم والتي إعتبرته أنه «متعمد» إهانتها حين أخذ بعدها بفترة درس «الحمار» والذي تعلم فيه أنه يحمل كل شئ وأنه صديق الفلاح، ويتعب في عمله، ويخدم كل مَنْ حوله تبعاً للقصة وفي محاولته لأن يوضح لوالدته أثناء الشرح قال لها أخذنا قصة الحمار الطيب، وحينما طلبت منه تفاصيل عنه أثناء وقوفه معها لوضع الغسيل بمتتهى البساطة قال لها هو طيب ويساعد ويعمل كل حاجة زي ماما بس ماما ماهاش ديل...

هنا لم تتحمل الأم وعدلت جسمها نحوه تطرده وتصرخ عليه فلم يتحرك فضرته على وجهه.

حينما سألت الأم: إيه أكثر حاجة مزعلاكي؟!!

فقلت: التعمد .. مفيش سمعان كلام .. مرة بغبان ..
مرة كلب .. مرة حمار .. ومنهم مرة قدام الناس .

قلت: في كل مرة كنتي بتفهميه إن المشكلة توصيفك بـ
«حيوان»؟!!

قالت: لأ بس المفروض إني أهانتة أو عنفته بصورة
متدرجة فأكيد هايفهم من نفسه.

وبعدين إحنا عمرنا ما بنشتم في البيت ولا بنقول كلب
وحمار ولا الكلام ده يبقى إزاي يوصفني كده؟!!

قلت: عشان هو مش شايف أن ديه شتيمة، عشان
مفيش خط واحد ربط في نخه بين المواضيع زي ما إنتي
فاهمة، عشان لم تعطي له «السبب» في صورة واضحة تخليه
يفهم «نوع» عام للإهانة من وجهة نظرك!!!

إن كان ذلك هو حال طفل الرابعة من العمر، فما بالك
ببعض الأطفال الكبار الذين نرفض لهم كل ما لا نحب

دون إبداء أسباب وعليه أن يقبل بل وربما نطلب منه أن يكون ممتناً لأننا قلنا له لأعلى ما يتمنى!!

إن أردنا تربية أطفال لديهم توكيدية أو ثقة في الذات مهم جداً أن نفهمهم أن يطالبوا الآخرين بمسببات يستطيعوا وضعها في عقولهم لرفض أو قبول الموضوعات بما يُمكن لهم من القياس فيما بعد أو حتى معرفة كيف يمكن أن يقنعوك ببعض ما يريدوا حينما يزيلوا سبب رفضك أو يطمئنوك من ناحيته.



المنّ الدائم

من أسوأ المشاعر التي نُكسبها لأطفالنا هو شعورهم بأننا «نَمْنُ» عليهم حين نعطيهـم أو ننفق عليهم أو نقدم لهم أي شئ مادي أو معنوي، فهذا الشعور قد يدفعهم -نفسياً- إلى النظر لأنفسهم بوصفهم أسرى في حاجة إلى التحرر ممن اشتراهم بما يقدمه لهم.

وللأسف لا يعرف الوالدين أن الطفل هنا لا يثمن ما يقدمونه بل من كثرة تذكيره بما يقدمونه له إما أن يزهده تماماً أو يعتبر أنه ضريبة الأبوة والأمومة فيُدفعك المزيد.

فحين جاءت المراهقة التي وصفتها أمها بأنها «هاتخرب بيتي قريب والله يا دكتورة خراب بيتي على أيديها، طريقة تعاملها مع أبوها مش مثلاً حاضر ونعم .. لأ .. عاوزة

تقعد وتتكلم معاه وفي الآخر هو يقولي شوفي تربيتك .. أنا جيبها هنا من وراه والله وديتها شيخ الأول يقرالها عشان نفسها تهدي كده بس مفيش، وواحدة صاحبتني قالتلي أجيبها هنا .. وماما قالتلي خدي فلوس ووديها بدل ما تطلقي ..». أنا ملاحظة البنت أثناء الكلام تنظر للأم بدون إعتناء وبإبتسامة سخرية بعض الوقت، والأم للأسف لا ترى أي محاولة مني لوقفها عن الكلام واستطردت الأم «الجمعة اللي فاتت كان أبوها هايكسر وشها لولا ربنا ستر وديه بنت لو عورها في وشها هاتتجوز إزاي؟!». قاطعتها ابتتها وقالت «سيك بس من جوازي احكي للدكتورة بقى يوم الجمعة ساعة ما كان هيخبطني بطبق الجرجير عشان أفكر ك أهوه قولي لها إيه اللي حصل؟!». بدأت الأم في العودة للكلام بعدما اشهدتني على «قلة أدب البنت» اللي ده نموذج منه قالت «أبوها كل يوم جمعة بعد الصلاة ينزل في ست كده عارفها بتجيب سمك كل جمعة يروح يجيب منها يقول ده يوم أجازة ويبقى زفارة

بقى والعيال يتغذوا، ولو السمك تنه إيه بيحجب وما شاء الله بيحجب يحجب يعني يقول حد يدخل كده ولا كده فقاعد بيحكى بقى على اللي حصل وهو واقف عند الست، تروح الهانم مقاطعاه وتكمل كلامه هي». اسكتتها البنت فوراً وقالت لها «طب بالله عليكى يا شيخه وحياة صلاتك مش هو اللي قولته نفس كلامه .. أقولك يا دكتورة .. كلوا يا هوانم لما أموت مش هتلاقوا حد يأكلكوا الأكلة ديه .. الكل طالع من الصلاة بيه كده ماشي وأنا اللي رايح اقف وأنقى، الناس بتسأل على التمن وتمشي رجالة بشنبات، وأنا واقف تقولي دول كده إثنين كيلو ونص أقول لها خليفهم ثلاثة كيلو، وأطلع من عندها عشان مفيش هانم فيكم تنزل على فرشة الخضرة، ومنها على الكشك أجيب الساقع عامل زي المرماطون عشان تشبعوا على طبلية أبوكوا». أكملت البنت باستطرد تحسد عليه وكأنها تقوم بتسميع نشيد حفظته عن ظهر قلب، الغريب في الأمر إن الأم تقريباً ميتة من

الضحك لدرجة أن دموعها نزلت، تركت ابنتها حتى إنتهت وهي تحاول أن تجمع وجه صلب دون جدوى، فقالت «طب يا دكتورة هانعمل إيه ما هو كده ديه طبيعته بيصرف ويبجيب وطول الوقت يقول مش طمران فيكم.. ويقول لهم بجيب لكم الحلو عشان لما أموت..». قاطعتها البنت قائلة «لما يموت ربنا هائرزقنا بردو.. هو ليه محسنا إنه ينزل الحاجة من السما يا ماما.. لما يموت أكيد ربنا مش هينسانا ومش هتبقى الدنيا وحشة من غير الأربعة كيلو سمك بتوع يوم الجمعة ال ٣ بلطي لما يقولوا إثنين مش هانقول إحنا بتعذب في الأرض، مش كل ما أعمل حاجة يقولي إنتي عارفة إنتي بتكلفيني كام!!؟ مش كل ما أجهد وأجيب درجة حلوة يقولي الي بتاكل أكل فيه كمية الفيتامينات ديه المفروض تسبق المدرسة نفسها.. والله يا دكتورة تعبت، طب تصدقي أنا بقالي سنة يوم الجمعة ده مش بقدر أحط أكل في بُقي، بحب السمك جدًّا عشان متربية عليه، وهو بيحبيه حلو الصراحة، بس

بقيت أحس إنه بالسم الهاري بقى ..». ظلت البنت ذات الخمسة عشر عامًا تبكي وهي تكرر « حفظت الكلام ومخنوقة مش ممكن مش هايطلع مني حاجة أنا بني أدمه ... بني أدمه يا ماما مش عايزة أخرب بيتك ولا حاجة ولا عايزة أرجعك بيت أهلك زي خالتي ويتحكم فينا ده وده زي ما كلللللل يوم تقوليلنا».

سيقول البعض ولكن .. كيف نوصل لأبناءنا إننا بالفعل نتعب لأجل تحقيق رغباتهم وكم التعب الذي نتحملة ليعرفوا قيمة الأشياء؟! في النقاط التالية أوضح لك كيف يتم ذلك:

- حينما تعبر عما تقدمه لأبناءك إبدأ بأنه واجبك.
- إن أردت أن توضح لهم أنك تزيد عن «الواجب» بأن تتقي لهم ما هو أفضل وأعلى تحدث عن أن ذلك لحبك لهم.
- لا تربط بين ما تقدمه وما يقومون به في الأداء المدرسي

مثلاً فالدراسات أكدت أن هذا الأسلوب هو ما يخلق نمط «المرتشي» الذي لا يمكن أن يقوم بالفعل إلا بثمان آني وحالي.

— شارك أولادك شراء بعض الأشياء ودعهم يروا كيف تتقني لهم ما هو أفضل سواء ثمنًا أو خامَةً أو من أي منظور.

— حاول أن توضح لهم قدر السعادة الذي يصلك أنت أيضًا حين تشتري لهم وأنك لست مرغماً في كل الأحوال لكن دور الوالد يجعله سعيداً بما يقدمه لأبناءه.

— علمهم قيمة المشاعر كعطاء، وأخبرهم عن أنك اليوم ستعبر لهم عن حبك بلعبة، وسيكون غداً عن طريق إحتضان، وبعده عن طريق مفاجأة بإحضارهم من المدرسة بدلاً من الباص، والذي يليه عن طريق مشاركته لعبة يجها، وقبل النوم أكد له إنه شكل من العطاء والتعبير أسعدك كما أسعده.



تعريض الطفل لخبرات حادة

يمر الإنسان بمراحل نمو متدرجة لكل منها سعة محددة، سواء على المستوى الفسيولوجي، أو الاجتماعي، أو الوجداني. ولكل مرحلة متطلبات بيئية لابد منها لتساعد الطفل على تحقيق نمو آمن، يستطيع من خلاله إكمال مسيرته. ورغم معرفة بعض الأسر لهذه الحقائق نظرياً إلا أنها تغفلها أثناء التطبيق، فتجد بعضهم يُعرض الطفل إلى خبرات حادة أكبر من قدرته على الاستيعاب. ولعل أشهر هذه المواقف والمثال الصارخ عليها، مشاركة الأطفال لحظات موت الأجداد مثلاً، وتواجدهم في مناخ غير مفهوم بالنسبة لهم، لا يجدون بداخلهم ترجمة له في ظل ما تعلموه أو مروا به.

والحقيقة أننا نتيجة لنقص خبرتنا قد نصل إلى تعميق تأثير هذه المواقف، فتجد الأم تطلب من طفلها الصغير الذي بدأ يجيد الحديث منذ شهور فقط أن يروي للناس كيف كانت لحظات جدة الأخيرة وهو يعاني سكرات الموت مثلاً، أو كيف كانت نظراته الأخيرة للحياة!!!

عبء ما بعده عبء أن نُحول الموضوع إلى رواية شديدة القسوة بطلها طفل يروي لحظات رحيل شخص كان يُحدثه ويتعامل معه، ثم لا وجود له.

أعلم أن بعض الظروف قد تضطرننا إلى ذلك فنحن لا نعيش بمعزل عن هذه الظروف، لكن التعامل مع هذه المواقف يجب أن يكون محاطاً بقدر من الإنسانية، الحنو، السعي لتخفيف حدته، وتلخيص كل ذلك في الطمأنينة بمعلومات «طيبة» عن الموقف، عن الحالة التي يمر بها، لا بد من الإكثار من لمس الطفل، عدم تعريضه للحديث المستمر عنها، عدم مشاركته لأحداث تمثل تحول حاد بالنسبة له، وضغط شديد على معلوماته الصغيرة، وقدرات

مخه على توسيع هذه المعلومات، فليس من الإنساني أن يرى الكفن، أو يشاهد كيف يتم تغسيل جده أو تشاهد تغسيل جدتها لتظهر بذلك أنها قوية-طفلة تخيل- أو أنه يحب جده ولم يخف أن ينزل معه القبر، أو يجلس في العزاء في أول الصفوف وهو في السادسة من عمره.

ليس من الطبيعي أن يرى الطفل جرح شديد في جسم أحد أحبته، أو يروى له قصة سرقة بالإكراه ليتعلم أو تتعلم من الخبرات!!!

ومن الحالات الشديدة في هذا الإطار ذلك الرجل الذي جاء وهو في عمر الإثنيين وثلاثين عامًا وكان حديثه كالتالي «بصي يا دكتورة أنا عاوز حضرتك معلش تديني وقتي عشان أعرف أقول إالى جوايا لإني رحت لحد من كام سنة كده وحسيت إما إني أنا إالى ما قدرتش أوصل له مشكلتي أو هو إالى ما فهمنيش، هو قال إن أنا عندي مرض قلق الموت، وبصراحة أنا قرئت عن الموضوع على الإنترنت، وجبت كتب، بس مش هو ده أنا، هو بس

الدكتور أنا كنت رايح تعبان أوي وسبت صاحبي يتكلم، ما علينا، المهم إني عاوزك تصبري عليا، أنا مشكلتي والي خلاني تاني أجبي بعد ما مريت بخبرة المرواح لدكتور قبل كده هو موت حماتي الأسبوع قبل اللي فات، ومن وقتها وأنا مش على بعضي، وده اللي بيحصل في كل حالة موت، مش خوفًا من إن أنا أموت، لأ والله، وأنا متهيألي هنا مش جاي عشان أكذب على نفسي، لكن مشكلتي مع الموت مرواحة القبر، بتحسلي قبضة، بحس إني تعبان أوي...».

سرح لبضع دقائق ثم أخذ نفس بصعوبة، قاطعته وقلت: أكيد منظر القبر مش مريح لأي حد، بس يا ترى الموضوع ده من إمتى؟! مش يمكن ليك معاه موقف أو حتى حكاية إتحدثت لك عنه، حلم، يعني في مواقف كتير ممكن تخيلنا ناخذ موقف من موضوع معين، يزيد أو يقل عن الطبيعي.

قال «في حاجة مش عارف ليها علاقة ولا لا، أنا قاعد براجع معاكي دلوقتي، وإنتي بتكلمي بس هي ساعتها

مرت يعني وكبرت، و..... أأأأه هو أنا من بعدها ما رحتش قبر إلا بعدها بسنين، بس مكتتش برتبك كده، هاحكيلك الموقف، بس رجاء يعني تاخدي بالك إني بعده كنت عادي، ولا إتعتقدت ولا بتاع، أنا كنت ابن الابن الكبير لجدي، وجدي الكبير لإخواته، بس جدي جات له مشكلة في عينه فمبقاش يشوف أوي وقعد كده يبجي عشرين سنة نظره بيتأخر كل فترة، المهم أخو جدي الي بعده توفي وما كانش متجوز، وأنا صغير كانوا يقولوا مالهوش في الجواز وعمري ما فهمت ولا سألت، مات ماكانش عنده أولاد، راح أبويا هو الي يكفنه ويغسله، أو يغسله ويكفنه يعني لو عايزة الترتيب، مش عارف أنا إرتبكت أوي ليه كده... إديني ثواني أخذ نفسي بس ولو ممكن بلاش أسئلة».

صمت لحظات .. وبدأ بالفعل تزيد ملامح الإرتباك الذي يقول عليه، عرضت عليه يشرب أخذ كوب الماء لكنه وضعه دون أن يشرب وعاد للحديث قائلاً «هاكمل

استريح شوية...».

عاد الرجل ليحكى في حالة سيئة للغاية خبرات طفل مع القبر، ورؤية نزول جده أخو جده بالكفن محمولاً، ثم غاب، أظهر رجولة طلبها منه أبيه، ووقف على القبر مع أبيه يأخذ العزاء، لأن المطلوب كان طابور طويل يقول للناس إن له ولاد كثير حتى وهو ما خلفش، عاد الطفل إلى بيته لعمل العزاء أسفل المنزل، ومناولة المياة للناس، الحركة داخل أجواء أيام العزاء، والخمسان، ثم الأربعين، وهي عادت مصرية لقراءنا من دول وثقافات أخرى.

فتحة القبر منظر ثقيل على قلبه، لكنه لم يواجه نفسه بالأمر، لأن المواجهة هنا، البكاء، الإعراب عن الخوف، كلها كانت تعني أنه طفلاً، وهذا ما كان سينزله من نظر الأب، ومن مصاحبته له في المواقف المختلفة!!!

تحمل الطفل وكبر، لم يجعل منظر فتحة القبر هو الألم، ولكنه جعل حادث الموت نفسه، ظل يهرب من وفيات مختلفة، حتى أصبح لزاماً عليه في بعض المواقف، فلم يسعه إلا أن يشعر بضيق شديد يصل إلى نوبة قلق كاملة

مع موت أي شخص، خوفًا من أن يكون مطالبًا بالذهاب للقبر، فيكفيه ما يليقه له ذهنه من رتوش لم يحكي فيها مع أحد!!!

الأمثلة على هذه المواقف كثيرة، تتضمن التعرض للتحرش الجنسي للأطفال، والذي يعرضهم لمشاعر حادة، شعورهم بالانتهاك، تعرضهم لزنا المحارم، والذي فيه يتخبط مفهوم «القريب الأمان»، جميعها مواقف شديدة التأثير على الأطفال، حادة على مشاعرهم، تحتاج إلى تعامل حذر، إلى دعم نفسي أسري، أو حتى مهني، المهم أن نساعد الطفل إن كان الموقف رغماً عنا، أن يتخلص من تأثيره، من ما يمكن أن يُخلفه لديه وقد لا يظهر وقتها، لكنه مُسجل بتفاصيله الدقيقة، فوالله إن أنت حضرت كيف يصف الرجل فتحة القبر، تفاصيل شكل التراب الذي يراه مختلفاً عن أي تراب موجود في أي مكان، تلك السلام المتعرجة التي نزلوا بها، تفاصيل حركة الكفن على جسم أخو جده، ثنية جسم الرجال للنزول به، شكل التُربي

ورؤيته له، لعلمت أن الرقيب العتيد الذي يكتب عنا كل شيء له نسخة تتحرك معنا، هي ذاكرتنا التي لا تموت فيها الأشياء، حتى وإن غابت، أو بالأحرى ولو طمست ببعض وسائل الدفاع النفسية التي نستخدمها، لكننا في الحقيقة أسرى ذكرياتنا، فأحسنوا ما يُخزن لدى أطفالكم، فالذاكرة لا ترحم.



ادخاله في المشكلات العائلية

لعل هذه النقطة تحديداً من أشهر الأخطاء التي تقع فيها الأسر مع أطفالها وإن بدأت في سرد الحالات لن أنهى، فبين سيدة لديها مشكلات مع أهل الزوج وتريد أن توصل لهم رسالة أن ابنهم لا يدخل الكثير من المال كما يعتقدون فتوصل هذه الرسالة عن طريق ترك الطفل يذهب لهم بحذاء مخروم وحينما تعلق جدته لأبيه يبلغها أن والده لم يشتري لهم أحذية جديدة هو وأخيه، وأن والدته ستحصل على حوافز قريباً وتشتري له!!!

وحينها سيحمل رسالة أخرى من الجدة إلى الأم التي ترسل أطفالها لبيت أهل زوجها دون ذهابها معهم تحت أي حجة.

وهذا الذي يصر على أن يتحدث ابنه منذ الصغر
برجولة وقوة الرجل لأنه يرى أن منزل أمه وخالاته
تسيره النساء لأن حماته هي التي حددت ما يُكتب في قائمة
المنقولات وغيرت الكلام بعد أن اتفق هو مع حماه!!
وتلك التي لا تنسى أن تُذكر ابنها منذ عمر ٤ سنوات
بأنها زي عماتها هاتطلع تتصنت على الأحاديث بين
الناس!!!

جميعها أمور لا دخل للطفل فيها لكننا نصر أن ندفعه
فاتورة ليس له فيها دخل وكأنه يدفع حساب آخرين.

ولا قف الموضوع عند حد الخلافات مع العائلة الكبيرة
لكن في الكثير من الأحيان يتم «استخدام» الأطفال
في الصراع الزوجي وهو ما يُنقص شعورهم بالأمان،
ويُحدث لديهم خللاً في المشاعر فلك أن تتخيل أن طفلاً
مطلوباً منه أن يكون بين والديه يميل إلى هذا دون ذلك،
ربما يُطلب منه أن يسيئ إلى هذا ليحصل على دعم وحب
ذلك..

إن السواء النفسي الذي نشده إنما يقوم على شعور
الطفل بأنه بين والدين كلاهما يعمل لصالح المؤسسة
الكبرى، لصالحه هو وأخوته، كل منهما يدفع ويضحي
لأجله، غير ذلك فكل ما نقدمه له دون ذلك عدم ولو
كنا نصل فيه الليل بالنهار.



الحرمان البيئي «الفلترة»

كما سبق ذكرنا أن الإنسان في خلال رحلته عبر الزمن يُكون سجلاً خبروي يمكنه من القياس عليه ثم السير في الحياة بناء عليه، وهي العملية التي تُعرف بالتعلم غير المقصود أو غير المدرسي، حيث يأتي التعلم من خلال الخبرة بالمواقف المختلفة.

وبالتالي .. فإن حرمان الطفل من الثراء الذي يمكن أن يتعلم منه، ووضع في بيئة «معقمة» إعتقاداً منا أننا بهذا نحميه أو نحافظ عليه هو خطأ جسيم لا نأخذ بالناس منه إلا حينما يكبر طفلنا عمراً ولا يكبر سلوكاً أو توجهاً نحو الحياة.

تتعجب بعض الأمهات من أن أطفالها يكبرون ولا يحدث إنفصالاً عنها، ونتعجب نحن من أنها لم تنتبه إلى أنها لم توفر له البيئة التي تسمح له بذلك، فلكي يفصل الشخص بشكل سوي لابد أن يتم ذلك بالتدرج، وعبر مراحل مختلفة من الاعتماد على الذات، من الاختيار، ولن يأتي الاختيار إلا من تجربة، لن يأتي إلا من محاولة وخطأ وما رحلة الإنسان إلا محاولة وخطأ، ألم يعرف مذاقه ثم يعمل على تجنبه.

سيقول بعض الأهالي إننا في محاولة دائمة لأن نُجنب أولادنا مذاق الألم هذا.. فهل نحن مخطؤون؟!!

الإجابة .. إن قدرًا من الألم مهم كي نفهم، فإنبك لابد أن يقترب «بأمان» من كوب ساخن ليفهم أنه قد يتعرض للخطر، لابد أن يفتح على أصحاب مختلفين عنه كي يعرف أنه عليه «اختيار» مَنْ يملك سلوكيات جيدة، أو حتى يعرفه لكن لا يبقى قدوته أو في إطار قريب منه على مستوى درجة القرب.

الفترة .. حالة فيها عدوان نسميه العدوان السلبي لأنك في النهاية تحرم طفلك من أن يكون خبرته بنفسه، أن يكون لديه ردوداً داخلية تكونت عبر احتكاكه بالحياة حين تدفعه نفسه إلى الانغماس في بعض الأشياء التي لا تُحبها.

فنحن نحتاج لبعض المواقف التي نجربها بأنفسنا، نحكم عليها ويظهر لنا أن حكمنا خطأ حتى نتعلم كيف يتم الحكم.

نحتاج إلى مساحة نكتشف فيها قدراتنا التي نخبرنا بها آباءنا وأمهاتنا لكننا لم نجربها في حياتنا.

لكن التعقيم المبالغ فيه يجعلنا عرضة لمرض شديد نتيجة لأضعف بكثير أو ملوثات ستعرض لها لا محالة لكن نفوسنا لم تُكوّن ضدها أي مقاومة لأنك كأب أو أم اعتبرت نفسك «المقاوم» الخارجي الذي يحمي، ولأن بقاءك ليس مضموناً، ولأن النمو والنضج يعني أنك ستخرج من حياة ابنك شئت أم أبيت فإن إعتبار نفسك

عامل المقاومة والحماية الوحيد له يعرضه للخطر في أي مرحلة من مراحل حياته.

جاءني بعد وفاة والدته بسبعة أشهر وعودة أخته الوحيدة إلى بيتها في إحدى دول أوروبا، عمره ١٤ عامًا في الصف الثالث من المرحلة الإعدادية كانت شكوى والده في التالي «ابني يا دكتورة تقدري تقولي إنه تقريبًا مات مع أمه، بس مش من الناحية العاطفية بس لأ من كل النواحي، لا عارف يعيش ولا ياكل ولا يكلم أصحاب ولا أي حاجة في الحياة، زي ما بقول لحضرتك تقريبًا أمه ربنا أخذ حياتها وهي أخذت حياته معاها، مش قادر ألومها هي دلوقتي في دار الحق وإحنا في دار الباطل، ولإن «فلان» جه بعد أخته بـ ١٥ سنة بتحاول تجيب لبنتنا أخ، وتعمل كل حاجة عشان تحمل، عجّزت الولد عن كل حاجة، كانت بينا خلافات كتير على تربيته، لكن كأني راجل مشغول في شغله بسافر وبتنقل كنت أتكلم شوية وأسكت خصوصًا لما إكتشفنا مرضها بعد ما بقى عمره ٨ سنين».

فهمت من كلامه أن الأم كانت تقول بكل التفاصيل بدلاً عن ابنها، حتى أن طبيعة حديثه أو نموه اللفظي لم يكن متناسباً مع عمره رغم أن ذكائه بدرجة جيدة، لكن علاقته بأمه لم تجعله في حاجة أن يُطور من مهاراته اللفظية، تحدثنا كثيراً لأرى طفلاً لا يزيد عن العشر سنوات إن أردت أن أجامله، لكنه أبداً لم يتخطى الطفولة المتأخرة التي تنتهي عند الإثنى عشر عاماً.

قال ضمن ما قال « صاحبني .. فلان .. مش بقيت بشوفه كثير هو كان بيجيلي البيت عشان ماما الله يرحمها كانت بتخاف عليا أروح عند حد، وهي كانت بتعمل له كل الأكل اللي بيحبه عشان ييجي يقعد معايا، بس لما ماما الله يرحمها ماتت بابا قاله تعالى عندنا جه وجبنا دليفري اللي بيحبه بس قعدنا شوية ومشى بقى وأنا قعدت زهقان وهو قالي نتكلم واتس بس هو روح نام وتاني يوم شوفته في المدرسة وقالي معلش».

سألته عن مدرسته ومدرسينه فكان رده «أنا بحب المدرسة جدًا زي الدكتور زويل أنا شبهه على فكرة ماما الله يرحمها قالت كده بس مش ضروري أزعل لو جبت درجات قليلة، ماما الله يرحمها راحت للمدرسين بتوعي من أول ما دخلت إعدادي وقالت لهم أنا ما يهمنيش الدرجات يهمني إنه .. فلان.. يبقى مبسوط في المدرسة وملتزم عشان قالتلي محدش يضايقني أعمل الي أعرفه والي ما أعرفهوش كانت هي الله يرحمها بتبعت جواب معايا للمدرسين، ولغاية دلوقتي الي مش بعرفه بقى مش بعمله بس في حاجة إتغيرت بس المدرسين مش بيكلموني على حاجة خالص يعني حتى الي أعرفه لو رفعت إيدي محدش بيقومني مش عارف يمكن عشان فاكرني لسه زعلان عشان ماما أو لسه جوابات ماما ليهم مخلياهم يقولوا مش هانزعله عشان ما تزعش منهم هي في قبرها!!!».

أبلغني الأب أن الأم قاطعت الكثير من أهلها لأنهم يلومونها على سلوكياتها مع ابنها، والبعض الآخر قاطعته بحجة أنه يضايق ابنها أو يرفض اللعب معه، تأخذ معها أكل بمواصفات ابنها في العزومات خوفاً من أن يكون الأكل الموجود من الأشياء التي لا يحبها ابنها أو يسبب له تعب ما!!!

ماتت الأم وابن الرابعة عشر من العمر لا يعرف أي شيء عن الحياة، يصطدم ولكن جدته التي صعب عليها حاله حاولت بحسب فهمها إراحته فقالت له أن كل مَنْ سيضايقه بعد وفات أمه سوف تغضب عليه هي في قبرها، وإن ربنا مش بيسييه، هذا ساعده بعض الشيء على أن يبلع ما يصيبه من الناس لأن أمه سوف تغضب عليهم في قبرها وهي تشعر بكل مَنْ حوله.

حقيقي من الحالات التي احتاجت منا وقت طويل لمساعدة الابن على الاعتماد على نفسه، الشكر الجزيل في هذا الوقت وفي هذا السعي كان لوالده الذي أصر أن يعيد

ابنه للحياة فلا يموت مع أمه، قرابة السنة وهو يأتي به لنساعده على النمو الاجتماعي، والانفعالي، والنفسي، ومساعدة الذات، ونمو الوعي العام، حتى عاد لا تقلقه سخرية زملاء لم تكن أمه في قبرها قادرة على صدهم عنه، ولا يقلقه أن يتواجد مع أهل أمه الذين وصلهم الأب ليتدرب على العلاقات الاجتماعية وسطهم، يحبطه هذا، ويذكره هذا بأنه تغير للأحسن، ولا يفوت هذا أن يخبره إنه كان «يسترخه وهو طفلاً» لكنه سعيد بأنه يتغير.

لا تعلم أمه رحمها الله أنها كانت تُقلم أظافره بحبها له والحياة تحتاج جزء من أظافرنا لأنها حرب أحياناً، حرب ليأسنا، أو نفوسنا التي أبلغنا رب العالمين أنه أهمها فجورها وتقواها، تحتاج أظافرنا ليراها مَنْ يمكن أن يستضعفنا، نحتاج خبرات نفرز بها الناس ونختار لكل منهم معاملة مناسبة، نحتاج مواقف نتعلم منها كيف نُعبر عن الحب، القرب، فهل تعلم أن الكثير من المشكلات الزوجية لأشخاص كبار تأتي من أنهم ليسوا عدوانيين

ولا ينقصهم مهارة من مهارات الحياة سوى التعبير عن
الحب، توصيل فكرة قبولهم للآخر، الخروج عن أنفسهم
ومنح الآخر أهمية واهتمام في وجدانهم وظهور ذلك في
سلوكهم؟!!!

لا داعي لفلتر حياة ولادنا فنحن وإن حميناهم مؤقتًا
من ألم صغير الآن سيتعلمون منه فنحن بذلك نعرضهم
لآلام لا عدد لها في الكبر.



المقارنة بالآخرين

علمونا أن أولى أشكال العدوان التي تمارسها نحو أي شخص هي أن تقارنه بشخص آخر، ذلك لأن المقارنة تفرض عليه حالة صراع نفسي وإنساني لا تنتهي، تُدخل البعض في تحدي شديد لمعيار ثقته بنفسه وربما تجبّطها لفترة، تُدخله أيضًا في حالة من العنف أو التحدي لشخص آخر قد لا يكون له أي ذنب في الموضوع سوى أن شخص آخر وضعه في مقارنة معك وهي ما نسميها حروب بلا ثمن !!!

ولذلك فإن محاولتك لمقارنة طفلك بآخرين لا تساعد على تحقيق نمو سوي أبدًا، فهل تتخيل أن شخص يعيش صراع أن معيار نجاحه أو تفوقه أو تحقيقه لأي شيء هو شخص آخر وليس هو بقدراته واهتماماته وميوله

وظروفه ستسير حياته على نحو سوي أو يسهل عليه
تكوين مفهوم ذات إيجابي عن نفسه؟!!

طيب.. دعني أفجأك أن من خلال سنوات عملي،
وفي حدود الحالات التي رأيتها كانت السنبه الكبيرة من
الأولاد الذين خرجوا عن الأدب في الحديث مع أحد
والديهم راجعة لموقف فيه مقارنة مع شخص آخر..

فأما أن الابن يخرج عن صمته ليلعن هذا الذي تقارنه به
باستمرار، أو يكون مضطراً أن يقول لك أن أهل الشخص
الآخر وفروا له بعضاً مما لم توفره، أو أي شكل من أشكال
الخروج عن أدب الحوار تعبيراً عن أنه لم يعد يحتمل ذلك.

يحضرنى هنا أكثر الحالات التي رأيتها قسوة، والتي
فيها الأم طُلقَت من زوجها وعمر أولادها بين ٤ سنوات
للكبير، وعامين وبضعة أشهر لأخيه الأصغر وقررت
هي أن تعمل عليهم دون الحاجة لوالدهم أو مساعدته
خاصةً أنه تزوج بعد الانفصال عنها بثمانية أشهر كانوا
لتجهيز بيت الزوجية، ساعدها والدها الذي لديه تجارة
تخص عائلته قامت هي على فرع منهم ثم مع السنوات

أصبحت مسؤولة عنها جميعاً لأن مجال عملها نسائي وهي قامت بتطويرها، ظلت سنوات تقوم على رعاية ابنها وحده حتى جاء وقت دخول الجامعة لابنها الكبير وحينها قررت هي دخوله جامعة معينة ليكون مثل ابن خاله والذي تضعه معه في مقارنة دائمة وعلى مدار كل سنوات عمره، أدت مناقشتها معه إلى إصابتها بشلل العصب السابع، ثم جاءني بقرار أنها ستعيدهم لأبوه فلم تطمر فيهم التربية، ولكنها فقط تريد أن تساعد الصغير على ذلك لأنه من وجهة نظرها إلى الآن ما عملش حاجة لكن أكيد هيعمل، طلبت منها تروي لي ما حدث وجعلها تصل لهذا القرار، وبعد صعوبة لرغبتها في عدم تذكره قالت «أقولك إيه بس، الباشا ابني بعد كل اللي عملته مطلقني ما عملتش حاجة، لو كنت سبتهم لأبوهم وكانت مراته ربتهم يمكن كانوا عرفوا أنا تعبت واطرمطت أد إيه، أنا ما عملتش جريمة الواد ابن خالة مهندس زي الفل واشتغل في شركة كذا وعشان اللغة ما شاء الله يسفروه النرويج، والنمسا، وأستراليا، لسه عمره ٢٧ سنة ومعه عربية زي عربية أبويا اللي إحنا اتحايلنا عليه

|| ۱۲۱ ||

دكتورة، أنا يتقالي كده؟!!! كان في إيه أعمله معاه تاني؟!!! أنا كنت باخدهم معايا في العريية ونقعد في المحل أعملهم حته يذاكروا فيها، يعني ما قصر تش، وبعدين ما الواد ابن خالهم زي الفل بقول لهم كده عشان يتشجعوا، وملاحظه أنهم مش بيطيعوه، بس بقول يبقى لهم قدرة عشان أبوهم ولا الهوا معاهم طبعاً أنا بعد ما فضل يزعتق وديه أول مرة يعملها بقيت حاسة بصراع صداع وعيني زي ما تكون بتدمع غصب عني، وبعدها وقعت وزى ما إنتي شايفة.. لااا زي ما إنتي شايفة إيه ده كده بعد العلاج الطبيعى فاضل حاجة بسيطة بس قالولي بتروح مع الوقت».

الحقيقة إن الأم فعلاً لم تقصر كما قالت، وفي ظروف أخرى ربما أخذت الأم المثالية على تعبها مع أولادها خاصّة لو سمعت إلى سلوك الزوج بعد الطلاق، لكنها لا تعرف أن المقارنة تضر بنفوس الأبناء، بل بنفس كل إنسان أيّا كان عمره، وهنا ستجد دفاع الأهالي عن الفكرة إننا في الحقيقة نحتاج إلى المقارنة كي نشجع أولادنا فكيف يتم ذلك دون أن تحدث مشكلات

نفسية لأولادنا؟؟!! والإجابة من خلال النقاط التالية:

- علم ابنك أن يقيس نفسه على قيم معينة أو معايير ثابتة لا أشخاص.
- إن إحتجت إلى تجسيد القيم في أشخاص حوله حاول أن تُنوع هؤلاء الأشخاص وأن تؤكد عليه أن المطلوب ليس أن يكون هؤلاء الأشخاص ولكن أن يأخذ منهم نموذج لكيفية تحقيق قيمه هو الخاصة، بطريقته الخاصة.
- أكد لابنك أنك تفهم طبيعته، وأنت تفهم وتقبل أن الناس مختلفين.
- آمن ابنك من مقارنات الآخرين التي قد يضعونه فيها فقد يقوم بعقد هذه المقارنة أشخاص غيرك كالأجداد والخالات والعَمات، إن كان ذلك الموقف أمامك حاول أن تذكر الآخرين - بلطف - بإيجابيات ابنك بحيث تساعد على التخلص من المشاعر السلبية الناتجة عن المقارنة.
- ضع لابنك صورة نجاح في أشكال مختلفة تغطي مختلف جوانب الحياة، كأن تحدثه عن نموذج في النجاح

العلمي، ونموذج في التفوق الأخلاقي، ونموذج في التفوق الرياضي، والمهني، وغيرها، بحيث يعرف أن المطلوب هو «الإجتهاد» فيما يرى نفسه فيه، وأن للنجاح وصفة وليس شخصية معينة.

بهذا يمكن أن نساعد على خلق قدوة لكن دون الدخول في سليات المقارنة وصراعاتها التي قد تستمر لسنوات طويلة، فليس غريباً عليك أن تسمع من بعض المحيطين بك بعض النماذج مثلاً .. إن فلانة قريبتني اتطلقت الي كانت ماما دائماً تقولي شايفة فلانة عاملة إزاي مع جوزها!!! أو تسمع رجل يقول لك أهو فلان جاري قفل مشروعه أو إتفصل من شغله وكانت أمي بتقولي نفسي أشوفك زي أستاذ فلان!!! هذه الأمثلة التي لا يمكن إلا أن تكون سمعت واحدة منها ولو مرة في حياتك ما هي إلا نتاج نفسي قاسي لما عاناه هذا الشخص من أوجاع المقارنة وصراعاتها القاسية على النفس.



الاستهتار بالأحداث التي تمر به

لكل مرحلة من عمر الإنسان الموضوعات التي يعتبرها مهمة، فاصلة، يعتبر غيابها جحيم، ووجود مشكلة فيها نهاية الحياة أو على الأقل تُفقد الحياة مذاقها.

وبالتالي من غير الإنساني أن نقلل من أهمية هذه الأشياء لدى الإنسان لأنها من منظورنا منخفضة القيمة، أو لأننا كبرنا مثلاً وعرفنا أنها لم تكن بهذه الأهمية.

فمن بين جوانب التربية النفسية الصحيحة للأبناء أمران مهمان هما:

تربية ابنك على إحترام مشاعره وخبراته الخاصة.

تربية ابنك على أن المشاعر خبرة فردية ذات بصمة فريدة.

والمقصود هنا أن أربي ابني على أن يفهم أن من حقوقه على الآخرين إحترام شعوره، أو موقفه، أو تلك الأحداث التي يمر بها سواء إعتبرها سعيدة أو حزينة.

أما الشق الثاني فهو يتضمن أن أربي ابني على أن يحترم هو نفسه مشاعره ولا يتأثر في ذلك بالآخرين، فالمشاعر كالبصمة الشخصية، هناك شخص يتعرض لموقف يعتبره على مستوى المشاعر أمراً بسيطاً وهنا مَنْ يعتبره أمر شديد القسوة على نفسه، وهنا المعيار في البداية هو، ثم نختلف حول طريقة التعبير ومناسبتها للزمان والمكان والمجتمع الذي نعيش فيه.

وإن كان ذلك متفقاً عليه كحق أصيل لأبناءنا فإن أولى الناس بتطبيق هذا الحق هم الأهل، الدائرة الأولى التي ينشأ فيها، التي تتضمن الوالدين، والذين نؤكد عليهما دائماً بإحترام أحداث الطفل وتقديرها مهما كانت رؤيتنا لها.

فطفلك الذي لم تشكره المعلمة، أو لم تضع له استيكرز أو نجمة كباقي زملاءه اليوم وجاءك حزين أو في حالة

ضيق ليس تافهًا، ولا غاوي نكد، وليس من المنطق أن
تُخبريه بأنك تشتري له أفضل أنواع الملصقات، وأنه ليس
محرومًا، ولا معالجة الموقف تكون بالسخرية منه ومحادثة
كل شخص في العائلة عن أنه جاء يبكي اليوم لأجل
ملصق لم يحصل عليه!!!

فأنتي هنا في الحقيقة لم تعلميه سوى أن أحداثه لا تعنيك،
تعليمه أن مشاعره أتفقه مما يشعر بها، وهنا وبكل أسف
ومع تكرار هذه المواقف لا يتعلم الطفل أبدًا وربما حتى
الكبر في العمر ما الذي يجب أن يعبر عنه وما الذي لا
يستحق، لأن الميزان لديه تخط، فبين مجتمع الأطفال يجد
أن الموضوع فارق للغاية، ثم يأتيك فتخبريه أن ذلك أمرًا
شديد التفاهة ويستحق السخرية.

وهنا ستقول الأمهات: لكن أنا في حاجة إلى التخفيف
عن ابني وتعليمه أن ليس كل شيء يحزن عليه، وستكون
الإجابة:

نعم .. التخفيف عن ابنك، ثم تعليمه كيف يعبر عن مشاعره بطريقة مناسبة جميعها أمورًا محمودة، ونحن نشجعها تمامًا لكننا نختلف مع الطريقة، ولكي تحققي ما تريديه بطريقة صحيحة وصحية نفسيًا إليك هذه النقاط:

— عبري عن تفهمك لمشاعره وأهمية الحدث الذي يمر به.

— قولي له أنك لو كنتِ في مرحلته العمرية ستكوني حزينه بالطبع مثله «ليفهم أن المسألة مسألة عمر لكن دون جرحه».

— لو كان لديك موقف مشابه في طفولتك إحييه له لندخل في فكرة مشاعية الحدث أو الشعور وليس وحده المضطهد أو مَنْ يتعرض لذلك.

— إفتحي معه طرق لحل الموقف ودعيه يضع تصوراتهِ وساعديه فقط، ليفهم أن المشاعر مختلفة عن التفكير والسلوك، فلا مانع أن تقولي له «أنا طبعًا عارفة إنك

أد إليه زعلان، ومعاك حق أنا لما كنت في سنك كان الموضوع ده بيضايقني أوي، خرينا كل واحد فينا يفكر إزاي نصلح الموضوع ده، يعني نشوف إزاي بكرة نخلي المدرسة تديك نجمة؟!؟».

– في مرحلة لاحقة من التفكير معًا بصوت عالٍ إسألوه هو مهم ناخذ نجمة كل يوم؟!؟ وكم واحد لم يحصل عليها؟!؟ وهل الفصل كله بياخد؟!؟ طب ولما هو كان بياخد كان في ناس لا تحصل عليها؟!؟ جميعها أسئلة مستهدف منها وضع سيناريوهات بديلة يمكنه الإستعانة بها حينما يتكرر الموقف، فيستطيع هو التعامل مع الموقف داخليًا، ولا يستمر بحالة الضيق نفسها حتى يصل المنزل.

– إذا جاءك يومًا وقال لك أنه لم يأخذ النجمة أو لم يحدثه صاحبه أو أي شيء مما كان يضايقه ولا تظهر عليه علامات الضيق السابقة اسألوه كيف فكر في الأمر؟ وكيف أداره في عقله، وأخبريه أن خبرته السابقة

بالموقف وزعله الشديد وقتها ساعده على أن يمر من الموقف هذه المرة بشكل أفضل.

— شجعيه على مناقشة مشاعره معك وأنتك سعيدة بذلك فأحدى مشكلاتنا الكبرى في الوطن العربي الآن أننا لا نعرف على وجه الدقة كيف نعبر عن مشاعرنا بصورة إيجابية، كيف نميز درجات العلاقات التي تقوم على المشاعر، كيف نحترم مشاعرنا ليحترمها الآخر، وكيف نحترم مشاعر الآخر لنحيا معه في علاقة ودودة ليست في مهب أي ريح عابرة يمكنها بسهولة أن تُكسر مجاديفها ونصبح غرقى كل منا في جهة.



التمييز لصالحه أو ضده

يقع الآباء والأمهات في فخ التمييز بصوره المتعددة لسبب أو لآخر يعتبرونه «حجة» أو مبرراً للتمييز لصالح طفل وبالطبع ضد آخر، فمنهم مَنْ يرى صغر الأخ عن أخواته مبرراً للتمييز، ومنهم من يرى مرض أحدهم مبرراً لذلك، أو تمييزاً لشكل الطفل، لذكاءه، لظروف ميلاده، أو لنوع الطفل ذكراً أو أنثى، أو حتى تمييزاً لطاعته لأوامر الوالدين..

ولعل التمييز أو ما يطلق عليه التفرقة بين الأبناء أحد العوامل القليلة التي فيها يضار أطرافها جميعاً، فمن يتم التمييز لصالحه يضار، ومن يتم التمييز ضده، ومن يقوم بالتمييز سواء كان الأب أو الأم!!

فالتمييز أو التفرقة بين الأبناء هي أول بذور الكراهية ونقص الثقة بالنفس، والشعور بغياب العدالة، ثم ظهور العنف والعدوان سواء على الذات باعتبارها غير مستحقة للإحترام لذلك تم التمييز ضدها، أو العنف والعدوان تجاه المميز من إخوته، أو مَنْ يقوم بالتمييز.

يعني ذلك أننا في النهاية في دائرة سلبية لا تنتهي، ذلك أن العنف والعدوان للأسف دائرة مفرغة إن بدأت تتكون في النفس منذ الطفولة لا تقف، لذلك نحرص على توصية الآباء بالحرص على عدم تكونها.

وقد يعتقد البعض أن الصورة السلبية دائماً للمميز ضده، لكن الحقيقة أننا نرى في الاستشارات التي تأتينا في مراكزنا الكثير من المشكلات لأطفال بل وكبار عانوا لأنهم عاشوا تمييزاً في الأسرة لصالحهم..

جاءني يشكو إكتئاباً شديداً تخطى مراحل الصعوبة في إحدى المصححات ثم كان عليه أن يستكمل علاجه من خلال جلسات نفسية جاء فيها يشكو بداية حياته وما

أوصله لما جعله يدخل المصحة النفسية للمرة الثالثة مرتين سابقين لعلاج الإدمان الذي توقف عنه بجهد كبير ثم المرة الثالثة إكتئاباً بعد رحيل زوجته الثالثة والتي تعتبر الزوجة الأولى التي إختارها بنفسه، فزوجته الأولى كانت من إختيار والده كي يساعده على الخروج من الإدمان، ولم تستمر معه أكثر من عشرة أشهر، والثانية من إختيار العمّة شريكة الأب في كل شئ، ولم تبقى معه أكثر من عامين، ثم أحب تلك الثالثة وقرر لأجلها التوقف عن الإدمان نهائياً، والحقيقة أنه من خلال تاريخه الإدماني فإن ما تحمله لأجل الزواج منها كان كثيراً، لكن أيضاً زواجه منها لم يستمر إلا سنة وأربعة أشهر وواحد وعشرون يوماً كما يعدهم هو باليوم ويقول عنهم أنهم الأيام الوحيدة التي شعر فيها أنه بني آدم، لكنه أضاعها من يديه كما قال ودفعها رغم حبها له وتحملها لكل التحديات إلى طلب إنهاء العلاقة معه والهرب خارج البلاد، وفي هذا قال «زي ما حكيت لحضرتك كده ديه كلها قصتي، لو على

سؤالك بقى من وجهة نظري إيه اللي خلاني أعمل ده أو أرجعه لإيه أقدر أقولك ببساطة وفي كلمتين الموضوع كله يرجع لأبويا، وصدقيني مش برمي بلايا عليه، ولا بخرج نفسي من المسؤولية، أنا أقسمك بالله في المستشفى قيمت حياتي كلها، واللي هاقوله لوك ده لأول مرة أقوله بعد ما بذلت مجهود كبير إني أجمعه، مش عشان حاجة أكثر من إني أشوف إزاي أنا فقدت الإنسانية ديه، زي ما قولتلك أنا ولد على ٣ بنات، قبل الأخير يعني أبويا جاب بنتين، وبعدين أنا وبعدين قال يخلف تاني يطلع ولد يسندني...».

بكى بكاء شديد إنقطع فيه عن الحديث لفترة ثم عاد معتذراً «جت بنت وأبويا بقى إعتبر نفسه هو اللي لازم يسندني، طلعتني غير أي حد في البيت، أقل أدبي يضحكوا، أشخط في البنات يقولوا هايطلع زي جده الله يرحمه ما يعجبهوش الحال المايل، ليا الحق أعمل كل حاجة لدرجة إني كنت باقعد أفكر كتير لما صحابي يقولوا بس الموضوع ده مش هينفع، عشان أقنع الحاج بيه واللا ظروف البيت،

الكلام ده ما كانش في قاموسي أنا وبس، تصدقي وتؤمني بالله يا دكتورة ولا ليك عليّ يمين أنا مرة طلعت أمي ومعها واحدة صاحبها من البيت عشان صحابي قالوا جايين وأنا في المدرسة ورجعت لقيت أمي معها صاحبها ومستنية صاحبة تاني، كان أبويا في الإسكندرية بيخلص ورق، كلمته قال لي اعمل اللي إنت عاوزه، خليها تاخذ البنات وطنطك مش عارف مين ديه ويروحوا النادي، أومال أنا بادفع اشتراكات أندية بالشئ الفلاني ليه، عشان يضايقوك؟! دخلت أستحمي وأروش كده عشان أطلع أجهز عشان صحابي ييجوا، لقيت أمي بتظبط شعرها وإخواتي البنات لابسين وكله طالع على النادي، طبعًا جت الأوامر العليا وأنا باستحمي، ده مثال يعني تخيلي بقى أم عازمة اتنين صاحباتها في البيت تطلع هي وهم برة، أعتقد كده تقدري تقيسي الدنيا كانت عاملة إزاي.. نسيت أقول لك أنا كنت في تانية ثانوي، وكان صاحبي عاوز يحتفل بعيد ميلاد صاحبه وما كانوش عارفين

يروحوا فين، وكان مزيط إنه هياخد فلوس من أبوه وكده، ومتهيا لي البت صاحبه شبط فيها اتنين صاحباتها فقلت ييجوا البيت....».

عاد للبكاء تاني، وظل يردد كلمات غير مفهومة، ثم بدأ يوضح الكلام «تصدقني إني عمري ساعتها ما فكرت مشاعر إخواتي البنات إيه وأنا طالع باصفر من الحمام وهم كل واحدة بتلبس بسرعة فجأة كده، مش مهم بقى كانت نايممة واللا بتذاكر واللا إيه .. على فكرة أنا كنت في مدرسة غير مدرسة إخواتي، أبويا قال عشان مدرسة إخواتي شديدة وسخيفة وهو لو حد تعامل معايا في المدرسة زي البنات هيروح يقفلها لهم، عمري ما بصيت في عين أخت لي أشوفها زعلانة واللا فرحانة، لما أدمنت وبوظت وبقى يجبوا بلاوي، أختي الصغيرة كانت بتخليني نايم وتيجي تطبطب عليّ، كنت باحس بيها بس ماكتتش شايف إلا نفسي أو يمكن من الزفت المخدرات كنت باطردها برة، تفتكري واحد زي ده اتربى التربية دي

هيطلع يعرف يعني إيه يحب واحدة؟! يعني إيه يحافظ
على بيت؟! يعني إيه مشاعر بني آدم؟! تعرفي واحد
صاحبني سافر برة وجالي في المستشفى وأنا بتعالج من
الإدمان وفي فترة النقاهة قال لي كلمة مش راضية تروح
من بالي، قال لي خد بالك الموضوع محتاج إرادة أكبر
من كده لأنك ممكن تبقى بتعمل ده عشان حبيبتك ديه
تحدي ليك مش عارف تطولها إلا بالجواز، وهي شارطة
إنك تتعالج من الإدمان فيبقى أول ما تتجوزها خلاص
حققت الي إنت عاوزة وترجع للإدمان.. أنا ما رجعتش
للإدمان لما اتجوزتها، أنا بس ما عرفتش أكون إنسان، أو
ما عرفتش بمعنى أصح أشوف حد غيري في الحياة، أبويا
علمني إني أنا ربكم الأعلى والعاذ بالله، إن أنا وأنا مش
مهم التانيين، تعرفي يا دكتورة يوم عيد الأم إخواقي البنات
كانوا بيعملوا عيد كده أو حفلة لماما، أول مرة كنت فعلا
عاوز أجيب لها هدية وحاولوا يشاركوني معاهم، أبويا
مسك أختي الكبيرة وقال لها إن دي حاجات بنات، هو

لما يجيب يجيب لو حده، جبت لو حدي الي هي بابا الي اشتراها طبعًا، وأكد كانت أحسن من بتاعتهم كلهم في التمن على الأقل، السنة الي بعدها بابا سألني عاوز تجيب حاجة لماما، قلت لأبقى وخالوا هيجي وخالو ووجع دماغ، لأن أمي كانت كبيرة إخوانها، أبويا من يومها منع الاحتفال بعيد الأم عشان أنا ما أزهقش، وبقي إخواني يجيبوا في السر، وأنا جبلة أقسم بالله، ولاااا حتى مجرد تفكير في حاجة، معايا حصانة وحماية وعشر دبابير ونسر.. ما اتعلمتش أكون إنسان، كل ما مراقي الي باحبها تقول لي على حاجة ليها أحس بحاجة غريبة، هو يعني إيه ليها؟! مش المفروض أنا الي أعوز، أنا الي أحس؟!!! مش كفاية بتخرج معايا في الأماكن الي باحبها؟!!! لما بتحب تتصور باجيب لها أحسن حد، باختار لها الأكل الي يبسطني وأكد يبسطها؟!!! مش هي داخله حياتي والمفروض تبقى جزء منها؟!!! بس مشيت، زهقت من إنها طول الوقت مش شايفة نفسها في الصورة، وأنا والله

العظيم مش عارف أشوف حد غيري، ما اتعلمتش، هاتوا أبويا يعيى ويمرض مكاني، قولوا له إن كندا مش هي الحل، الحل إني أتعلم من جديد يعني إيه بني آدم يعيش مع ناس تانية، ياخذ آه، بس يدي كمان، يتميز مرة، بس لازم التانيين يحسوا كمان إنهم مميزين .. آآآه يا دكتورة!! يا ريته قال لي مرة أختك واللا مشاعرها، يا ريته قال لأ على حاجة، يا ريته إداني فرصة أخلي الناس تقرب مني بمجهود مش كله خوفًا من زعله، أو عشان أنا ولد وكسرة الولد مش عارف تعمل إيه..».

ده نموذج من نماذج منها اللي كبر ومش عارف يكون أصحاب، ومنهم اللي فشل في الزواج، منهم اللي خلاه تمييز إخواته عليه مش عارف يستقر نفسيًا، ومنهم اللي عاش يكره أخوه لغاية ما مات وجه يقول رغم إني عارف إنه مالوش ذنب بس وقفت في الجامع مش عارف أصلي عليه، وقفت أخرس في الصلاة والناس فكرتني مذهول من موته، وأنا واقف مش عارف أكبر وأنا عارف إن

مالوش ذنب وإن أُمي هي الي كانت بتميزه عشان كانت
فاكرة إنها هتموت وتسييه عشان هو الصغير، وسبحان
الله مات هو وهي موجودة!!!

ستقول الأمهات.. ولكن هناك حالات فعلا تستدعي
مزيدا من الاهتمام كالطفل المصاب بمرض أو إعاقة، أو
ذلك الذي يعبر بحنان عن مشاعره، أو ذلك الذي لا
يملك الكثير من المهارات أو مَنْ يُعرف بقليل الحيلة..

والإجابة.. نعم.. أفهم أن هناك حالات تستدعي
مزيداً من الاهتمام ولكن تحقيق ذلك بشكل أكثر صحة
يحتاج إلى النقاط التالية:

– اجعلي الابن ذا المشكلة أو الممرض مسؤولية الجميع
وأكدي لإخوته أن كل شخص مميز بشئ معين يمكن
أن يعطيه له.

– لا تنسي التعبير للآخرين كل واحد منهم بالطريقة التي
يجبها .

- اجعلي لابنك المريض أو الذي يعاني مشكلة ما طريقة أو حاجة ما يستطيع تقديمها لهم.
- تباهي أمام الآخرين باهتمامهم هم بأخيهم وأنهم مَنْ يذكرونك بواجباتك نحوه.
- لا مانع من أن تكتبي مذكرات يمكنهم رؤيتها، فيها مواقف جميلة لكل شخص فيهم تجاه أخيهم المريض أو صاحب المشكلة، وشعورك نحو ذلك، ولا مانع بذكر بعضها في المدرسة ليُكرم عليها أو في عيد ميلاده.
- لا تهمل أحداثهم الهامة، فلا مانع من تبادل الأدوار بينك وبين أختك أو صديقتك أو زوجك يذهب مع مَنْ تصاحبه باستمرار وتذهبين أنتِ الأحداث المهمة مع الآخرين.



المبالغة في تخويفه من بعض الموضوعات

هناك نوع من أنواع الأسر نفعله مع أبنائنا ونحن لا نفهم، والذي فيه نُحول أبنائنا إلى «أسرى» لنا ولعالمنا، وذلك حينما نقوم بتخويفهم بصورة مبالغة من أي شيء في الحياة، فإما أن ننقل لهم مخاوفنا أو نخيفهم من التعرض لهذا الخطر في حالة عدم وجودنا.

فحينما تراجع مخاوف بعض الكبار تجد أن أساسها كان غرسًا في الطفولة قام به أحد الوالدين لسابق خبرة سيئة به أو لحرصه المبالغ فيه على ابنه.

الغريب في الأمر أن هذا التخويف لا يحمي الطفل كما يعتقد الآباء بل هو وبكل أسف يزيد من قيوده، يُحمل قلبه مزيداً من القلق الذي لا يجد له مبرراً عقلياً سوى خبرة الوالدين.

فليس غريباً أن تجد شخصاً يخاف بشكل مبالغ فيه من الأشخاص ذوي البشرة السمراء على الرغم من عدم تعرضه لموقف سلبي منهم، أو من المسلمين أو من المسيحيين، أو من الظلام، من المطر، من دخول الصحاب البيت، من السر للصحاب، من أبناء الريف أو الحضر....

عدد المخاوف كما تشاء ستجد أنك قابلت واحداً أو أكثر في حياتك يخاف من أشياء معينة، إما دون أن يحدث له موقف أصلاً معها، أو يخاف من أشياء بصورة مبالغه أكثر مما تستحق، كالسير في المطر مثلاً، أو إيداع أسرارهِ عند الصحاب، وهي أمور يجب طبعاً التعامل معها بحذر لكن ليس بدرجة الخوف المرضية التي نراها.

ولكن .. لماذا ربطت بين «الأُسْر» وبين التخويف المبالغ فيه؟! ولماذا من التوضيح أذكرك بأن بعض الآباء هم مَنْ يرتبطون بأولادهم ارتباطاً مرضياً، ويتكون لديهم خوف شديد من ابتعادهم عنهم لأي سبب، ولذلك فهم غالباً ما يجعلون أبناءهم شديدي الخوف من الكثير من الأشياء حولهم، وكأنهم في غيابهم أو بعيداً عما وضعوه لهم سوف يتعرضون لخطر.

جاءت تشكو سوء علاقتها بزميلات العمل، وحينما راجعنا معها تطور علاقاتها بالآخرين قالت «دائماً ما عنديش صاحبة قريبة، لأن البنات صحبتهم لازم تكون بالأسرار والكلام عن الخصوصيات، ودي بالذات حاجات تخوف قوي من وأنا صغيرة وماما منبهاني ليها، والحقيقة باشوف كلامها صح، صحوية البنات عن قرب بتجيب مشاكل، صاحبك ممكن تغير منك، تخطف فرصة تجيلك، تخطف جوزك، فدايماً لازم تكوني على الحدود، بس المشكلة دي الوقت إن الكلام بقى يزيد من البنات

في الشغل عن إني مش باحب حد ومش باصاحب حد،
(برأوية) يعني، رغم إني والله مش بأذي حد فيهم، بس
مش باقدر كل ما آجي أقرب ألاقى نفسي مرعوبة، كل
صحابي ولاد، وبردو مش باكلهم في خصوصيات، بس
أهو آمن شوية...».

حينما راجعت حياتها وجدت خوفا حقيقيا من البنات
وصل إلى إخفاء معلومات عني رغم إنها توجهت لي من
خلال أحد أصدقائها الشباب، لكنها حينما اضطربت
نتيجة لتداخل بعض كذباتها نظرت لي من أسفل نظارتها
قائلة «أصل البنت أو الست ما تنضمنش لو كانت
دكتورة حتى، ده تفكيري .. دي دماغي، يعني لو إنتِ
ما اكتشفتيش الحاجة أنا مش هاقولها لك، أنا قلت الي
فلان عارفه - صديقها الذي جاء بها - الي هو مشاكي
مع البنات في الشغل، لكن الي جوه جوه إنتِ وشطارتك
ولو عرفتيه ما تقوليش إنك عرفتيه لأنني هاسيبك وأمشي،
أنا جاية عايضة حاجة تريجنني من وجع الدماغ، بنات

يعني سوس، أعمل إيه بقى حركات نفسية كده تخليني
أعمل صاحبتهم وأنا مش صاحبتهم؟!».

الحالة دي تحديدًا من الحالات التي أخذت مجهودا
كبيراً لتفهم أن الأمر ليس بهذه السطحية التي تعلمتها ولم
تفرزها أو تحاول وضعها موضع اختبار، لم تضع معاييرها
الخاصة التي تجعلها مطمئن، عاشت وحيدة تقمع كل ما
يريد أن يخرج منها خوفاً من خروج أسرارها، بلغت من
العمر ما بلغت ولم تتمكن من أن تقول هذه صديقتي ولا
حتى هذا صديقي، بل ولا هذا زوجي.

الخوف من الناس كان أعمق من فكرة إن «البنات
سوس» والموضوع طلع إن الناس بتتذل لوليها سر
عند حد، حتى لو كان السر إنها عملت الزايدة عشان
ما حدش يعرف إن فيه علامة في جسمها لما ييجي يلبسها
مصيبة - على حد قولها - يقول علامة في جسمها؟!!!
بتتحرك بحقيبتها خوفاً من أن تأخذ زميلة لها بطاقةها دون

أن تدري وتصنع بها مصيبة ثم تضعها لها في اليوم التالي، فتدخل الحمام بحقيبتها تحت أي تبرير، هاعدل مكياجتي، هامسحها جوه في الحمام .. أي مبرر يسمح لها بتلك الأمور التي تعد غريبة للآخرين.

المخاوف التي يضعها الأهل لأولادهم تشل حركتهم، تجعلهم دومًا في حالة خوف غير عادي، والمصيبة بالطبع أكبر حينما يكون ما يخافون منه أمرًا لا يمكن السيطرة عليه، كالخوف من الجن والحسد، ففي كتاب سابق لي تناولت المرأة التي تخيف أولادها من أهل أبيهم لأنهم يجسدونهم، ولسوء حظهم هم يقيمون معهم في منزل واحد ثم انتقلت بهم لكن مازالوا في شارع واحد، ثم في نفس المنطقة لأجل المدارس وعمل الأب، ووصلت بهن الدرجة إلى أنهن يخفن من حسد بعضهن لبعض، أقسم لك إنني علمت أنهن يخرجن من الحمام بعد الاستحمام وقد غطت كل واحدة منهن شعرها وجسدها تمامًا خوفًا من أن تراها أختها أو أمها أو أبيها، وهذا بالنسبة للابنتين

الصغيرتين فيما يبقى الأخريات الكبار لا يخشون إلا حسد
أهل الأب دون بقية الأهل!!!

احذروا التخويف المبالغ، احذروا تقييد نفوس أبنائكم
من أن تنطلق في الحياة وتجرب وتعرف، تقع ثم تقف،
تتعب ثم ترتاح.



مخاربة إقامة الطفل لعالم خاص به

لنفس أسباب النقطة السابقة من وجود ارتباط يكاد يكون مرضياً بين أحد الآباء وطفلهم، أو فرضهم للحماية زائدة على الطفل خوفاً عليه بصورة مبالغه، تجدهم يقاومون انفصاله بعالم يخصه، يقاومون ذلك بشتى الطرق التي تبدأ من التدخل في انتقاء الأصحاب، إلى تخوين هؤلاء الأصحاب أو تشويهم في حال ارتباط الطفل بهم، إلى محاولة توصيل فكرة للابن أنهم كأب وأم كافيين له من دون غيرهم!!!

ويبدأ ذلك من مراحل باكراً، ويحدث في كثير من الأحيان من آباء وأمّهات مثقفين لكنهم يسلكون ذلك بطريقة غير واعية، فيبدأون في تلقين الابن بعض المشاعر

نحو أصحابه الصغار، من أمثال أنه يضحك عليه ليأخذ أشياءه، أو أنه يغار منه، أو أنه لا يدافع عنه، أو أنه يذاكر ولا يعطيه، وصولاً إلى أنواع مختلفة من الاتهامات تتناسب مع العمر الذي يمر به الابن.

ونتيجة لذلك لا يستطيع الطفل تكوين مهارات التعامل مع الأقران، ويزيد ارتباطه بالبيت وأفراد الأسرة على حساب نموه الاجتماعي الأشمل، وتدرج العلاقات، وتنوعها، وهو ما يجعل استقلاله أمراً شبه مستحيل، هؤلاء الأشخاص يصبحون أكثر حساسية للنقد، متخلفين اجتماعياً عن أقرانهم لأنهم لا يمارسون الحياة معهم، يكبرون على أشياء كان يجب أن يعيشوها لأن الأب أو الأم هو مَنْ أصبح الزميل والرفيق دون غيره ممن هم في أعمارهم.

جميل أن نكون قريبين من أطفالنا، نصادقهم ونعيش معهم تفاصيلهم، لكن ليس جميلاً على الإطلاق أن نكون بديلاً عن حياتهم الاجتماعية بأكملها، بديلاً عما هم في

أعمارهم يعيشون طقوسهم الاجتماعية، ويتشاركون الحلم الذي من المؤكد أنه سيختلف شكلاً أو مضموناً أو كليهما عن حلمك كأب أو أم.

اسمحوا لأبنائكم أن يشكلوا عالمهم الخاص، وأن يكونوا مع الجيل الذي يتمنون له، علموهم أن لكل علاقة أهميتها، فمن يصفهم البعض أنهم «ابن أمه أو بنت أبوها» بصورة تحمل السب أو النقيصة هم أشخاص عاشوا داخل ذويهم أو حاول ذويهم أن يعيشوا فيهم دون غيرهم فلم يستطيعوا الانفصال وتكوين ذات مستقلة تتحدث لغة عصرهم كلاماً، وفكراً، وسلوكاً.

ورفض الأهل لأن يكون ابنهم حياته الخاصة أو عالمه الخاص لا يتعلق فقط بعدم السماح له بإيجاد صحبة، بل يأخذ أشكالا أخرى كأن يأخذوا القرارات بدلاً منه، لا يتركوا له فرصة لاختيار ملامح عالمه الخاص في أي من مفرداته ومكوناته.

قالت «أنا جوزي زي الفل يعني فلة شمعة منورة، مفيهوش أي حاجة تتعيب، بس لما سألتيني دلوقتي يا دكتورة عن حياتي الزوجية كل الي أقدر أقوله إن جوزي العظيم ده عيبه الوحيد إنني ما أختارتهوش، أو اخترت الهروب بيه ما تعرفيش.. تعرفي يا دكتورة أنا يوم ما نزلت أنا وهو نشري الستائر الي أنا طبعًا كنت متفقة معاه إن هو يعمل نفسه مقرر إننا نفرش شقتنا بنفسنا ويفهم ماما إنه عامل كده عشان أمه هو ما تنزلش، وأنا طبعًا قاصده إن مامتي أنا الي ما تنزلش معايا، يوم الستائر بقيت داخلية في ضحك هستيري والدنيا كلها اتفرجت علي، تصوري واحدة عندها ٢٦ سنة أول مرة أختار ستارة لأن حتى ستارة أوضتي كانت ماما الي بتختارها، فأنا بقي نازلة أختار ستائر بيتي، سيبك من كلمة ستائر خليك في كلمة بيتي وإتكي قوي على بيتي ديه.. أنا الي عمري ما كان لي رأي في حاجة، ولو الست الي بتنصف جت وماما في عزا واللا حاجة وقلت

لها تغير حاجة في أوضتي ماما تبهدل بكرامتها وكرامتي الأرض، إن كده الأوضة صغرت، أو إن الشباك هيعدم السرير لو جه تحته، أي ابن عبد السلام معناه إن كلامي غلط وإزاي أنا كواحدة تافهة أختار حاجة في أوضتي، أو حتى أقول على حاجة أنا عاوزه أعملها، لغاية ما كبرت.. «إنت هنا «ضيقة» ما تقوليش حاجة خالص» تقريباً أنا التجوزت وجوزي أول واحد خبط على بابي عشان أعمل حياة.. قلبتي علي المواجه يا دكتورة أنا بقيت كل ما ماما تيجي تزورني وتقول على حاجة مكانها كده حلواني زيارة تيجي تلاقيها في حنة تانية .. طب خدي الكبيرة يا دكتورة ما أنا يعني جاية عند دكتورة عشان نقول كل الأسرار بقى، في الصباحية قبل ما ماما تيجي لي البيت قمت وأنا مش قادرة أتحرك من تعب الفرح والرقص وخلافه طلعت مفرش سفرة كنت جايها مخصص عشان أفاجئها بيه كده قدام خالاتي وولاد خالاتي الي جايين معاها، المفروش أخضر في فوشيا، تخيلي إني كان

نفسى أجيب حاجة كده من وأنا في ثانوي يا مؤمنة
وردت علي زي جولفدان هانم كده وقالت لي: يا ماما
دي ألوان فلاحين ... طيب يا ماما نفسى، أصله موضه،
طب عايزة.. نفس وش جولفدان مش بيتغير، وعينك ما
تشوف إلا النور أنا سفرقي ٨ كراسي عشان عيلة جوزي
ما شاء الله، فإنت متخيلة بقى مفرش أخضر في فوشيا
اللي هو فلاحين على المساحة دي كلها؟! جوزي بقى
يقول لي إنت بتغيري إيه، ده وقته؟ وهو مش عارف إني
لأول مرة باحط حاجة شبهي في وش أمي، خبيتها طول
ما هم بيفرشوا عشان ما تشوفهوش وخليت بنت عمي
تطلعها وتخفي بيه الأرض، لما قلت لي وعلاقتك بجوزك
عاملة إيه، ماعرفتش أرد يا دكتورة أنا متجوزاه بقى لي
ست سنين، مش شايفاه تقريباً، شايفة كل حاجة كان
نفسى فيها، محرمة على أمي تفتح بقها في تربية «فلانة»
بتي رغم إن كان نفسى تساعدني بس خلاااص خدت
فرصتها في الحياة وفرصتي كمان..».

لازم نسمح لأولادنا إنهم يعملوا عالمهم بما يناسبهم،
ببعض النصائح منا لكن ليس بمواصفاتنا نحن، وتنفيذنا
نحن، وتعبيراً عن ذوقنا نحن.



القسوة في وضع قواعد حياته

لم أرد أن أضع العنوان في صياغة «الصرامة» في وضع القواعد وإخترت «القسوة» لأنها أكثر تعبيراً عن الوضع المعقد الذي أتحدث عنه، الوضع الذي فيه أحد الوالدين يعشق جمود الجدول الذي يضعه، وتنفيذ تفاصيله بحذافيرها، أكثر من مفهوم «آدمية» طفله، قابليته الآن، قدراته الحالية، رغبته النفسية، ظروفه الفسيولوجية أو الاجتماعية... إلى آخر ذلك من الأمر التي تجعلنا نغير قواعد، أو نعدل من طريقة تنفيذها، نضع لها بعض المرونة، أو حتى نهدها لأن طرأت أموراً أهم.

والمبرر الذي تشيعه الشخصيات التي تشبث بهذا الموقف هو أن الطفل إن لم يتعود على النظام، وإن لم يشعر

إنك لن تتنازلي عن أي شيء فيما تفرضه سيعيش في فوضى، ويظل يفسح لنفسه المجال حتى ينهار كل النظام. والحقيقة إنني أقر وأعترف بما تعتقده الأمهات، ولا يمكن لإثبات وجهة نظري في خطورة الصرامة أو القسوة أن أجافي العلم، وأخرج عن قواعده المدروسة من أن فعلاً حين لا يكون هناك جدية في تطبيق النظام فإن كل الخروقات قد تدخل للحياة بالتدريج.

لكن .. أنا هنا أتحدث عن الأمور التي أمامها تنهدم كل القواعد، أتحدث هنا عن فقه الأولويات الذي يجب أن يدخل مخ كل بني آدم، يجب أن يجعل حياته تعمل تبعاً له، فهناك أشياء تقل أو تزيد أهميتها وفقاً لموقعها الآن، وليس لقيمتها في ذاتها.

فالجداول مهمة جداً لكنها تسقط أمام مرض ابنك، أو مروره بخبرة صادمة، أو وجود ظرف إجتماعي استثنائي أثر عليه وعلى قدراته على تنفيذ ما وضعته.

جاءتني مع أمها وهي تعيد عامها الدراسي للمرة الثانية ولا ترغب في العودة للمدرسة، وهو ما سبب عداً بينهما وبين أمها على حد تعبير الأم «ما يقتش طيقاها حساها مستسلمة كده، مفيش إرادة عشان تكمل وتضغط على نفسها، مش شايقة إن حلو إنها في السن ده تروح لدكتور نفسي واتنين وتلاتة بدل ما تبقى بتستعد للجامعة بلبس وشعر ونظام غذائي...» .

قابلت البنت وعلمت أن أعراضها تتمثل في «نوبة هلع» مفاجئة تأتيها وتجري على المستشفى لأنها- كما يُخيل لها- ستموت الآن، وتشعر بخفقان في القلب وارتعاش وتلجج في أطرافها وغير ذلك من الأعراض المُشخصة للمرض.

سألتها عن أولى مرات وقوعها في هذه النوبات فقالت «الأول بدأت بالترجيع ونفسي مش مضبوط بس، لما زي ما قولتلك من شوية كان مطلوب مني أروح المدرسة مهما كانت حالتي، وأنا مش قادرة خلاص أشوف البنات، وماما الأول ما كانتش عارفة ولما عرفت بعد

شهرين وشوية وقالت مش كلام زي ده اللي يجيلك عقدة هاتروحي المدرسة يعني هاتروحي، بدأت الأعراض تزيد، رحت لدكتور قال إن ديه نوبات قلق، فضلت ماما تصر وأروح أقعد في أوضة الخصائية الإجتماعية وأخذ الواجبات عن طريقها، بس لما أجي داخله امتحن الأعراض تزيد، وبعدين رحت لدكتورة بقى قالت إن الحالة نوبة هلع مش قلق، وقالت إن الموضوع زاد عشان ما اتعالجش، وماما كانت بتقول اللي يروح لحد نفسي يبقى إرادته خاية، لغاية لما بقيت بفتح الباب وأجري على المستشفى الساعة ٣ صباحًا، بابا قال تتعالج أو نطلق هو وماما يعني، فماما جابتني بقى ووافقت إني أعمل جلسات علاج نفسي!!!».

البت كانت تعرضت لسخرية من معلم في المدرسة، كانت قد وضعت تقويم لأسنانها- وهي بطبيعتها شخصية خجولة- فسألها ساخرًا أمام زميلاتنا: وده حديد عز ولا ألومنيوم قبنوري؟! ثم زاد السخرية منها بعد

جزء آخر من الحصة، حتى بكت وخرجت خارج الفصل الدراسي، ولم تستطع العودة بعدها.. (قريباً إن شاء الله سنصدر مؤلفاً عن تأثير المعلم على البشر عبر مراحلهم التعليمية المختلفة).

الأم لم تستطع أن توقف ابنتها عن الدراسة أبداً رغم ما هي فيه، لم تتوقف حتى لفترة لتمنحها قوة تساعدتها على العودة، فليس المطلوب عدم ذهابها للمدرسة، ولكن مساعدتها على التعامل مع الموقف، تذكيرها بركائز حياتها المدرسية من صحة، وتميز دراسي، وحماية يجب أن تحصل عليها من إدارة المدرسة.

علمت من البنت أن الأخصائية الإجتماعية طلبت من الأم أن تتدخل هي وتعيد البنت إلى الصف الدراسي بطريقة مهنية، لكن الأم قالت إن لها طريقاً تتبعه في حياتها، ومنهجية خاصة بها يسير أولادها عليها، وهي تقوم على أن تسير الحياة كما هي مهما كانت الظروف دون تغيير أي شيء، وإلا ستجعلنا الحياة نغير طريقتنا تبعاً لكل موقف فيها!!!

سألت الأم عن شعورها بابتها وأن مرحلة المراهقة لها حساسيتها، وخصوصاً مرحلة الثانوي لدى البنات والأولاد، وشكلهم في المدرسة فقالت «أيوسه مش فاهمة إيه المطلوب، أسيب الحبل كده يتمرجحوا ييه؟! أنا ست متعلمة، وقضيت حياتي كلها بصورة منتظمة، والحمد لله مشهود ليا في شغلي، وفي أهلي وأهل جوزي، أخت جوزي وهي بتتخانق مع ولادها بتقول لهم شوفوا طنط طول عمرها لو إنت رايح لها الساعة كذا هتلاقيها بتعمل كذا.. يبقى هي هاتغير لي طريق حياتي كله؟! وبعدين المدرسة فيها مشكلة، التمارين مالها؟! التحفيظ مالها؟! دروس الإتيكيت الي أنا مرتبها بالعافية مالها؟! مواعيد النظافة الشخصية بتاعتها مالها؟! موقف زي ده يخلي النظام ده كله يختل؟! ده مفيش دولة بتقف على موت زعيم ولا رئيس، أمريكا لما بيحصل تبادل للرؤساء البورصة بتنزل؟! الأفلام الأمريكية بيقف توزيعها؟! العلاقات بالدول الثانية بتتأثر؟! الطيران بيحصل فيه حاجة ..».

ظلت الأم دون توقف تعطيني أمثلة لتقول أن في كل الظروف تسير الحياة، وأنها مع وفاة خالتها التي كانت تربيتها أكثر من أمها جاءت من الدفن وطهت الأكل الذي سبق وحضرته من قبلها ومشى اليوم بشكل عادي، وعادت للعزاء بعد نوم الأولاد!!!

لم تستطع الأم في الجلسة الأولى أن تسمع أي شيء عن «نظام الروح» أو «البعد النفسي» للحياة، لم تستمع إلى مفهوم الخطة البديلة والاستثناء، لم تدعني أقول لها عن «روح البنات»، عن إن بعض التغيير في جداول الحياة في مواقف معينة للأبناء قد يبنى فيهم أكثر من كل الكورسات والتدريبات واللقاءات التي وضعتها هي أو غيرها من الأمهات والآباء لأبناءهم.

شعور الإنسان بأن بعض مواقفه أهم عند القائمين على أمره من نظام يحترمونه، أو شكل قرروا أن يعيشوا به الحياة، جميعها أمور تركز في الشعور بالقيمة، تعلمه أن الحياة مرنة، وأن الإنسان يضع القوانين والأنظمة لتساعده

على حياة أكثر فاعلية مش حبل يُلف حول رقبتة ليخنقه،
يعدم فيه الإنسانية، وينسى الأمور التي تحل به رغماً عنه.

جميل أن نضع قوانين تنظم حياة أولادنا، نظام يقلل
الهادر من حياتهم، لكن لا بد أن يكون نظاماً من لحم ودم،
نظام يحترم قواعد الإنسانية التي هي أولى أن تحترم، يحترم
ويقدر ما يضعه رب العالمين للإنسان من استثناء في السفر
والمرض وعدم القدرة، فليتخيل كل أب أن الصلاة- التي
هي عماد الدين- فيها جمع وقصر، فيها صلاة قعوداً،
وبالرأس بل بالعين، فيها وضوءاً، وتيمماً، وفيها كل ما لا
يمنع العبد عن إقامتها لأنه محاسب عليها، لكن أداءها
فيه كل السعة، كل الرحمة، فيه إحترام وتقدير لظروف
الإنسان كافة، فإن أردتي أن تعرفي كيف يكون النظام مهماً
ولا يقع، فراجعِي دستور رب العالمين في الصلاة والتعامل
معها، ولعلك تعرفي أنه ليس أهم منها، ولا أفضل قيمة.



ضحينة الوالد لنفسه

الوالد سواء كان الأب أو الأم هو بالنسبة للابن بمثابة السند والركن الذي يركن له ويستند عليه مما قد يراه كبيراً عليه، أو أعلى من قدرته على التعامل معه.

فمن أهالينا نأخذ القوة، نستمد حياتنا من روحهم، وكلما ظهرت لنا هذه الروح قوية، قادرة على التعامل مع مفردات الحياة شعرنا بالقوة، وكلما ضعفت ضعفنا.

وتبقى الإشكالية هنا أن ما نستمد في طفولتنا يبقى علامة مميزة لحياتنا اللاحقة، يرسم ملامح شخصيتنا.

وللأسف بعض الأهالي ينزعون إلى المبالغة في رسم صورة الضحية لنفسه أمام ابنه، في محاولة منه لأخذ المزيد من الحب، أو الشعور به، أو حتى الاعتماد عليه

كسند حين التعرض لمشكلة مع أحد المحيطين به.

وإن كان هذا يحدث بالفعل، ويرتمي الطفل في أحضان الوالد الضحية، أباً أو أمّاً، لكن الأثر السلبي لذلك أنه يتحول إلى ضحية هو الآخر، يعيش في الحالة حتى لو لم تكن ظروفه نفس ظروف الوالد الضحية، ويستمر ذلك لسنوات، تراه في الحياة منكسراً وكأنه هو مَنْ عاش هذه الحالة!!!

وفي أحيان أخرى، يرفض الابن هذا الدور - دور الضحية المنقول له من الوالد - ويحاول أن يتبادل هذا الدور ويأخذ دور «المعتدي» وللأسف يبدأ ممارسة هذا الدور مع الوالد الضحية نفسه، فيجعله ضحية له أيضاً، فتجد شكوى من الأم أو الأب الضحية، من أن حتى ابنهم/ بنتهم، يتعامل معهم بنفس قسوة الآخرين الذين يعتبر نفسه ضحية لهم!!

وهنا يتبادر سريعاً إلى ذهن الوالد أن الطفل طالع لأبوه أو لأمه، لأنه يمارس نحو هذا الوالد ما يمارسه الوالد الآخر، ولا نفهم أننا مَنْ أعطيناه ضوءاً بأننا «ضحية»

نتعايش مع الجلال ولا نصنع نحوه أي شئ سوى
التلقي!!!

إذن في كل الأحوال، وأيا كان الدور الذي سيفضله
طفلك، نحن في النهاية خاسرون.

أما طفلك فهو خاسر على مدار حياته، لأن الإنسان
كما ذكرت لك يتشرب المناخ الذي نشأ فيه.

جاء يشكو من زوجته التي تدخل في نوبة حزن ليس
لها معنى أو على الأقل هي أزيد كثيرًا من تلك التي
تتناسب مع الموقف، وذلك عند معظم البشر حوله، وحين
يُحلل بعض مناقشاتهما يجد أمورًا تتحدث فيها لا تحدث في
حياتهم من الأساس، وأثناء مراجعته لذلك واضطرارهم
إلى التواجد مع أهل زوجته لفترة نتيجة لإصابة والدتها
بجلطة، مر لأول مرة بأحاديث مطولة مع حماته عن
حماه وحياتها معه، والتي كان يضطر لمجالستها نتيجة
لانشغال زوجته في منزل أسرتها بأعمال النظافة، وتجهيز
الطعام للوالدة المريضة، ونتيجة لهذه القعدات المطولة

التي لم تحدث أثناء فترة الخطوبة التي استمرت لشهرين فقط نتيجة لجاهزية الأسترتين ماديًا توصل لبعض الأمور التي قال عنها ضمن ما قال « من قعدتي مع طنط فهمت إن مراقي بتشوف في آنكل، الي هو فيه حاجات كثير أقسم بالله لا هي أنا ولا طريقتي، بس بالاقى مراقي بتكلم فيها وكأنها أنا!!! بس مش ده الغريب والله يا دكتورة، كان الأغرب بالنسبة لي إن في مواقف مراقي كانت صغيرة عليها، ومواقف كانت في المنحة الي جت لها بعد الثانوي، يعني الكلام منقول لها عن طريق الحكى من أمها، وعذرًا يعني منقول بمبالغة المرأة، تحسي إن المواقف مضروبة في عشرة، مش هابالغ أنا كمان وأقول لك في مية، حماقي ست طيبة جدًا لكن مبالغة خصوصًا في الشعور الدائم بأن حد هيجي عليها، أو إن الناس مستهدفة تخبط فيها، عارفة الجو بتاع الفيسبوك وما فيش صاحب يتصاحب، وما فيش حد يشيل لحد جميل؟! حماقي عايشاه بشكل مُريع، والله يا دكتورة المواقف

بتحكي ليك كأنك بتنضربي بسكينة، وهي مريضة ربنا يعافيهها يعني هي خفت الحمد لله وإحنا رجعنا بيتنا الي هو ورا الشارع بتاعها، تلاقيني كنت باطلع من القعدة معاها أقول لمراتي بضحك كده، عارف إني هيتكد علي وأدفع تمنه بعد كده بس كنت باقوله، كنت باقول لها أنا باطلع من القاعدة مع طنط نفسي أنكل يطلع عايش وأموته تاني!!!، بس الحقيقة عذرت مراتي، رغم غيظي منها، واحدة أمها كده مع احترامامي لها يعني، تفتكري مش لازم تطلع متوقعة الشر من كل حاجة؟! عدم التقدير من كل حد؟! إن ده هيدوس عليها؟! دلوقتي أنا زي ما قلت لك جاي عشان أساعدها إزاي؟! أقصد مراتي طبعاً لأن حماي محتاجة رابطة الجراحين النفسيين يخلصوها من اللي شايلاه، أو يفهموها إن كتير من اللي بتحكيه مواقف عادية بس هي حطتها جنب بعضها!!!»

لخص الرجل الأزمة التي تحدث حينما ينقل أحد الوالدين أزماته، أو المواقف التي كان فيه ضحية، سواء

بشكل فعلي، أو نتيجة لتكوينه الذي يميل إلى العيش في دور الضحية.

ربما لأهمية هذا البعد وتأثيره على الأطفال خلال حياتهم، دعني أضع لك مثالاً آخر على النوع الثاني من تأثر الطفل بأحد والديه الذي يبالغ في دور الضحية، والذي يأخذ فيه اللابن الموقف المعاكس، فبدلاً ما يعيش في الحياة بمنهج الضحية يتحول إلى جلاد، معتدي، وأول مَنْ يمارس عليه هذا الدور هو الوالد الضحية نفسه!!

جاءت تشكو من ابنها الذي وهبته المصنع الذي ورثته من والدها، وهو مصنع صغير يتكون من ٨ عمال، وإثنين من الموظفين، ويقوم على مهنة ورثتها الأم من الأب والأم، أي أجداده، وتعتبر الأم نفسها شقيت على تربيته هو وأخته، حين طلقها زوجها وأخته لازلت في طور الرضاعة، روت الأم ما عانتها، وما تعمدت أن تحكيه لابنها الذي اعتبرته السند والحامي لها، خاصة أن لها أخت متزوجة في إحدى المحافظات البعيدة من رجل

كان يورد لمصنع والدها بعض الخامات، وبالتالي كانت هي الموجودة مع الوالدين، والمتحملة لكل شيء، كانت تروي له ما فعله زوجها- أبو ابنها- معها، وما عانته من العائلة التي يطمع فيها كل شخص لأنهم يعتقدون أنها «ناهبة» أبوها على حد تعبيرها، كانت تروي له حجم معاناتها بوالدين كبار أختها لا تسأل عنهم لأنها أنجبت أربع أطفال وأهل زوجها يحتاجون خدمة، تحكي له كل علامات ميل الدنيا عليها، تقول السيدة «كنت معتبراه سندي يا دكتورة، بحكي له كل موقف، كل حاجة مرت بيا، بقول له المزار الي شفته، وكسرة الظهر، وأد إيه طاطيت للحياة، للناس، أد إيه كل الي في نفسه كلمتين مضايقيه يبجي يرميهم عندي، طمع الناس الي حوالي، وهو صغير كان يقول لي سبيني اضربهم يا ماما، كان لسه يا حبيبي ست سنين ولا حاجة، ولما كبر شوية تسع عشرة كده كان يعيط ويقول لي بتسكتي ليه، كنت أقول له هاعمل إيه يا حبيبي، وكان في ناس يدخل وما

يسلمش عليهم، وأنا أهديه وأقول له أنا عايزاك إنت
لما تكبر تعززني بقى، وتعوضني، بس سبحان الله ياااا
دكتورة، الناس الي كان ييلوم عليهم، بقى عامل زيه،
بقيت أقوله يا ابني أنا مش ناقصة وجع، بقى عنده ١٩
سنة، عشان كان بيساعدني في المصنع كان يطلع له مرتب،
يقولي فلوسي الي عندك وعاوز أخطب، قلت لمي إبنك
يا بت وخديه في حضنك واخطبي له، خطبت له من كام
شهر والخبط زاد فيّ، يا حبيبي في أصول، مافيش حاجة
حماتك تقولك هات ماما وتعالى، إحنا بيت من غير
راجل مش ضروري جوزها يكلمني هي تكلمني، قالي
كلمة كأنها خنجر يا دكتورة خنجر من خناجر أبوه زمان
الي اتحملته والآخر هو الي طلقني وأنا كنت ساكنة
وراضية، طلع العرق دساس، وأنا الي ما سمعت كلام
الناس، الواد الي حنيت ضهري عليه هو وأخته، يقول
لي قدام أمي، عادي استحملي يعني هي جت عليهم واللا
عليّ؟! اعتبريهم جوز خالتي الي مش بيقولك اتفضلي

لوجه مع خالتي وجايب لها ولعيالها عشا، ولا أبويا
الي كان بيسيك ويروح أفراح أهله عشان كنتي معاهم
ونسوا يقولوك البت جاي لها عريس، ما جاتش عليّ
يا أمه...»

بكت المرأة بشدة، وقالت «أمي بقى مسكتني وعينك
ما تشوف إلا النور، إنتي ريتي وحش في البيت،
وهياكلك يا «فلانة»، فضلتني تمليه لغاية ما كبر، وأول
ما هيجرب أسنانه هيجربها عليك يا بنتي، كرهتيه في كل
الناس، وخليته يستوطى حيطك-المقصود بها إنه يخفض
من شأنها فيخفض حائطها أي يدخل لها بسهولة هكذا
فهمت منها- فبقى سهل عليه يقولك اتحملي، ما الناس
كلها دايساكي بالمداس يا بنتي زي ما إنت بتقولي له...»

استكملت حديثها بعد بكاء لفترة «أمي تعبتني أكثر يا
دكتورة أنا مش ناقصة الكلام ده، أنا كنت خايفة أبوهم
يفوق ويقول أجى أخدهم، فكنت باخلي الواد يحس بي،
كنت باجي بالليل أعيط وإحنا واخدين أوضة في بيت

أبويافكنت بفضي مع ابني، يبقى آخرتها يوجعني زي أبوه كده، هو ده وراثة ولا أنا اللي قدري كده حتى زرعتي هاتطلع خاية يا دكتورة قولي لي ربنا يكرمك حاسة مخي هايتشل، هو صحيح في ناس اتخلقت بس عشان تتعذب في الدنيا، مصيبة لا البت راحره تطلع كده زي أبوها وزوي ولاد عمي، وزوي الناس اللي شوفتهم في الدنيا، أنا ما شوفتش حد حلويا دكتورة، حتى صاحبتني اللي جابتني عندك وده طبعًا كلام في شرك، تيجي تستلف مني فلوس وتسدد للناس كلها وأنا الآخر، فاكرين مصنع أبوياده بيطلع فلوس وهم كلهم عشرة اللي بيشغلوه، وإننت عارفة الحال...

ظلت المرأة تحكي على سواد كل شئ حولها، وأنها عانت من طوب الأرض كما يقولون، ولكنها لم تفهم أنها حولت نفسها إلى «شكل» يضعها فيه كل مَنْ يتعامل معها، لم تدع لابنها فرصة إلا أن يراها في هذا الإطار، لم تفهم أن الطفل يصيغ رؤيته لنا مما نرسمه له، لم تعرف

القاعدة التي نعلمها للمتدربين حين ندرهم على نظرة الآخرين لهم والتي أميل إلى صياغتها في «الناس بتغرف منك وتديلك»، فلو أنت وضعت نفسك موضع احترام ستجد ذلك، أكيد لن ينطبق الأمر على الجميع لأن هناك مَنْ لا يحترم أحد أصلاً، أو هذا الذي لم يتعلم كيف يميز بين الأشخاص، لكن هذه القاعدة ستحميك من ٩٠٪ من السخافات التي تلقاها من المحيطين إن لم تفهمها.

لذلك نقول للأهالي آباءً وأمّهات، احذروا «ضحينة» أنفسكم أمام أولادكم، وضحوا لهم حياتكم، وشاركوهم، لكن دون إفراط في ضحينة الذات.



الانفجارات الانفعالية مع الطفل

حالة تُضيق على الطفل كل حالات الإستقرار التي يمكن أن يصنعها لنفسه، تجعله دائماً في حالة من اللاتبات، واللا استقرار، تلك التي فيها أحد الوالدين يدخل في «نوبة إنفعالية» غير مبررة، أو انفجاراً ليس له سابق إنذار.

فيما تسير الأمور على نحو هادئ، أو معتاد يجد الطفل فجأة انفجار لا يعرف من أين أتى؟! ولا لماذا أتى؟! ولا متى سيقف؟! ولا حتى يعرف كيف يحمي نفسه منه في المرة القادمة إن مرت هذه الحالة على أي شكل.

فالإنسان يجاهد طيلة حياته مع الآخرين ومنذ أول يوم له على الأرض في فهم طريقة كل منهم، تحديد ما يغضبه، ما يقربه، ما يجعله يستجيب له، او يرفض طلبه.

فليس غريباً عليك أن تجد طفلك يطلب طلباً ما أمام جده الذي يعرف أنه سيجعلك تقبل كل طلباته، أو أمام زميل لك سوف تخجل منه، ومن هذه العلامات نفهم أن الطفل بدأ يفرز كل شخص، ويضع له «وصفة» تجعله ألد!!! لكن الحالة الانفعالية الحادة أو الانفجار الذي يصيب أحدهم لا يجعل الطفل يثق من قدرته على معرفة الآخرين، أو فهم مؤشرات ظهور الانفعال لأنه عادةً ما يحدث دون سابق إنذار.

الأطفال الذين يتعرضون لذلك في الحقيقة هم أطفال يعانون طيلة حياتهم من عدم الأمان، عدم الثقة في قدرتهم على فهم الآخرين وتوقع مآل تصرفاتهم أو مشاعرهم.

ورغم أنه ليس موضوعنا توصيف حالة الوالد الذي يدخل في نوباب انفجارية، لكن ربما مهم أن نشير إلى أنه حالة تميل إلى الهستيرية في السلوك والتوجه النفسي، حيث ينزع الوالد أمًا أو أبًا إلى المبالغة في أظهرار المشاعر التي تجد أهم ملاحظها الصراخ والبكاء الزائد، التمتمة بحديث

غير مفهوم، وربما تكسير بعض الأشياء وإطلاق السباب واللعان على كل شيء.

وقتها لا يدرك الوالد الذي يقوم بذلك كم الرعب الذي يتتاب الطفل، وهي الحالة التي لو عاش فيها عشرين عامًا أبدًا لن يعتادها، لأنه لا يعرف مؤثراتها، وفي كل مرة تفرض عليه حالة من الرعب، غياب القدرة على التوقع، التوحد مع حالة الوالد، الرغبة في ضمه والخوف منه في نفس الوقت، حتى يحل بعضهم هذا الصراع بإظهار اللامبالاة، التي لا تعبر عن شعوره الداخلي في الحقيقة، ولكنه يتصنعها ليداري حجم المفاجأة والرغبة في التمرد والرغبة في التخلص من هذه الحالة فورًا ولكنه طبعًا لا يعرف كيف يتم ذلك، أو متى.

قال «أنا قبل ما أجي لحضرتك حللت مشكلتي كويس جدًا، واشتغلت على نفسي بقالي ستين قبل ما أفكر في طلاق زوجتي، عارف إن سبب مشكلتي هي أمي، طبعًا أنا قلت لحضرتك هي ماتت قبل زواجي، لكن

اللي شوفته معاها مخليني مش ممكن أسمح إن الولدين يعيشوا فيه، وعشان أوضح لحضرتك لحسن يتبادر إلى ذهنك إنها كانت بتكهر بني مثلاً فطلعت راجل معقد أنا شايف إن قبل ما أحكي كثير عن زوجتي وبما إني بقولك درست الموضوع كويس خليني أحكيلك عن أمي في كام جملة كده.. هي ست متفانية في خدمة ولادها وجوزها، اللي هو أصلاً مش بيحس بحاجة ولا بحد خالص، بنك فلوس بمعنى الكلمة، كان نفسي قبل ما أمي تموت أقول لها آخر مرة عشتوا زوجين إمتى؟! لأنه كان بيرجع مش شايف قدامه، كله عشاننا، وهو مش واخذ حاجة، وبلا بلا بلا اللي كل الولاد عايشينها، مفيش مشكلة هو أصلاً ما أخذش حنان من أبوة عشان يديه، بلغتك يعني يا دكتورة وبالكلّيات اللي بتقولها في كتاباتك إزاي تنتظر الورد من قلب الصبار.. أمي كانت متتهى الحنان والطيبة، لكن إنتي دايماً معاها جوة جزيرة أصحابك يحسدوكي إنك عايشة جوة المية، منظر بديع، هدوء،

ماfish عادم سيارات، مfish جيران مزعجين، حاجة كده تشبه الجنة، لكن ماحدث يعرف إمتى البحر الي فيه الجزيرة الحلوة ديه هيقرب، وكل أوراق حياتك تتقطع.

ممكن أبقي متفق مع صحابي على حاجة وخلاص ماما اشتريت الحاجة، وعملنا كل التجهيزات، لكن يبجي الموج، فكل حاجة تنهار، تسونامي، الي فيه الصراخ والخبط والرزق، الي فيه كنت بابقى شحط بس واقف مش عارف أعمل حاجة، كنت مش ببقى عارف أمسك رقبته وأقول لها كفاية حرام عليك، ولا أخدها في حضني عشان عارف إنها غلبانة ويمكن زي النحلة محدش حاسس بيها، بس الحقيقة عمري ما كنت ببقى قادر أتأقلم مع ده، حتى فكرة الجواز يمكن والله ماكنتش عاوزها غير بعد ما توفت أمي الله يرحمها، عذاب يا دكتورة، مش ببقى فاهم، والله العظيم بيبقى نفسي بس أفهم أي حاجة، مرة البواب بس مسح محط عفوا يعني سلة الزبالة بعيد شوية عن باب الشقة، وهي واحدة مصفة الأوطة ترمي الي فيها

عشان كان عندها وسواس نظافة بس مش كثير في المطبخ بس عشان الحشرات، طلعت ترمي وبتلوح بإيديها تقريباً لقت البتاعة الهبابة ديه بعيد، أقسملك بدون مبالغة أربع ساعات هي جابت فيهم كل حاجة، أربع ساعات وصلنا فيهم إنها متحملة من أيام الخطوبة لما جدتي عملت مش عارف إيه، أنا بعدها مش عارف أنزل، مش عارف أكلمها، مش عارف أكل، كان عندي مراجعة مهمة قبل امتحان، نمت لغاية الصبح، حطيت المخدة ومش عاوز أقوم، ديه مرة من المرات، فهمت إن أبويا بيسيب البيت كثير عشان النقطة ديه بس ولو إني طبعاً مش شايف إنه عذر، أو مال دورك فين، بس متهيألي لو كان بيحدد كان حد فيهم هايموت الثاني لا قدر الله!!! مشكلتي بقى مع زوجتي إني حاسس بنفس الريحة، فجأة كده الدنيا مش عارف مالها، طبعاً على شكل مصغر، مفيش حد زي مامتي أبداً، بس أنا كنت ابنها الرابع أصغر العيال، يعني ممكن تكون في الأول كانت زي مراتي كده، وبعدين

تطورت، كل إخواني إتجوزوا صغيرين ومشىوا وكلهم
استشيخوا فمفیش حد فيهم راضي يديني كتالوجها زمان
عشان أقيس عليه، أفهم أمي كانت أقل من كده، ولما
أنا جيت بعد ١١ سنة جواز كانت حالتها زادت ولا لا،
وأبويا عايش بعقدة الذنب وطول الوقت بيعمل لها
حاجات صدقة جارية فمش هاروح أقوله هي كانت
كده من أول ما إتجوزتها ولا لا، كل الي عارفه إني مش
ممكن هاسمح إن الولدين التوأم ولادي حد منهم يستخبي
زي ما أنا كنت باعمل وقت انفجارها وأنا صغير بين
السرير والحيط، وفاكر إني كده باحمي نفسي..».

بكى الرجل ذو الثمانية والثلاثون عامًا وتوقف عن
الحديث بقراءة الفاتحة رحمةً على والدته وتأكيدًا أنه يروي
فقط لأفهم ولا ينقصها حقها أمام الله في تربيته.



الحب المشروط للطفل

يأخذ الطفل كل ثقته ومشروعية وجوده كما يسميها التحليل النفسي من وجوده داخل أسرته أو جماعته الأولى بكل ما يحمله، ما لديه وما ينقصه، كي يستطيع أن يكون لنفسه ذات إيجابية.

وإشكالية بعض الأسر أنهم يمنحون لأولادهم حباً مشروطاً، هو أقرب للحرمان منه إلى العطاء، ففي الحب المشروط يعطيك الأب أو الأم فقط إن حققت ما وضعوه شرطاً أو شروطاً لتكون ابنهم المقرب، ابنهم المحبوب!! ورغم أننا في عالم الكبار قد ننهي علاقة سنوات بأشخاص نكتشف أنهم يحبونا لأننا - فقط .. فقط - نحقق شروطهم في الحياة، إلا أننا لا نأخذ بالناس حين يتعلق الأمر

بالصغار، فتجدنا بسهولة نكرر «إفعل كذا عشان أحبك، أو الي عاوز يبقى حبيب ماما فعلاً ما يعملش كذا، أو إزاي عاوزني أحبك وإنّ بتعمل كذا».

جميعاً للأسف لا يحمل كلمات لفظية فقط، بل يحمل توجه حقيقي لدى البعض، فالكلمات قد تكون خاطئة ولكنها لا تحمل المعنى الداخلي، لكنها لدى البعض بالفعل تعبر عما يقولون، أن حبها له كإبن يتعلق بدرجاته في المدرسة، أو تهذبه، أو طاعته، أو أخذ صفه أو صفها حين الخلاف مع الطرف الآخر إن كان هناك مشاكل زوجية أو خلافات مع أهل أحد الزوجين.

هذه المرة لن آتيك بحالة طفل، ولكني سأتيك بحالة أم من إحدى الدول العربية، هي ذاتها جاءت لتقول إنها تشعر بأنها خسرت حياتها، لأن ابنتها تتصرف معها بطريقة قاسية، وأنها عرضتها لمواقف شديدة القسوة في أيام فرحها، ومما قالت « قبل فرحها بيوم تقولي إنتي طول عمرك قاسية عليا، ما ينفعش إنتِ الي تاخدي

حاجة إنت ما ادتيهانيش، تصوري يا دكتورة عمتها هي اللي تبقى معاها ساعة تجهيزات فرحها وتنزل تشتري لها أغراضها؟! تقولي دي كانت تقف معي وقت ما كنت إنت تاركاني، أنا الحقيقة يا دكتورة طول عمري علاقتي بيها مو طيبة، أحسها تتعمد تضايقني، أنا كنت وإلى الآن وحتى ما أقابل ربي على خلاف مع أهل أبوها، وهي ما في دم من وهي صغيرة تروح لهم، تسولف معهم، تحكي أسرارنا، حتى لو كانت الأسرار إني مريضة، أنا ما أحب حد يعرف عني شي، خصوصاً هم، هذي حياتي وأنا حرة، أيوه كنت أقول لها إنت طول ما بتروحي هناك بعيدة عن قلبي، أكذب على الله وأقول لها حبيبة ومو حبيبة؟! رب العالمين قال ابنك اللي يحبك يطيعك، ربنا بيحبنا كيف؟! بالطاعة، في عبد قريب لرب العالمين بلا طاعة؟! كيف يتم اختيار الأنبياء؟! قبل ما يختارهم ربهم طيعين، خلوقين، بارين بأهلهم، كيف يعني أحبها وهي تضحك لهم في مناسبة أكون منبهه على الكل

إني ما اأبي أي كلام معهم، من وهي صغيرة تبسم لهم
تيجي عمتها تحملها، وتخليني في موقف ربي أعلم بيكون
جسمي كله فيه نار، كيف أحبها؟! كنت أخذ أخواتها
وهي خلاص تروح معاهم، عمتها ما أعطها الله خلفه،
ما كانت هاتعرف أصلاً تربى فالله ما تقل عليها، لفت
عليها كيف الحية خلاص، تاخدها تتحاكى معها، تقرب،
لكن لما يصير زواج، أنا اللي أرتب الأغراض، أنا اللي
أدخل في لبس فستانها، لكن تقتلني وتقولي وهي بتقيس
بس دقائق أمي خليني بس عمتي يا دوها توصل
وتشوف؟!!!! فين سنين تربيتي، أقول لها يا بنتي يا بنتي
الأصول بتقول عمتك تشوف مع الناس، أنا أمك بس
وصديقة عمرك نشوف ونقول رأينا، مو حلو إن كثير
يشوفوا فستان عروسة خليفهم يتفاجئوا، تقهرني والله قهر
وتقول عمتي مو غريبة، وترجع تقول ليه كنت أقول لها
من وهي صغيرة إنها ما هي قريبة لقلبي؟! وهي ما
عملت لي حساب من وهي صغيرة، وكثير أقول يا أمي

يا بنتي خيلني أحبك وما تدخلني معهم، ما تساييرهم، لكن خلاص إنت اخترتي، وإخواتك طاعوني، ليه زعلانة اليوم وتسوي قصص عشان تخرجني عن الأصول؟! ليه أنا أخرج نفسي؟! قلبي محروق منها دكتورة، ولولا إني اتعرفت عليك من أم كان قلبي هيفضل تعبان قهرتني في فرحها، هي متصورة رب العالمين ها يسعدها وأمها غضبانة؟! هي كانت أقل إخواتها في الدراسة، ما فهمت إن ده رد رب العالمين عشان طاعة الأم؟! ما فهمت الرسالة؟! أنا باعترف ولا أخفي شيئاً بقلبي، أنا كنت بربيها عشان سؤال رب العالمين، لكن حبي لها هي ما عملت الأشياء الي تزرعه لها في قلبي».

حب الأم لا بنتها كان «مشروطاً» منذ طفولتها بدرجة جفائها في معاملة أهل والدها، ولأنها البنت الوحيدة ضمن ستة إخوة ذكور كانت تميل قلباً، لا تجد في قلبها ضغينة نحوهم كما قالت الأم، وبالتالي لم تستجب للأم، وهو ما لم يجعل الأم تخفي أنها ليست صاحبة دلال على

قلبهـا، وأن معزتها في قلبها تهاوت مقارنةً بإخواتها، مما دفعها لإيـلام أمها بالفعل، في مواقف فارقة معها.

يجب أن نتعلم أن أطفالنا سيكون منهم المختلف عنا، لكن هذا الاختلاف لا يجب أبداً أن يتعلق بمنحه الحب، بتوصيل مشاعر القبول الكامل له، وحين نرفض علينا أن نخبره أننا نرفض سلوكه، نرفض طريقة، نرفض أسلوب، نرفض ونكره موقف، لكن لا نرفضه هو ولا يمكن أن نتحول عنه أو يتحول قلبنا عن قبلته.



السخرية من طريقته وأراءه

بمراجعة حياة الكثيرين ممن حادوا عن طريقة أهاليهم بصورة متطرفة، وهؤلاء الذين كرهوا الكثير من قواعد المجتمعات وعملوا على تكسيرها، وأولئك الذين أصبحوا يحملون كراهه لكل ما اتفق عليه البشر في توجهاتهم العامة والمحمودة، ستجد أن الكثير منهم يرجع إلى تربية كانت ترفض آراءه وتسخر منه، صحيح من هؤلاء مَنْ واجه كل هذا وأصر على النجاح وإثبات وجهة نظره، لكن هؤلاء مَنْ توفرت لهم ظروفًا نفسية أخرى مكنتهم من التعامل القوي مع هذا الرفض وهذه السخرية.

كتبنا خلال كل النقاط السابقة كيف يتكون لدى الطفل ثقته بنفسه من خلال أسرته، وكيف يمكنه من خلال

تربيتهم له من قدر معقول من توكيدية الذات، وقدرة على إيجاد مكان له في العالم المحيط به.

وحينما يعتاد الطفل على السخرية منه ومن آراءه منذ الصغر فأن ذلك سينعكس بالضرورة على مفهومه عن نفسه وقدرته على تقديم آراءه.

ففي خلال سنوات عملي كنت أقوم بعمل إختبارات في بعض الأماكن لإختيار الأشخاص لبعض المهن داخل هذه الأماكن أو المؤسسات، وحينها كان يستوقفني بشدة هذه الحالة التي يكون عليها شاب حاصل على مؤهل محترم، ومر بمواقف تعليمية عديدة، ولكنه لا يستطيع التعبير عن نفسه، ينكمش لأي محاولة-مقصودة- لهز موقفه ناحية شئ يعرضه بقوة، أو الإضطراب الشديد عند أي محاولة لفهم المزيد منه عما يعرض.

وبطبيعة المهنة أفهم أن هذه الأمور تقوم على ركائز لم ينالها في منزله، لا تتعلق أبدًا بمؤهله العلمي، ولا حتى بسنوات خبرته المهنية لأنها أشياء تُزرع في الطفولة.

فالسخرية من الطفل وأراءه بدلاً من مساعدته على فهم الخطأ فيها، وإحترام تفكيره، وإجتهاده في الوصول لموقف ولو كان خاطئاً ويجب تعديله كلها أمور شديدة السلبية.

وهنا سأسوق لك ما هو عكس ذلك، سأسوق نموذجاً إيجابياً لأم شاب قابلته في حدث للأيتام، يتحرك الشاب الصغير وسط فريق عمل كله تطوعي، يتحدث إلى الجميع، وحين جاء شخص يخبره أن ما يقومون به في إجراء ما خطأ، بهرني ما قاله للرجل، بعد أخذ كل إحتياطات الأدب عبر عن إنه «طيب تمام حضرتك أنا هاتصرف، جمع الشباب معه وقال لهم إننا عملنا كذا خطأ وكان لازم نجهز كذا في الأول» الجيع يسمع، البعض متذمراً، هو يعني لازم الخطوات ما المهم كذا، وإحنا هانعيد كذا من الأول، وهو لازم الكبار يمشوا كل حاجة بمنهجهم، بعضهم أصابه إحباط، بعضهم لم يتوقف أصلاً وكأنه طائع بلا تفكير، لكن الشاب أكمل حديثه في ظل

كل هذه الأجواء وقال «طيب هايجي سؤال هو إحنا مش عملنا وخلص، وهو ليه ييجي يقول لنا نعمل كذا وكذا، هارد عليك وأقولك إحنا مش مستأجرين، وفعلاً ممكن نكمل على ما بدأنا، لأنه مش خطأ قاتل يعني ولا ميت، إحنا بس عاوزين نوصل رسالة حلوة، إن مش اللي بيندفع له بس هو اللي مُلزم يعمل اللي المكان حاطه شرط للعمل فيه، وإن ممكن لما نفهم رؤية الناس بأدب، ومش بطريقة تعجيز إننا نستجيب، وحلو إننا نمر بخبرة إن حاجة إحنا عملناها بطريقتنا وندخل تحدي إننا نعلمها وتطلع جميلة بردو بس بطريقة حد ثاني هو شايف إن ديه قوانينه...».

ظل الشاب يحكي، وبعدها علمت أن أمه لم تسخر منه يوماً، وأنه تعلم أن يفكر ويعمل ما يمكن له القيام به، ويُعدل دون أدنى ضيق حين تأتية ملحوظة «مهذبة»، ليس هدفها التقليل من شأنه، ولا هدفها إظهار أنه لا يفهم، وأكد الشاب إن ده كان سبب إنه يتعلم من كل الناس، وإنه يسمع لكل شخص يحترمه ويحترم رأيه ثم يختلف

معه، إنه فهم إن مشكلات مجموعات العمل لما يكون كل واحد شايف إن تفكيره بس الي صح والي حوله مش فاهمين، هنا يشوف إن الناس حوله لو تدخلت هاتقلل من شأنه فيقاوم.

وقتها سمعت منه صوت أمه وليس صوته، تأكدت إننا حينما نحترم أولادنا حتى حين نخلف مع ما يعرضونه، نخلق منهم أشخاص يحترمون أنفسهم دون تشنج، يتقبلون الآخر دون خوف، يتقبلون أنفسهم ولو أخطأوا وهؤلاء فقط مَنْ حين يتوهوا يرجعوا حيث كانوا لأنهم يعرفون أن الاختلاف سنة الحياة، وأن تغيير الطريق ممكن بفعل الرياح، لكن مَنْ يعرف ملامح طريقه يعود لها ولو تغرب عنها سنوات، وبعد عنها بلاد.



وضع الطفل موضع إتهام دائماً

لن أشرح هذه النقطة، بل سأدخل على المثال مباشرة، ربما لشدة الحالة، أو لأنها ستوضح عملياً تأثيرها في نفسية الطفل ونموه.

طلب مقابلة سريعة خلال الأسبوع، وفي أقرب وقت، بالفعل إستطعنا في المركز أن نحقق له ذلك، عرفني بنفسه، وبدأ يروي لماذا كان متعجلاً في اللقاء، وأنه لم ينم منذ حدوث الموقف الذي جاء به، وبالتالي فقد مر عليه ثلاثة أيام دون نوم، وحينما تناول ما مر به قال «طبعاً مش أول مرة يحصل لي موقف زي ده، بس عارفة حضرتك يعني إيه أبقى ماسك «....» في الشركة ولما تيجي تحصل سرقة أبقى مهزوز كده وأتعب وأمشي؟! هو الحمد لله

الناس كلهم ثقة فيا، بس مفيش شك الموضوع هيجيب كلام، فلان حصل له كده وقت سرقة، أنا بقالي ٣ سنين مع الناس ديه أجازاتي مش باخدها، فتخلي بقي».

عرفت منه إن حصل سرقة في الشركة عنده وكانت حالته تعبانة جداً، مع تفريغ كاميرات الشركة في نفس اليوم شافوا حاجة غريبة، استطاعوا منها تضيق الخناق على ثلاثة أشخاص طلع منهم واحد فعلاً هو الي واخذ الحاجة لكن كان بيحاول يتحرك بعيد عن الكاميرا، وظهرت ملامح بسيطة.

كانت مشكلة الرجل أنه مرض رغم أنه ليس موضع إتهام أصلاً، والسرقة ليست في مكانه، لكن مع فترة الراحة وسط اليوم وإعلان وجود سرقة لشئ ما، بدأت يتعب ونقله أحد الزملاء إلى بيته بسيارته لأنهم خافوا عليه من قيادة السيارة من حالة الإعياء التي إنتابته!!!

مع الحديث سألته كل ما يمكن أن يكون له صلة بالأمر، من حيث مدافعتة عن هؤلاء العمال سابقاً، أو إنه

تورط في موقف سابق أعادت الواقعة له ذكره، إلى أن قال
«لا يا دكتورة عمري ما إتعرضت لحاجة كده الحمد لله،
لكن أبويا عشان تقريباً كان شقي أوي على ما بسمع من
عمامي وجدي، كان دايمًا عامل فيها كورومبو، أو المفتنش
كونان، يدخل يشم أوضتي، يسألني أسئلة كده ماما
كانت بتقولي إنه بيوقع اللي بيكلمه عشان يعرف اللي هو
عاوزه، أنا بصراحة ما كنتش بتضايق عشان عمري ما
كنت بعمل حاجة غلط، اللي هو خايف منه بدأ دلوقتي
مع أخويا الصغير خالص، أنا أفكر إنني اتضايقت منه مرة
واحدة بس الصراحة عمال أفكر أقولها لحضرتك واللا،
بس مش مجمع شجاعتني إنني أقولها.»

صمت قليلًا، ثم طلب ورقة وقلم ليكتب ما يريد،
لأنه مش قادر يقوله، وإنه شايف إنه دي الحالة الوحيدة
اللي جرحته، أخذ الورقة والقلم وكتب إن والده كان
بيفتش في غيابه الداخلي، ويقبله بيده عدة مرات وهو في
المراهقة، خوفًا من أن يكون بدأ في ممارسة العادة السرية.

عاد للكلام بعد أن قرأت الورقة وقال الرجل ذو الثمانين وعشرين عامًا «أنا كنت الكبير بتاعه، وهو كان خايف قوي مني، فكان دايمًا شايف إني هاعمل حاجة مجرمة، كلمني عن الحاجات اللي كتبتها لك ديه من وأنا صغير، وقال لي إنها بتبطل الصلاة، ومش ممكن أمسك المصحف، وإلا ربنا هيسخطني، فكل ما كان يشك إن في حاجة مريبة كان يقول لي روح اتوضا وتعالى امسك المصحف عشان تقرأ لي حاجة بصوتك كده أشوف المدرسة دي بتعلمكوا واللا لأ، طبعًا هو بيبقى عاوز يشوفني طاهر واللا لأ، المضحك بقى يا دكتورة إنه كان بيعمل ده معايا، وأنا عفواً يعني ساعيني أنا أسف والله في اللفظ، ما كتتش بلغت بلوغ الذكور!! تخيلي، بس فهمت بعدين طبعًا، أصله كلمني في الكلام ده بدري، وكان يقول لي بيضيع النظر، ويمنع رحمة ربنا وكده يعني»

سرح طويلًا وطلب ورقة وقلما مرة ثانية، لكنني أقنعتة أن الأفضل أن يتحدث لأن سماعه لكلامه، وسماعي

لطريقته سوف يفرق كثيرًا في فهمنا للأمر عن الكتابة ..
تردد للحظات وقال «الي حكيته ده مش أصعب حاجة،
أصعب حاجة كانت في شك أبويا فيّ لدرجة خوفه على
أختي مني، يعني لو أنا خارج من أوضتها باجيب حاجة
واللا أي موقف وهو موجود لازم بسرعة يدخل يشوف
هي فين، ويسألني دخلت ليه، ويقلب وشه جدًا، ودايمًا
يكلمنا عن البلاوي ديه، مش عارف إزاي كان متصور إني
واحد متربي حلال وممكن أقرب من أختي، عفواً يعني
يا دكتورة، بس الي بيحصل لي لما يحصل سرقة أو حد
يقول حد نقل الكلام أو حاجة، باخاف ليه؟! هو عمره
ما شك فيّ في مال، هو كل مشكلته خوفه من إني أدخن،
أو عفواً يعني اللهم احفظنا يكون فيه - عفواً - جنس
يعني أو أفكر في حاجة جنسية، وأنا أبدًا والله العظيم يا
دكتورة، يعني حصل مرة اتفرجت، غصب عني واحد
صاحبي فاقد كده بس مشيت وسييته وقطعت علاقتي
بيه، بس مش عارف بانهز قوي لو حصلت حاجة غلط،

طبعًا فكرت في موضوع أبويا، بس مش فاهم إزاي أتأثر في حاجة الراجل ما عملهاش؟! في حاجة مخرج أقولها بس حضرتك قلتي لي كله بينفع، ويا ريت حضرتك ما تنظر ليش نظرة وحشة، والله العظيم ده حصل وأنا صغير، ومرة واحدة، وعاقبت نفسي عليها وقتها، وقلت أكيد أبويا كان فاهم صح، بس والله العظيم أنا ماليش يد فيها، بالله على حضرتك تفهمي إنها حصلت وأنا ١٤ أو ١٥ سنة، مرة عفوًا يعني حلمت إني والعياذ بالله بابوس أختي، بس عفوًا مش بتاع الإخوات، حضرتك فاهماني؟! ساعتها حسيت إن النفس وحشة، وإن أبويا معاه حق، وإن ممكن الإنسان يقع، وبقيت آخذ بالي جدًا من كل غلط في الدنيا، لو مكان فيه بنات قرايبي أبعد، لو مكان فيه حد سايب فلوس كده أبعد أو أقول له خلي بالك فيه فلوس على التراييزة مثلاً أو على المكتب مثلاً....»

ظل الرجل يحكي ما يؤكد أن الأب زرع فيه الخوف من نفسه، زرع فيه أنه متهم إلى أن يثبت العكس، زرع فيه أن

نفسه غير مأمونة، ولكن بشكل مبالغ فيه، فبدلاً من أن يعلمه أن نفوسنا تهوى ونحن نوقفها عن الهوى، أوصل له أن نفوسنا تقودنا بهواها، وأننا دائماً تحت عجلاتها ترمينا لتنتقل إلى ما تريد!!!

وضع ابنك في موضع المتهم دائماً يشعره بأنه ضعيف، أنه لا يملك حيلة كبيرة أمام ما قد يعتريه من متطلبات تلوح بها النفس ثم فجأة تنفذها دون أدنى مقاومة منا.

علمه كيف يقوى النفس، ولكن لم يعلمه كيف يقوى العقل، كيف يمكن أن يوقف الشرور، فحوله إلى متلق خائف دائماً مما سيلقى عليه.. قال الرجل في حديث له لاحق أنه يشك أحياناً في نفسه أن يكون فعل السرقة، أو النظرة أو أي شيء يتهم به آخر، أنه يراجع نفسه دائماً خوفاً من أن يكون كانت له يد في أي مشكلة تحدث حوله!!!

لا تحولوا أولادكم إلى شخصيات ضعيفة لأنها كانت موضع اتهام دائم منكم، تتلقى الاتهام وكأنها وقعت فيه فعلاً ثم تبحث، هل وقعت فيه بالفعل أم لا!!!



عدم احتضان الطفل أو آليته احتضانه

الجسد .. أمر قد لا نعتني بإشباعه الروحي، نعم ..
هو جسد وله إحتياجات فسيولوجية، لكن هناك جزء
فيه عبارة عن أرض كالألمة لا يتم استزراعها إلا ببعض
الأمور النفسية، كالتعبيرات الحلوة عن قبوله، ولمسه
بحب، ويأتي على رأس ذلك «الاحتضان».

لا يعني الاحتضان مجرد ضم جسم طفلك، أو مَنْ
تُحب، بل هو حالة إفضاء يمكن فيها أن ينقل جسمك
صامتًا كل ما يمكنه قوله للطرف الآخر، ولذلك ليس
غريبًا أن تجد شكوى زوجة من أن زوجها الذي يعطيها
كل شيء يحرّمها حضنه، أو تجد شخص يسافر من مكان

لآخر بحثًا عن حُضن شخص يعرف أنه سيكفيه محادثات طويلة، وكلام لا ينتهي عن الأمان، ومواقف كثيرة فيها توصل له رسالة أنك تدعمه.

فهناك مواقف يقول فيها الإحتضان كل شيء، يجعل الشخص يكتفي، نعم .. هذه هي الكلمة المناسبة، يكتفي.

ورغم معرفتنا بأهمية ذلك، ورغم أنك لو طلبت من شخص أن يصف لك ما يحتاجه حين تضغط عليه الدنيا ستجد الإجابة «أستخبي في حُضن أمي، أو أترمي في حُضن أبويا، أو أخويا، أو زوجتي، أو بنتي ...» لكننا لا نفهم أننا يجب أن نعطيه لأطفالنا ليعرفوه، كي يستطيعوا معرفة مذاقه، والتدريب على أنه يكفي أحيانًا حين لا يُجدي كل الكلام.

بعض الأمهات والآباء يخلون على أولادهم بالإحتضان، لمعاني ومفاهيم بل دعني أقول لمبررات غريبة، فمنهم من يقول أنه لا يحب القرب الجسدي!!

وهذا أقول له تعالج أولاً ثم تزوج أو أنجب، ومنهم مَنْ يعتبر أنه كي يربي رجلاً عليه من التخفيف من الحاجات «المالية» ديه، وهنا أقول له إننا نرى رجالاً رائعين لكن الحياة معهم لا تسمن ولا تغني من جوع، فهم رائعين حين تقدمهم للآخرين، للعرض فقط، لكن الحياة معهم تجعل الإنسان دائماً في حالة عوز، إحتياج لأنك أقمت بناءً لكنك لم تقم إنساناً، ومنهم مَنْ يقول عشان أحمي البنت من إنها تبقى عاوزه حضن وكلام فاضي من ده وإنتي عارفة الدنيا يا دكتورة بقت عاملة إزاي!! وهؤلاء أقول ببساطة إن الكثيرات ممن يعملن في الجنس المباع أو البغاء حين تجمعننا بهن دراسة، أو تأتي لمشكلة ما من تعلق أو غيره، وحين مراجعة قصص حياتهن نجدهن لم يتم إحتضانهن في أسرهم، والإحتضان الذي تحرم إبتك منه كي لا تعتاد جسد الرجل-رغم إنك أبوها- لم يحمي هؤلاء من أن يقعن فيما لا تتخيله.

بل إن بعض الفتيات يدفعن في هذا الحوضن الذي
حرمته منها الكثير، لأن المرأة قد تكتفي بحوضن ولكن
الرجل لا يستطيع وقف الأمر عند هذا الحد فتدفع البنت
مالا تطيق لتأخذ ما تتمنى !!!

الإحتضان هو أحد الشهادات الكبرى لقبول الطفل
لنفسه، بل الراشد لنفسه، وبالتالي ففكرة عدم إحتضانه،
لمس جسده، ضمه إلى صدورنا، يجعله دائماً خائف حتى
لو لم يكن يعرف ما يخيفه، جامداً حتى لو تحرك قلبه
نحو شخص أحل الله علاقته به.

الأطفال الذين لا يحتضنهم آباءهم لا ينقصون شيئاً
عن الأيتام، فالمأكل والمشرب والملبس وكان النوم والمأوى
يمكن لأي شخص أن يعطيه للإنسان، لكن الإحتضان،
تلك الحالة التي تلف فيها يديك على ابنك لتقول له
أنا أحتويك، أو تسمعه صوت قلبك، أو يقترب من أول
رائحة نشأ فيه قبل أن نراه نحن وهو في رحم أمه، كلها
أمور لا يمكن لغيرك أن يعطيها لطفلك.

حالة شبع حقيقية، قد يعيش ابنك في بيتك وهو جائع لها لأنك قررت أن تشبع بطنه ونسيت أن تشبع نفسه.

ربما لن أسوق لك حالة بعينها، لأن كلامهم عن أهاليهم قاسي، وبه قدر من التعدي، مهما كان مستواهم الاجتماعي، أو الثقافي، لكنني سأقول لك أن الكثيرات ممن يخفن اللمس، أو الإقتراب منهن حتى بشكل عادي ومبالغ فيه، وهؤلاء اللاتي يتوجسن من كل المحيطين بهن لم يحصلوا على إحتضان حقيقي في طفولتهن، يمكنهن من إستيعاب أن القرب بالجسد ليس بغاء، وليس إجراماً، وأنه ليس استخداماً لها لمتعة آخر، بل هو حالة من الوفاق الإنساني لها شروطها الدينية والمجتمعية إن توفرت فهي مقبولة.

لم تتعلم أن الجسد أحد مواصلات الرسائل بين البشر وأن السلام والقرب يكفي لأن تحكمني على قرب صديقتك، أو ضيقها منك، تكفي لأن يوصل لكي ابنك قلقه، أو سعادته، يكفي لأن تعرفي حالة زوجك وقدر اشتياقه لكي كإنسانة وليس آلة إشباع.

يحتاج الأمر إلى مزيد من السعي الحقيقي حتى لو كان لديك مشكلة مع القرب الجسدي حاولي أن تكسريه، وتركي نفسك لأولادك، تعيشي في أحضانهم، تحتضينهم بقلبك، وليس لمجرد تسديد خانة، أو معلومات حفظتها، فمن بين الموضوعات الجديدة التي تأتينا من حوالي عام أن تأتي الأم تقول أنها تقدم لطفلها كل المطلوب لرعايته، حتى عدد الحضنات الي المفروض ياخذها في اليوم الي هي في عمره الآن ٩ حضنات!!!

رأيت إحداهن وهي تحتضن ابنها الحضن الذي تعده بالأرقام، أقسم لك إنني شعرت بالآلم للطفل الذي لم يأخذ منه سوى تأييد حركته للحظات ثم سماع كلمة «أي لاف يو» ورد هو عليها «مي تو» وإنتهى الأمر!!!

إجتهدوا في إحتضان أطفالكم، ساعدوهم أن يتقبلوا جسمهم، أن تسمعوا آنات قلوبهم، أن تضعوا رؤوسكم على رؤوسهم لتقولوا لهم أنكم خلقتوا لتظلونهم فلا تصل لهم هموم الدنيا، وأنكم العازل الذي يحميهم.

ستتعلموا كثيراً من حضن أطفالكم، ستعرفوا الكثير
عنهم دون نطق كلمة واحدة، سيأتي مهرولاً إلى حضنك
ليحكى كل شيء حين يشعر بأمان نفسك الذي تنفسيه
حوله ..



عدم حفظ أسرار الطفل ومعايرته بها

أسرت أن أضع هذه النقطة في ختام أهم الأمور التي تؤثر على الصحة النفسية للطفل لأننا في الوطن العربي نعتبر الطفل ملكية خاصة نفعل فيها ما نشاء، وبالتالي فإننا نتحدث عنه وعن خصوصياته دون أدنى شعور بتأنيب الضمير، فمشاعية حياته من وجهة نظرنا، وإنخفاض قيمة أسرارها من وجهة نظرنا أيضًا تجعلنا لا نلتفت إلى أن ما يضعه لدينا من أسرار يعطيه درسًا مجانيًا في شعوره بالأمان معنا.

فليس من حقل كآب أو أم أن نتحدث في أموره الشخصية مهما كانت بسيطة مع أختك أو صديقتك لأنك تشعر معهم بالقرب، فما له هوله، يخصه هو، وفيه

يجرب هو مدى أمانتك معه ومع ما يدخره عندك فإما أن يعتبرك شخص أمين على حياته أو يظل يبحث عن ذلك وربما يدفع ثمنه مبالغاً حين يجده عند شخص آخر.

الكثير من أولئك المراهقين الذين يتألمون حين يأتون لاستشارة مع ذويهم أسألهم بعد أن ينتهوا من رواية ما يعذبهم: يا ترى ليه ما حاولتش أو ما حاولتيش تقول لما الأمور ديه يمكن كانت قدرت تساعدك على مواجهتها أو وقفها معك أو دعمك فيها..

فتكون الإجابة: ماما/ بابا مش بيحافظوا على اللي بقوله لهم، يعني لو قلت الكلام ده هلاقيه مع خالاتي، أو عماتي، والموضوع هيبقى صعب بالنسبة لي، أو على الأقل في كل مرة ها يحصل أي موقف ها يعيروني بالي قولته، كل مرة ها يفكروني بالي إتعرضت له!!

كثير ولادكم بيبقى نفسهم يحكوا لكن لأنهم جربوا أن ذلك ليس فكرة آمنة عزلوا عنها، توقفوا رغم الحاجة.

الطفل له أسرار مهما كانت في نظرك بسيطة، فتأخره في ضبط التبول، أو خوفه مما قد يخرج له من تحت السرير، أو تعرضه للضرب من طفل آخر، أو الإبتزاز، هزيمته في موقف ما في المدرسة، شعوره بميل وجداني طفولي نحو طفل أو طفلة من الجنس الآخر، أفكاره عن ربنا، طفولية عرضه لبعض الموضوعات ليس مادة للنشر في جلسات الأهل، ولا الماميز على الإنترنت، ولا مجال لتوثيقها مع آخرين.

احذروا من ألا يعتبركم أولادكم مصدر ثقة ويبحثوا عن آخرين يسرون لهم مواقفهم، حياتهم، فالأسرار تبني جسراً من الثقة، أنت كشخص كبير ستجد نفسك تبحث عن شخص ما حينما يكون لديك شيء معين تعتبره جزءاً هاماً من حياتك كي تسره لشخص، بل أن بعضنا قد يحتفظ بلسانه مربوطاً عن ألم أو وجع أو موقف شديد التأثير على حياته انتظاراً لشخص معين يقوله له، إن سألت نفسك عن مواصفات هذا الشخص بموضوعية

بخلاف عاطفتك نحوه ستجد أن عقلك وقلبك يرونه مصدر ثقة لأسرارك، لن يخرج من لقاءك إلا وقد دفنها لتموت قبله خوفاً من أن تخرج منه في أي موقف، إضافةً طبعاً إلى أنه لن يعايرك به يوماً ما، لن يقول لك فعلت وفعلت، وإحترازاً منه على ذلك وأخذاً بالأحوط يقوم كما قلت لك بدفنه قبل أن يتحرك من مجلسه معك.

إن إخراجك لسر ابنك أو معايرته به لاحقاً يبعد بينكم المسافات، ثم أن معايرته به تجعله يفكر ألف مرة مهما كان محتاج لمساعدة فإنه لن يُقبل على طلبها منك لأنه يعلم ما ينتظره لاحقاً، وما قد يجعلك مثلاً لا ثِق في حكمه طوال عمره.

الحالات في هذا الأمر كثيرة وكثيرة، وأنت شخصياً ربما مريبك موقف مشابه صغيراً أو كبيراً، فهل تعلم أن شكوى بعض الأزواج من أن الطرف الآخر لا يخبرهم شيئاً عن أسرار حياته لأنه إما يخبر بها الآخرين، أو يعايره بها طوال مراحل زواجهم، بأنه لا يستطيع الحكم على الناس

مثلاً لأن شخص كان يثق فيه ولم يكن كذلك، أو إنه لا يفهم في الشراء لأنه اشترى شئ من مكان ووجده الآخر أقل أو غير ذلك من المعايير اللطيفة الشهيرة بين الرفاق والتي تدرب بعضنا عليها خلال مرحلة تربيته لأن أحد الوالدين لم يعلم الطفل أن له خصوصية، وأنا حين نسر أخطاءنا لشخص ثقة لا يجب أن يظل يحكم علينا من خلالها.

خاتمة

التربية صعبة، خاصةً في ظل كل التحديات التي تفرض نفسها علينا، حاولت في الكتاب مساعدتك كأم أو أب في الاهتمام بالتربية النفسية للأطفال مع خالص احترامي لكل الأمور الضاغطة التي قد تجعلك تنسى بعض هذه القواعد، لكن ما دمنا على قيد الحياة فإن القاعدة، ما لا يدرك كله لا يترك كله..

د/داليا الشبمي

الكاتبة في سطور

دكتورة: داليا الشيمي

العمل الحالي:

- مدير مركز « عين على بكرة للمساندة النفسية والتنمية الأسرية » للاستشارات والاختبارات والتدريب النفسي ومختلف المشكلات الأسرية والزوجية .
- مؤسس موقع عين على بكرة للمساندة النفسية والتنمية الأسرية والإدارية <http://www.3ain3alabokra.com>

المؤهلات:

- حاصلة على الدكتوراة بتقدير إمتياز مع مرتبة الشرف الأول.
- كلية الآداب - قسم علم النفس - بجامعة عين شمس.
- حاصلة على دبلوم إدارة الأزمات من جامعة عين شمس.

- حاصلة على تدريب علاج عقلائي انفعالي سلوكي لعلاج الوسواس القهري و الإكتئاب والقلق .
- حاصلة على تدريب في الإرشاد النفسي جامعة عين شمس ..
- حاصلة على دبلوم تخاطب وأمراض اللغة والكلام من معهد السمع والكلام التابع لوزارة الصحة.

الخبرات العلمية:

- تدريس الجانب العملي للمواد الدراسية بالفرق الدراسية المختلفة بكلية الآداب جامعة عين شمس (كعضو منتدب) منذ عام ١٩٩٨ م وإلى ٢٠٠٨
- العمل كأخصائي تقييم نفسي بعيادة البلوغ بمستشفى الجلاء التعليمي من عام ٢٠٠٠ م. ثم بعيادة الوراثة
- العمل كأخصائي تقييم وتنمية مهارات وتدخل مبكر للأطفال المعاقين بعيادة الوراثة بمستشفى الجلاء منذ عام ٢٠٠٤ وحتى ٢٠١٠
- العمل في التقييم والعلاج النفسي للحالات النفسية والاضطرابات المصاحبة للإدمان في عيادة د/اسكندر جريس مستشار الطب النفسي منذ عام ٢٠٠١ م وإلى الآن ..

- الانتداب إلى مركز الخدمة النفسية التابع لجامعة عين شمس لتطبيق الاختبارات النفسية المختلفة عام ٢٠٠٣ م.
- مدرب في المشروع الألماني لتنمية المرأة والمجتمع..
- مدرب للمرشدين النفسيين العاملين في مجال تقديم المشورة بمراكز الشباب بالتعاون مع جمعية الشباب «خطوة للمستقبل» واليونيسيف بمحافظات مصر المختلفة.
- أحد أعضاء فريق المساندة النفسية المصرى الذى سافر للبنان وقت الحرب لتأهيل الأطفال والمراهقين وتدريب الجمعيات الأهلية على التعامل مع الأطفال فى الحروب والكوارث بالإشتراك مع قطر الخيرية ومركز ميديا انترناشيونال.
- المشاركة في الدعم النفسي لنازحي مخيم نهر البارد في لبنان ٢٠٠٧ على مدار سفرتين.
- المشاركة في المساندة النفسية للفلسطينيين في العدوان الصهيوني ديسمبر ٢٠٠٨ وتأهيل عدد من الفرق هناك وجلسات لدعم العاملين في الدفاع المدني.
- عقد دروات تدريبية لحقوق المرأة والتمكين وتضمنت برنامج المرأة العربية تتكلم، وتغيير الإتجاهات السلبية نحو المرأة، أشكال التمييز ضد المرأة وآرها النفسية، وإعداد قيادات المجتمع المدني من النساء لصالح عدة جمعيات منها الجمعية المصرية للتنمية الشاملة ومؤسسة تنمية الأسرة وغيرها (وذلك بالمناطق العشوائية التي تشمل أرض اللواء والمرج ودار السلام وغيرها من المناطق).

- عقد دروات تدريبية في دولة قطر لموضوعات عدة عام ٢٠١٢ - ٢٠١٠ تضمنت: دورات للمعلمين حول التعامل مع الطلاب الموهوبين - صعوبات التعلم - التعامل مع المراهقات.
- المستشار النفسي لعدة جمعيات أهلية وخيرية وتنموية وبعض المدارس الدولية.
- عقد دروات تدريبية في دولة لبنان مايو ٢٠١٣ وحتى ٢٠١٦ في عدة موضوعات تتعلق بتأهيل المعلمين والأسر والمديرين والمقبلين على الزواج وغيرها.
- تنظيم بعض الدورات بالإشتراك مع بعض المراكز الخاصة، في موضوعات:
مواجهة الضغوط للمديرين، والتواصل الفعال، والعلاقات الزوجية، والتربية النفسية والتربوية للطفل، تأهيل المعلمين للتعامل مع الفئات المختلفة، التعامل مع المراهق، تأهيل العاملين مع الأيتام، التعامل مع المرأة بعد الطلاق، الأزمات والكوارث. ادارة الوقت، معرفة الذات والأخرفى العمل، الإدارة الإشرافية، رفع الروح المعنوية للعاملين، نماذج الإدارة، تأهيل الأطفال للقيادة، الطفل المبدع وإكتشاف المبدعين، طرق التفكير ورفع الدافعية للتفكير الإبداعي، تقييم الوظائف... وغيرها من الموضوعات.

المؤلفات:

- كتاب مشترك للمساندة النفسية لمتضرري الحروب والكوارث للأطفال والمراهقين..
- كتاب فردى عن مدرسة ما بعد الحرب.. كيف يستطيع المعلم التعامل مع الأطفال بعد الحرب
- كتاب بعنوان (تعديل سلوك الأطفال) دليل الوالدين والمعلمين - الناشر الدار العربية للعلوم والنشر ٢٠٠٩ .
- كتاب (في بيتنا مراهق) الناشر الأهرام للتوزيع والنشر ٢٠١٠
شهادات التقدير:
- حاصلة على شهادة تقدير للتميز العلمي من كلية الآداب جامعة عين شمس ١٩٩٦ م.
- حاصلة على شهادة تقدير من مؤتمر علم النفس باسم أ.د. / فرج عبد القادر طه للتفوق العلمي ١٩٩٧ م.
- حاصلة على شهادة تقدير للاشتراك مع مركز الخدمة النفسية بجامعة عين شمس في تنظيم بعض الدورات عام ٢٠٠٣ م.
- حاصلة على شهادة تقدير من الشيخ القرضاوى.. لما قدمته من تدريب للبنانيين في حريهم ٢٠٠٦ .
- حاصلة على شهادة تقدير من رئيس مجلس الوزراء المصري باتحاد الأطباء العرب على الجهود المقدمة للدعم النفسي لغزة ٢٠٠٨

- حاصلة على شهادة تقدير من الهلال الأحمر العربي من مركزه الرئيسي بالمملكة العربية السعودية ٢٠٠٩ .
- حاصلة على شهادة تقدير من مؤتمر جمعية تكافل للأطفال بدولة لبنان الشقيقة ٢٠١٠

المؤتمرات التي شاركت فيها:

- مؤتمر حماية الأطفال من العنف والإهمال والإساءة - يونيو ٢٠٠٧ بصنعاء - اليمن
- المشاركة في مؤتمر حماية الأطفال « نحو طفولة آمنة » بجامعة تعز باليمن شهر نوفمبر ٢٠٠٧ . .
- المشاركة في مؤتمر تكافل الثاني لحماية الطفولة الذي عقد في بيروت إبريل ٢٠١٠
- المشاركة في مؤتمر العلوم الاجتماعية الذي عقد في العاصمة التركية أنقرة ديسمبر ٢٠١٠ .
- المشاركة في مؤتمر الواقع النفسي والاجتماعي للمرأة في المجلس الأعلى للثقافة ديسمبر ٢٠١٠ بالقاهرة.
- المشاركة في مؤتمر «فداك يا قدس» و«التنشئة الإسلامية النفسية الصحيحة» في الجزائر العاصمة مايو ٢٠١٣ .

اللقاءات الإعلامية:

- الاشتراك في عدة برامج مع القنوات المصرية والفضائية والكتابة لعدة جرائد ومجلات عربية.

الفهرس

٧	مقدمة.....
١٢	القبول والرفض أثناء الحمل.....
٢٠	اسم الطفل و «كنيته».....
٢٦	أزمة «شكل الطفل»!!.....
٣٢	تضارب رد الفعل حول نفس الموضوع.....
٣٦	التعامي عن قدرات الطفل.....
٤٢	اعتبار الطفل مسرحًا لتحقيق الوالد لنفسه.....
٤٨	التهديد بعقاب لاحق.....
٥٢	الإجبار الدائم في كل الأشياء.....

٥٦.....	تعدد الجهات الحاكمة على سلوكه.
٦٠.....	تعريض الطفل للإستباحة الجسدية.
٦٦.....	إهانة الطفل أمام الآخرين.
٧٢.....	تكرار التوصيفات السلبية على مسامعه.
٧٨.....	الرفض غير المسبب.
٨٦.....	المنّ الدائم.
٩٤.....	تعريض الطفل لخبرات حادة.
١٠٤.....	ادخاله في المشكلات العائلية.
١٠٨.....	الحرمان البيئي «الفلترة».
١١٨.....	المقارنة بالآخرين.
١٢٦.....	الإستهتار بالأحداث التي تمر به.
١٣٤.....	التمييز لصالحه أو ضده.
١٤٦.....	المبالغة في تخويفه من بعض الموضوعات.
١٥٤.....	محاربة إقامة الطفل لعالم خاص به.
١٦٢.....	القسوة في وضع قواعد حياته.

١٧٢.....	ضحينة الوالد لنفسه
١٨٤.....	الإنفجارات الإنفعالية مع الطفل
١٩٢.....	الحب المشروط للطفل
٢٠٠.....	السخرية من طريقته وأراءه
٢٠٦.....	وضع الطفل موضع إتهام دائماً
٢١٤.....	عدم إحتضان الطفل أو آلية إحتضانه
٢٢٢.....	عدم حفظ أسرار الطفل ومعايرته بها
٢٢٧.....	خاتمة
٢٢٩.....	الكاتبة في سطور

